

387.—1522, 5 июня. Вырокъ боа-ромъ Виленского повета, Томасъ Селивестровичъ и зятю его Мартину Мацковичъ, съ теткою его Малькгоретою Милославою Совичовною ¹ и сынами ея и именья бабки ихъ Катерины Довкгирдовны.

Жикгимонтъ.

Смотрели есмо того дела. Стоали передъ нами шчевисто, жаловали намъ боаре Виленского повета, Томасъ Селивестровичъ зъ зятемъ своимъ Мартиномъ Мацковичомъ, на тетку свою Малькгорету Милославъ Совичовнъ и ея сыновъ, и повелили передъ нами: ижъ бабка ихъ, Совичова Катерина До[в]кгирдовна была за Во[т]комъ Моствиловичомъ, и зъ нимъ прибыла дочьку Святохну, ((л. 308) матку нашъ; и потомъ и тотъ Совичъ вмеръ, и шна, будъчы вдовою, записала то тетъце нашо Малькгарете Милославе именъе, спадокъ, што было на нее спало, по близкости ея, Ган[с]овскоа а Дякгирдовскоа; и шна, по смерти бабки нашое, будъчы на тыхъ именьяхъ, тыи именья зъ братомъ своимъ Юхномъ поделила, а насъ, ѿ тыхъ имене близъкихъ ², ѿдала.

А тата Малькгорета Милослава передъ нами мовила: мне де въ тыхъ именьяхъ третюю часть записала матька мога Катерина Дякгирдовна; зъ др[у]гими двема частями тыхъ имене матьки ея, дедицтва або ея ѿчизны, Малькгорета ³ Милослава зъ братомъ своимъ Юрьемъ равнымъ ся деломъ розделили; а челядь тую даню ея ѿписала; а коли замужъ подетъ, тогда братъ ея Юрьи со всею выправою, какъ на нее

слушить, съ ѿтчизны мель ея выправити. Такежъ выписала матька ея въ томъ листе своемъ: ижъ др[у]го доче первого мужа своего, небожьчыцы Святохъне, матъце ихъ, со всего именья своего досыть вчинила: вено свое властно, двесте копъ гроше, на менъи на Горболишкахъ, ея дала и записала, которое мела ѿ ѿца тоа Святохны записано; а если бы дети або пригатели тоа Святохны некоторую часть тыхъ двѣхъ дельницъ выше писанныхъ хотели бы мети, тогда первемають двесте копъ гроше положить, а тыми двема частями зъ Юрьемъ и зъ Малькгоретою Милославою на-троа ся поделити.

И на то тастаментъ матки своея передъ нами вказывала.

((об. л. 308) Какъ же и мы перво сего, водле того ⁴ тастаменту и поведанья ея, тотъ тастаментъ нашимъ привильемъ были потвердили.

И мы тоа Малькгореты Милославы пытали: што матька твога Катерина тыи пѣзи двесте копъ гроше на тыхъ Горболишкахъ записала Святохъне, мела ль ⁵ которую шправу або записъ ѿ первого мужа своего Во[т]ка? Абы то вказала.

И шна на то шправы, записовъ ѿ першого мужа матьки своея не вказала.

Ино мы, тому порозумевшы: ижъ матька ея, не маючы шправы ѿ мужа своего, не мела моцы словомъ своимъ на тыхъ именьяхъ тоа с[у]мы пѣзе записывати, а хотя мы то ея и привильемъ нашимъ были потвердили, а ведъжо то мы вчинили были, водле ея поведанья,—а такъ мы, за тою причиною, тыи пѣзи двесте копъ гроше ѿ нее

¹ Въ «Реестрѣ»: «Савичовною». ² Здѣсь зъ передѣлано изъ ѿ. ³ Въ подл. описка: «Мольгорета». ⁴ Это слово вписано на полѣ, надъ строкою. ⁵ Здѣсь зъ переправлено изъ и.

ѡсѣдили. Нижъли што ся дотычетъ тоѣ третее части, што матька еѣ въ тыхъ именахъ своихъ еѣ ѡписала, и тѣю челядь, то маѣтъ ѡна держати, подле запису матьки своеѣ. А што ся дотычетъ тыхъ двѣхъ частеѣ, мы то межѣ ними такъ сказали: ижъ мають ѡни тыи ¹ две части на-троѣ розделити: тоѣ Малькгорате Милославе часть, а брату еѣ Юхъну дрѣгую часть, а тому стричичѣ еѣ Томасу Селивестровичу зъ зятемъ еѣго Мартиномъ Мацковичомъ третяя часть. И на то есмо тоѣ Малькгорете Милославе дали сесъ нашъ листъ ((л. 309) судовыѣ, и потвержаѣмъ то симъ нашимъ листомъ вечно еѣ самоѣ и еѣ детемъ: маѣтъ ѡна тую третюю часть, которѣю еѣ matka еѣ записала, ѡдаливши всехъ детеѣ близъкихъ * своихъ, и тежъ тую дельницѣ, што съ тыхъ двѣхъ частеѣ маѣтъ еѣ достатися на делѣ со всимъ, и вольна ѡна тамъ прибавити и розширити, и къ своему лепъшому и вжиточномѣ ѡбернути такъ, какъ сама налечеѣ розѣмеючы. А на твердость того и печать нашѣ казали есмо привесити къ сему нашему листѣ. Писанъ ѣ Вильни, июнь 5 день, инъдик[т]ѣ 10.

Пр[и]т[омъ] был[и] п[а]н[ове] рад[а]: воѣв[ода] Вил[енскиѣ], дер[жавца] Моз[ырскиѣ], п[а]н[ъ] ѡл[ьбрахтъ] Мар[тиновичъ] Кгаш[тольтовича]; п[а]н[ъ] Вил[енскиѣ], ст[а]р[оста] Жом[оитскиѣ], п[а]н[ъ] Ст[а]н[иславъ] Ив[новичъ]; мар[шалокъ] зем[скиѣ], воѣв[ода] Нов[городскиѣ], дер[жавца] Мер[ецкиѣ], и Дов[гговскиѣ], п[а]н[ъ] Иванъ Ив[новичъ] Заб[ерезинскиѣ]; воѣв[ода] Киѣв[скиѣ], п[а]н[ъ] Андреѣ Нем[ировичъ]; воѣв[ода] Пол[оцкиѣ], ст[а]р[оста] Дор[сѣнишскиѣ], панъ Петръ Станиславовичъ.

388.—(безъ даты). ѡписанъ е артыкулѣ ѡ выводе шляхецтва за примовою.

Господаръ король, съ паны радами, на вальномъ соѣме Виленскомъ, казалъ тотъ члонокъ ѣ книги ѣписати:

Если хто кому приганить, ижъ бы не былъ шляхтичомъ, тогда тотъ, ((об. л. 309) кому бы было приганено, маѣтъ двама шляхтичы выводитися тымъ ѡбычаѣмъ:

Если бы тыи два шляхтичы поведали, ижъ тотъ, кому приганено, съ ѡдного родѣ ѡ прадеда, ѡ деда, съ ѡноѣ крови имъ естѣ братъ, а на томъ бы присягнули, таковыѣ маѣтъ таковою братьѣю родъ своѣ шляхотскиѣ ѡчистити.

А если жъ бы хто ѡдного мель шляхтича кровного себе, а двѣхъ не могъ достачити ², тогда тотъ маѣтъ шляхтичъ съ тымъ, кому наганено, присегнути такимъ же ѡбычаѣмъ, какъ и тыи верхѣписаныи шляхтичы присягнуть.

Пакъ ли жъ бы тотъ, кому наганено, не могъ ни ѡдного шляхтича на то себе мети, а если бы на то мель листъ ѣ себе старыѣ, великого князя Витольта и Жикгимонъта, або ѡца нашего Казимера короля еѣго милости, або некоторыхъ пановъ радѣ высокихъ, а въ томъ бы листе писано еѣго ботариномъ, не подле еѣго поведанъа, нижли або ѣ праве съ кимъ будетъ стоааль, або ѡ кого до него листъ бѣдетъ, писанъ шляхтичомъ,—тымъ ѡнъ листомъ маѣтъ шляхетство * своѣ вывести.

389.—1522, 6 июня. Листъ до некотори хъ ѡсобѣ комисаровъ зъ стороны земенина Дорогицкого

¹ Это слово вписано надъ строкою. ²=достачити. * Здѣсь ѣ передѣлано изъ ѣ.

Климчицкого въ справе съ пани Раѳаловою ѡ розсѹженъѣ ѡ кривды, поделаныѣ въ земляхъ и в-ыншихъ речахъ.

Жикгимонтъ.

Дворанинѹ нашому Анѳрею Ѳальковичу а земенинѹ Дорогицкомѹ **|| (л. 310)** Во'техѹ Скивскому.

Жаловаль намъ земенинъ Дорогицки' Климчицки' на пани Раѳаловую ѡ томъ: штожъ де' кривды ѣму поделала въ земляхъ и в-ыншихъ речахъ. Ино ѡнъ взялъ въ насъ на тоѣ дело съ своѣѣ рѹки васъ судьями, а пани Раѳаловаѣ взяла въ насъ на тоѣ дело съ своѣѣ рѹки судьями Кѹчинского, а подстаростего Дорогицкого Понетовского; и рокъ ѣсмо тому правѹ тамъ выѣхати межи ними положили ѿ семоѣ сѹботы въ чотырохъ неделяхъ.

Прото жъ, штобы ѣсте, зъ ѣѣ судьями посполь ся згодивши, тамъ на тотъ рокъ выѣхали, и ѡ томъ межи ними досмотрели, и справедливость тому вчинили, не дѣбаючи ѡ жадныи привилыѣ твердости. И такъ ѣсмо межи ними встановили, и ѡни сами передъ нами звѣлили: ѣсли бы котораѣ сторона съ судьями своими тамъ не выѣхала, тогды дрѹгаѣ сторона, котораѣ кольве тамъ выѣдетъ, тыи зъ васъ судьи мають ѡ томъ межи ними досмотрети, и справедливость тому вчинити, и водлѹгъ светковъ сведоцтва завести и ѡграничити, и въ томъ имъ ѹвезанъѣ дати. И вы бы на тотъ рокъ тамъ выѣхали, и справовалися, водлѹгъ того, какъ въ семъ листе нашомъ выписано. А мы до пани Раѳаловоѣ писали, ажъ бы ѡна на тотъ рокъ съ своими судьями тамъ выѣхала, и передъ вами ку правѹ стала, и права была послушна во

всемъ. Писанъ ѹ Вильни, июнь 6 день, инъдик[т]ъ 10.

390.—1522, 5 июня. **|| (об. л. 310)**

Листъ, писанъ до некоториихъ ѡсобъ комисаровъ зъ стороны пана Миколая Станиславовича Глебовича, воѣводича Полоцкого, въ справе зъ маткою ѣго пани Раѳаловою ѡ люди и земли Комарчицкиѣ¹: абы тамъ, зъѣхавши съ комисарми ѣѣ, розсудокъ ѹчинили.

Жикгимонтъ.

Дворанину нашому Анѳрею Ѳальковичѹ, а подстаростемѹ Бельскому Станиславу Краѣвскомѹ.

Перво сего не ѡднокротъ жаловаль намъ воѣводичъ Полоцки', панъ Микола' Станиславовичъ Глебовича на матку свою пани Раѳаловую ѡ люди и земли Мокарчицкии (sic), какъ же въ Городне ѡ томъ зъ маткою своѣю передъ нами ѡчевисто стоѣли и мовили. Пани Раѳаловаѣ поведила передъ нами, ижъ люде' и земля Мокарчицкихъ (sic) подъ собою не маѣтъ; нижли которыѣ люди и земли здавна были держаны къ имению ѣѣ Черно', тыхъ ѡна люде' и земля къ имению своѣму борѣнить. И мы зъ Городна дали были имъ ѣздоки. Ино тому ся межи ними право не стало. А тыми разы рокъ ѣсмо имъ завиты' ѡбема сторонамъ положили—ѿ сего четверга, передъ семою сѹботою, ѹ чотырохъ неделяхъ. И сами ѡни то ѿ насъ съ ѡбу сторонъ приняли. Ино панъ Микола' взялъ въ насъ на тоѣ дело съ своѣѣ рѹки судьями васъ, а matka ѣго пани Раѳаловаѣ взяла въ насъ на тоѣ дело сѹдьями Иѣна Кучинского, а подстаростего Дорогицкого Понетовского.

¹ Послѣ сего было написано и зачеркнуто: «въ Бельскомъ повете».

||л. 311) Прото жъ штобы ¹ есте, посполъ ся згодившы, и на тотъ рокъ тамъ выѣхали, и ш томъ межи ними досмотрели. И въстановили есмо имъ то передъ нами тымъ обычаемъ: ш которыи ся села и земли панъ Микола' зъ маткою правусть, естли панъ Микола' передъ вами слушны' доводъ вчинить, ижъ тыи села, ш ² которыи ся правують, будѹтъ посажоны на тыхъ земляхъ, на которыхъ седять, за брата нашего Александра короля его милости, а будѹтъ то земли Мокарчицкии (sic),—и вы бы, водле достаточного справедливого сведоцтва, [то пану Миколаю присѹдили; а естли бы панъ Микола' на то сведоцтва] ³ слѹшного не вчинилъ, и пани Раѣаловага слушноѣ сведомѣ вчинила, ижъ тыи люди ещче тамъ сели за Казимера короля,—и вы бы то присѹдили пани Раѣалово' къ имению еѣ Черно'. А сѹдили бы есте ш тыи люди и земли межи ними, ш жадныи листы твердости не дбаючи. А естли бы котората сторона съ судыами своими зъ нихъ тамъ на тотъ рокъ не выѣхали, тогды котората кольве сторона тамъ выѣдетъ, тага сторона масть тамъ, подле светковъ тоѣ стороны сведоцтва, ш томъ межи ними досмотрети, и справедливость тому вчинити, и тыи люди и земли присѹдити и шграничити, подле тыхъ светковъ сведоцтва. А мы до пани Раѣаловоѣ писали, ажъ бы она на тотъ рокъ съ судыами своими тамъ кѹ правѹ стала, и права была послушна во всемъ. Писанъ 8 Вильни, июнь 5 день, инѣдик[т]ь 10.

391. — (безъ даты). ||(об. л. 311) **Ѳ**ложенъ справы панѹ Миха'лѹ

Халецкомѹ зъ Лѹкашомѹ Гриньковичомѹ ш лесъ.

Господаръ король его милость казалъ про память записати.

Жаловаль его милости наместникъ Врѹцки', панъ Миха'ло Халецки' на Лѹкаша Гриньковича ш лесъ. И онъ зъ Вильни ѡѣхаль, съ нимъ ся не росправилъ; а панъ Халецки' тыми разы поѣхаль на службу господарьскѹю, и какъ съ службы господарьскоѣ зѣздитъ, господаръ его милость хочеть ему въ томъ зъ нимъ справедливость вчинити.

392.—1522, 17 июня. Припоминанъ есе некоторыхъ шсобъ ш скарбы и ш имения, по пани Кѹчѹково' спалыѣ.

Ѹ Вильни, июнь 17 день, инѣдик[т]ь 10.

Господаръ нашъ король его милость казалъ про память записати.

Што искалъ имене' и скарбовъ воѣвода Полоцки' панъ Петръ Станиславовичъ на пану Юрьи, старосте Городенскомъ, по сестре своѣ' Ѹмерло', котората была за нимъ, и Ѹмеръла, дете' съ нимъ не маючи,—ино воѣвода Виленьски' панъ Кваштовъ, тутъ же на тотъ часъ будѹчы, припоминался скарбовъ теткы своѣѣ, котората, идѹчы за пана Кѹчѹка, тыи скарбы къ нему Ѹнесла. А ш имениѣ еѣ князь Костентинъ, гетманъ велики', посполъ съ князи Збаразскими припоминался, такожь панъ воѣвода Виленьски', панъ ||(л. 312) Шльбрахтъ Мартиновичъ Кваштольтъ къ тымъ же имениемъ ся припоминалъ.

¹ Въ этомъ словѣ слогъ *бы* вписанъ надъ строкою. ² Этотъ предлогъ вписанъ надъ строкою. ³ Взятое въ прямыя скобки вписано, подъ особымъ знакомъ, внизу страницы на полѣ, подъ текстомъ.

393¹.—1522, 21 іюня. Вырокъ пани **ИкѸбово'** Дово'новича Болотинско' съ паномъ **Иномъ** Стецковичомъ ш наѣханьѣ на именья вѸка ѣѣ, сына пана Станислава Дово'новича, Телеки а ЛипѸю ² а Радованичи, Ѹ неѣ и въ сыновъ ѣѣ въ шпеце бѸдѸчиѣ, и ш починеньѣ немалыхъ шкодъ и ш инъшиѣ речы.

Жикгимонтъ.

Смотрели ѣсмо того дела съ паны радами нашими. СтоѸли передъ нами шчевисто, жаловала намъ пани **ИкѸбоваѸ** Дово'новича БолотинскаѸ на маршалъка нашего, пана **Ина** Стецковича, тымъ шбычаѣмъ: ижъ мы, по смерти сына ѣѣ пана Станислава Дово'новича, сына пана Станиславова, и з-ыменьи вѸка ѣѣ дали ѣ' и сыномъ ѣѣ въ шпеку и въ тыи именья пана Станиславова, въ Телеки а во Липую а въ Радованичы, мене и сыновъ моихъ Ѹвязано; и шнъ, приѣхавшы моцно крвалтомъ, врядниковъ моихъ съ тыхъ имене' выбилъ, и самъ ся моцно Ѹвязалъ, и многии шкоды починилъ.

На што жъ немалую сѸму на спискахъ передъ нами вказывала.

Панъ Стецко ³ къ тому ся не зналъ, ижъ бы таковыи ѣ' шкоды стали.

Ино мы, въ томъ порозѸмевшы съ паны радами нашими, сказали ѣсмо: на чомъ наместники и тивуны **ш(об. л. 312)** панеѣ **Икубовоѣ** двѸхъ имене', **Тялековъ** а **Липоѣ** ⁴, на шкодахъ присягнутъ, то маѣтъ панъ Стецко пане' **Икубово'** платити. Такъже што ся дотычетъ третего именья Радованичъ: ѣсли будетъ Ѹ данине стоѸти панѸ Станисла-

ву, сынѸ ѣѣ, тогда на чомъ наместники и тивѸны того именья присягнутъ, то маѣтъ панъ Стецко ѣ' и сыномъ ѣѣ платити.

II.—А што тежъ пани **ИкубоваѸ** жаловала на него, ижъ шнъ, по смерти брата ихъ, невестку ихъ понялъ, и што ся шстало скарбовъ сына ѣѣ, то все побралъ,—господаръ ѣго милость панѸ **ИнѸ** Стецку, къ чому ся бѸдетъ знати, то все казалъ имъ поѸдавати, а къ чому ся не будетъ знати, ш томъ маютъ межи собою передъ нами мовити.

III.—Такъже панъ Стецко мовилъ: ижъ бы ⁵ мялъ жоны своѣѣ тастаментъ на вено, котороѣ ш пана Станислава де' мы вено потвердили нашимъ листомъ.

Пани Дово'новаѸ мовила: ижъ тотъ тастаментъ зламаны перве' сего, и маѣтъ на то въ себе нашъ листъ.

Мы казали ѣ' и панѸ СтецкѸ свои листы передъ нами положити. Писанъ Ѹ Вильни, іюнь 21 день, инъдик[т]ъ 10 ⁶.

394.—1522, 16 іюня. **ш(л. 313)** Вырокъ боѸромъ Любецкимъ ПершкѸ и Андрею Игнатовичомъ а ПавлѸ и ПетрѸ **Ицковичомъ**: зоставеньѣ ихъ при шляхецтве и при земляхъ ихъ въ повете Новгородскомъ, которихъ панъ Мартинъ Мелешковичъ, за простыхъ люде' менечи, до именья своѣго Любъча приворочалъ.

Жикгимонтъ.

Смотрели ѣсмо того дела съ паны радами нашими. СтоѸли передъ нами шчевисто, жаловали намъ боѸаре Любецкии, Першко а Анъдре' Игнатовичы,

¹ См. ниже, документъ № 400. ² И въ подл., и въ «Реестрѣ»: «во Липю». ³ Послѣ сего въ подл. излишне стоитъ «ся». ⁴ Въ подл.: «во Липое». ⁵ Эта часть вписана надъ строкою. ⁶ Кустодии нѣтъ.

а Павелъ зъ братомъ своимъ Петромъ Ицковичы, ш томъ: штожь де' дворянинъ нашъ панъ Мартинъ Мелешковичъ вѣрнетъ ихъ зъ ихъ землями къ имению своѣму Любчу за простыхъ люде', и земли ихъ забралъ; а шни суть шляхтичы.

И панъ Марътинъ передъ нами поведилъ: ижь шни служили къ Любчу за предковъ єго, за пана Миха'ла Кезкга'ловича и за цтя єго пана Ѳедька, а суть люди простые; и га де' держѸ, какъ и тестъ мо' держалъ, и какъ ся мне штало.

И шни поведили передъ нами: готовы де' єсмо родъ братью свою поставити, и съ того ся вывести.

И мы межи ними такъ знашли и вѣстановили: ижь мають родъ сво' поставити передъ нами.

И шни ставили передъ нами родъ братью свою: Кмиту Стретовича, а Ивана Никоновича, а Юрья Анъдрєевича. И Кмита и тотъ Иванъ и Юре' поведили передъ нами: ижь дедъ того Першка а Анъдрєєвъ, а того Павла Ицковича и єго брата ((об. л. 313) прадедъ, былъ дедѸ ¹ ихъ Василью рожонн' братъ, Шлизаровъ сынъ Игнатъ, штець тыхъ боаръ, а Васильєвы дети —Стреть а Никонъ. А потомъ и самъ Мартинъ созналъ, ижь то суть шляхтичы.

И мы, выслушавши того сведоцтва Кмитина а Ивана Никоновича а Юрья Анъдрєевича и водлѸгъ признанъа єго самого, ихъ єсмо при шляхетствѣ ² и при тыхъ земляхъ штавили: неха' шни тыи поля свои старыи и сеножати дѣржать, а намъ съ того службу земъскую служить, посполъ зъ боары Новгородскими; а ш входы въ пуцѸ и ш иншии ³ речи мають того на пане Мартине и

на дочде пана ⁴ Миха'лове правомъ искати. И на то єсмо имъ дали сесь нашъ листъ зъ нашою печатью. Писанъ Ѹ Вильни, июнь 16 день, инъдик[т]ъ 10.

Пр[и]т[омъ] б[ы]ли: воєв[ода] Тр[о]ц[ки'], гет[манъ] нав[ышши'], ст[а]р[оста] Бр[я]с[лавски'], и Вен[и]ц[ки'], кн[язъ] Костен[тинъ] Ив[а]н[овичъ] Шстр[о]з[ски']; воєв[ода] Вил[енски'], дер[жавца] Моз[ырски'], п[а]н[ъ] Шл[ь]брахтъ] М[а]р[тиновичъ] Кгаш[тольтъ]; п[а]н[ъ] Вил[енски'], ст[а]ро[ста] Жо[м]оитски', п[а]н[ъ] Ст[а]н[иславъ] Ино[вичъ]; мар[шалокъ] зем[ски'], воєв[ода] Нов[городски'], дер[жавца] Мер[ецки'] и Дов[кговски'], панъ И[нъ] И[новичъ] Заберез[ински'], и иныє панове рады.

395.—1522, 16 июня. Вырокъ боаринѸ ЛюбецкомѸ ДмитрѸ ѲедоровичѸ БезпятовѸ: зоставенъє єго зъ землями єго въ повете Новгородскомъ, которого панъ Мартинъ Мелешковичъ, менечи члѣвомъ простымъ, до имения своєго Любча приворочалъ.

Жикгимонтъ, Божьєю милостью.

Смотрели єсмо того дела съ паны радами нашими. Стогали ((л. 314) передъ нами шчевисто, жаловалъ намъ боаринъ Любецки' Дмитръ Ѳедоровичъ Безпятовъ ш томъ: штожь де' дворянинъ нашъ панъ Мартинъ Мелешковичъ вѣрнетъ єго и зъ землю къ имению своѣму Любчу за простого члѣва, и землю єго забралъ; а шнъ єсть шляхтичы.

И панъ Мартинъ поведилъ передъ нами: ижь шнъ слѸжитъ къ Любчу за предковъ єго, за пана Миха'ла Кезкга'ловича и за цтя пана Ѳедька, а єсть члѣвкъ простой; а га де' держѸ, какъ и

¹ Въ этомъ словѣ слогъ де вписанъ надъ строкою. ² Здѣсь з переправлено изъ ѷ.

³ Въ подл.: «в-ыншии». ⁴ Въ подл. описка: «пане».

тесть мо' держалъ, и какъ ся мне
встало.

И тотъ Дмитре' поведилъ передъ
нами: ижъ внъ естъ родомъ зъ Москвы,
а тутъ понялъ жону, дочкѸ богарскую,
шляхтянъку; а та тежъ самъ шляхтичъ;
а мне ся тутъ родѸ своѸго трѸдно
звести.

Покладаль передъ нами листъ пана
Петра Монкгирдовича. И въ томъ
листе пишеть: ижъ предка жоны еґо
богариномъ писалъ.

Ино мы, ш томъ съ паны радами
нашими порозѸмевшы ¹: коли жъ панъ
Петръ Монкгирдовичъ писалъ предка
жоны еґо богариномъ ², намъ ся не
годить ни кому земль ѿдавати,—и при-
сѸдили еґмо еґму тьи поля еґо старыи
и сеножати: неха' внъ тьи поля и се-
ножати дѸржитъ, а намъ съ того
служьбу земьскую слѸжитъ ³, посполъ * зъ
богары Новгородскими; а ш входы въ
пѸщѸ и ш инъшии ⁴ речы того внъ
маеть ⁵ на Мартине и на дочьце пана
Миха'лово' правомъ искати. Писанъ Ѹ
Вильни, июнь 16 день, инѸдик[т]ь 10.

396. — (безъ даты). ||(об. л. 314)
Ѹложено еґ рокѸ пани ЮрьѸво'
Александровича и сынѸ еґе БогѸ-
шѸ съ подскарбимъ дворнымъ,
паномъ Иваномъ АнѸдрѸевичомъ
ш неданьѸ делѸ в-ы'меньяхъ,
близкости ихъ.

Господаръ король еґо милость казалъ
про паметь записати.

Жаловалася пани ЮрьѸвага Шле-
ксандровича и съ сыномъ своимъ Богу-
шомъ на подъскарбего дворного пана

Ивана АнѸдрѸевича: што в-ы'менья,
близькости * ихъ, делѸ дати не хочеть.

И панъ Иванъ не хотель безъ близ-
кихъ своихъ передъ нами зъ ними ку
праву стати.

И мы еґму рокъ положили передъ
нами кѸ праву стати и зъ ближними
своими—Ѹ светого Ивана Крестителя,
въ чотырохъ неделяхъ.

397. — (безъ даты). Справа бога-
рини КѸрклевско' ИкѸбово' и
сынѸ еґе Миколаю, пѸшкарѸ
ЛидскомѸ, съ паномъ ЮрьѸмъ
ГригорьѸевичомъ Шстикомъ ш
ѸнятьѸ въ нихъ земли ихъ ѸчизноѸ.

Панъ БогѸшъ прислалъ Ѹ книги
записати.

Господаръ король казалъ про паметь
записати.

Жаловала еґо милости богариня Кур-
клевъската Икубовата съ сыномъ своимъ
Миколаемъ, пушкаремъ Лидскимъ, на
державцѸ Шникштенского, пана Юрья
ГригорьѸевича, воѸводича Троцкого: ижъ
внъ Ѹнялъ въ нихъ землю, ѸчизнѸ
ихъ.

И панъ Юрьи мовилъ: ижъ мужъ еґе
Икубъ тую землю ѸцѸ еґо продалъ; и
маю де' на то листъ еґо купчы'.

Господаръ еґо милость положилъ
пану Юрью рокъ листъ купчы' передъ
еґо милостью положити—въ середѸ
передъ светымъ ИльѸю ⁶.

398. — 1522, 18 июля. ||(л. 315)
Листъ, до князя Костентина, абы
богарини КѸрклевско' Дороте
ИкѸбово' и сынѸ еґе Миколаю зем-
лю, часть ихъ, которѸю былъ панъ

¹ Въ подл. описка: «порузумевшы». ² ПослѸ сего излишне повторено: «писалъ». ³ Въ подл. описка: «служать». ⁴ Въ подл.: «в-ынъшии». ⁵ Въ подл. описка: «они мають». ⁶ Кустодии нѸтъ. * ЗдѸсь Ѹ передѸлаво изъ Ѹ.

Юрьи Григорьевичъ Шстикъ при дрѹго' земли, кѹпли ѿца своего, забралъ, подати и завести велелъ.

До князя Костенѣтина.

Жаловала намъ богариня Куркле-вского повета Дорота Якубовага и съ сыномъ своимъ Николаемъ на держав-цѹ Шникѣштенского, пана Юрья Григорьевича, ш томъ: штожъ шнѣ купилъ ѹ девера еѣ, ѹ Ана, его часть, а под-ле тоѣ купли своеѣ ѿнялъ ѹ нихъ дрѹгую часть, дельницѹ брата мужа еѣ, и еѣ самую зъ еѣ части стиснулъ.

И панъ Юрьи мовилъ передъ нами: штець мо' дрѹгую часть кѹпилъ ѹ брата мужа еѣ, и маю на то въ себе листъ купьчы'.

Мы казали ему тотъ листъ купьчы' передъ нами положить на рокъ. И шнѣ тыхъ листовъ передъ нами не поло-жилъ. И мы казали панѹ Юрью шднѹ тую часть ¹ держати, што тага вдова знаеть, ижъ штець его купилъ, а дрѹ-гую часть казали есмо е' и зъ еѣ деть-ми держати.

И твога бѣ милость тамъ послалъ служебника, и тыи две части казалъ бы твога милость ему шбѣсхати по тымъ границамъ и межамъ, какъ передъ тымъ бывало, и еѣ въ то казалъ ѹвезати. А што ся дотычетъ жить и гаринѣ, што бѹдетъ панъ Юрьи на тыхъ земляхъ посеналъ, то маеть собрати, а зѣмли е' ся мають достати; а естли жъ бы панъ Юрьи на то листа купьчого ѿца сво-его доискался, шнѣ ш томъ маеть передъ нами мовити. Писанъ ѹ Вильни, июль 18 день, индик[т]ь 10.

399.—(безъ даты). ||(об. л. 315) При-виле' панѹ Инѹ Иновичѹ Забере-зынскомѹ: подтверженьѣ емѹ кѹпли

его, именья Жодишокъ ѹ Довѣ-кговскомѣ повете, ѹ Подби'-петичовѣ, на вечность.

Чинимъ знаменито симъ нашимъ листомъ, и далѣ'.

Билъ намъ чоломъ маршалокъ земь-ски', воєвода Новѣгородски', державца Мерецки' и Довѣкговски', панъ Инѹ Иновичѹ Заберезынски', и поведилъ передъ нами: штожъ его милость ку-пилъ именье ѹ Довкговскомѣ повете, на'мя Жодишки ², ѹ дворянъ нашихъ, Мартина а Ана Миха'ловичовѣ Подь-би'петича, што былъ дедъ ихъ выслу-жилъ на ѿцы нашемъ Казимире ко-ролли его милости; а къ тому тежъ што былъ прикѹпилъ; котороѣ жъ именье шни ему продали, зъ дозволенъ-емъ брата своего Феодора, со всимъ на вечность. На штожъ и листъ ихъ кѹпьчы' передъ нами вказывалъ, и билъ намъ чоломъ, абыхъмо ему дозволили тоѣ именье въ нихъ купити, и на то дали емѹ нашъ листъ, и подтвердили быхъмо ему то нашимъ листомъ на вечность.

Ино мы, выслушавшы того листа ихъ кѹпчого и впамятавшы верныи а накладныи, николи не шмешканыи служьбы предковъ его ку предкомъ на-шимъ, и ѿца его и его самого ку ѿцѹ нашому Казимирѹ и къ брату нашемѹ Александрѹ, королемъ ихъ милости, и ту тежъ къ намъ,—зъ ласки нашѣ, на его чоломбитьѣ, то вчинили, и дозволили есмо ему тоѣ именье въ нихъ ||(л. 316) купити. И на то дали есмо емѹ нашъ листъ, и по-твержаемъ то ему симъ нашимъ ли-стомъ вечно и на веки непорѹшно, ему самомѹ и его пане', ихъ детемъ и на-потомъ будѹчимъ ихъ щадкомъ и ближъ-

¹ Это слово вписано надъ строкою. ² Здѣсь слогъ *шо* вписанъ надъ строкою.

нимъ, съ пашнею дворною, и зъ людьми путными и тяглыми и данными того выше мененого имени, и зъ ихъ служьбами и со всеми землями пашными и борьтными, и зъ данми грошовыми и медовыми и бобровыми и куничными, и зъ ихъ дяклы вржеными и швсяными, и зъ ловы зверинными и пѣташими, и боры и лесы и гаи и зъ дѣбровами, и зъ реками и зъ речками, и сеножатями, и ставы, и зъ млыны и ихъ вымельки, и съ шзеры и со всеми платы и доходы и пожитки, которыи кольве могутъ названы або менены быти, и со всимъ съ тымъ, какъ ся тоѣ именье верхуписаное здавна и ныне само въ себе и въ границахъ ся своихъ маеть; и волень шнъ самъ и напотомъ ¹ бѣдѣчье потомки и ближнии то шдати и продати, и заменити, и тамъ прибавити и росширити и къ своему лепшому и вжиточному шбернѣти такъ, какъ самъ налеле розшмеючы, водле купли своеѣ и листу кѣпчого того Мартина и брата его Ина. А на твердость того и печать нашѣ казали ѣсмо привесити къ сему нашому листу.

При т[омъ] б[ы]л[и]: кн[язь] Ианъ, бис[купъ] Вил[енски]; воєв[ода] Тр[о]ц[ки], гет[манъ] нав[ыши], ст[ар]оста Бряславски и Вен[ицки], кн[язь] Кос[тентинъ] Ив[ановичъ] Штр[о]з[ски]; воєв[ода] Вил[енски], дер[жавца] Моз[ырски], п[ан]ъ Шлѣбрахтъ Мар[тиновичъ] Кгаш[тольтъ].

400².—1522, 19 июля. (об. л. 316) Вырокъ пани Якубово Довоновича съ паномъ Иномъ Стецковичомъ шшкоды не малыѣ, ѣ починеныѣ при квалтовномъ швезаньюсе его в-ыменья ѣ Телеки,

Липую а въ Радованичи, и шшкарбы и статки сына ѣ змерлого, съ которыми шнъ жону его поняль.

Смотрели ѣсмо того дела съ паны радами нашими. Стотали передъ нами шчевисто, жаловала намъ пани Якубовата Довоновича на маршалъка нашего, пана Ина Стецковича: ижъ бы шнъ квалтомъ ѣ ѣ именье въ Дорогицкомъ повете, наима ѣ Телеки швезаль, а ѣ великомъ князстве—ѣ Липю а въ Радованичы, и шшкоды ѣ великии починилъ: сумовала того себе на колько тысячъ копъ гроше.

Икожъ мы были сказали: на чомъ наместники ѣ тыхъ имене и тивны присягнѣтъ, то шнъ все мелъ ѣ платити. А ктому искала на немъ шскарбовъ и статковъ сына своего, ижъ шнъ, по смерти сына ѣ, жонѣ его поняль, и статки вси забралъ.

Ино мы въ томъ пане Якубово жедали, абы тыи вси речы шшпустила, а въ него за то взела пять сотъ копъ гроше. И шна то принела, а тыѣ вси квалты и наездъки и за вси шшкоды, которыи ся будѣтъ стали ѣ и ѣ сыномъ во всехъ именахъ въ Дорогицкомъ повете и тежъ в-ыменахъ Литовскихъ, шшпустила; (л. 317) нишли што ся дотычетъ бою слугъ ѣ, за то панъ Стецько маеть ихъ ѣднати; а статковъ сына ѣ, чого будеть не пошдавалъ, то маеть панъ Стецько ѣ все пошдавати, подъ присягою; тежъ стадо сверепѣ, тоѣ маеть ѣ вернути; а тымъ пнземъ, пятьма сотъ копамъ ³ гроше, роки ѣсмо положили, на которыи панъ Стецько маеть ѣ заплатити: первы рокъ на сеѣ придѣчое Божье Нароженье маеть ѣ ⁴ дати двесте копъ гроше, а на светого

¹ Въ этомъ словѣ слогъ на вписанъ послѣ. ² См. выше, документъ № 393. ³ Въ подл. описки: «копалъ». ⁴ Это слово вписано послѣ.

Ивана день, што будетъ по семь Велицедни, сто копъ гроше', а двесте копъ гроше' на Божьѣ жь Нароженьѣ, котороѣ свято будетъ индикта второгонадесять; а естли бы на которы' рокъ пань Стецько пани Якубово' тыхъ пнзе' не ѡдалъ, пани Якубоваа съ ѡрядомъ зъ замьку масть сама ся ѡвязати въ его именье, въ Рогово, и держати до тыхъ часовъ, поки того року бѣдѣтъ е' пнзи еѣ заплачены. А пани Якубоваа и еѣ сынъ вжо чересъ то ничего не мають на пань Стецькѣ искати. И на то есмо пане' Якубово' дали сесь нашъ листъ зъ нашою печатью. Писанъ ѡ Вильни, июль 19 день, индик[т]ь 10.

Андре' Гинца позывалъ брата своего Станислава позвомъ господарьскимъ. Шнь же сталь, а тотъ Станиславъ на позвы господарьский не сталь.

401.—(безъ даты). ||(об. л. 317) Шповеданьѣ боярина Шшменского Стецька Митьковича на пана Миколая Станиславовича ш неѡстѡпеньѣ емѣ, водлугъ сѣдѣ господарьского, части именья брата его въ Комаѣхъ, за што шнь пнзи ѡкладалъ.

Господарь король его милость казалъ про память записати.

Жаловалъ его милости ботаринъ Шшменский Стецько Митьковичъ на маршалка его милости, державцѣ Шовленьского, пана Миколаа Станиславовича ш томъ: штожь перве' сего, какъ будѣчи его милости съ паны радами своими ѡ Городьне на со'ме, судилъ его зъ нимъ ш часть именья, што ему братъ его продалъ ѡ Комаѣхъ. И ка-

залъ его милость пану Миколаю тыи пнзи въ него взяти, а тоѣ части ему поступитися. И шнь де' тыи пнзи ему ѡкладалъ, дванадцать копъ гроше', и пань Микола' де' тыхъ пнзе' въ него взяти, а тоѣ части брата его поступитися ему не хотель, и надто ему квалтъ и шкоды поделалъ.

402¹.—1522, 28 марта. Вырокъ маршалкѣ дворномѣ, панѣ Юрью Ильиничѣ съ паномъ Юрьемъ Григорьевичомъ Шстикомъ ш забороняньѣ въездѣ въ пѣщѣ Сверженьскѣю зъ двора его Мирского.

Жикгимонтъ, Божьѣю милостью король Польски'.

Смотрели есмо того дела съ паны радами нашими. Стоали ||(л. 318) передъ нами шчевисто, жаловалъ намъ маршалокъ дворны', староста Бересте'ски', Ковеньски' и Лидски', пань Юрья Ивановичъ Ильинича на державцѣ Шникъштеньского, пана Юрья Григорьевича Шстиковича, воѣводича Троцкого, тымъ шбычаемъ: забороняеть де' шнь² мне самому зъ двора моего Мирского и ботаромъ и людемъ моимъ Мирскимъ ѡездѣ въ пушчу Сверженьскую мети, гдежь де' передъ тымъ добровольно зъ двора моего и ботаре и люди вси Мирский ѡездѣ мевали ѡ тую пушчу Сверженьскую: а становятся надъ Немномъ, ѡ Бережно', и берѣтъ въ то' пѣщы Сверженьско', и за Немномъ ѡ Польскомъ лубьѣ, лыка, вязьѣ на потребы, а въ Немне ловять рыбы съ кригою и съ сетью, какъ здавна бывало, и мешкають тамъ три дни, а четвертого дня вонъ выѣждчаютъ³; а коли едѣтъ съ пѣщы, посылають до врядника Сверженьского по вижа, абы по нихъ шгля-

¹ См. выше, документъ № 204, который содержитъ въ себѣ много сходнаго, но даетъ и существенныя отличія. ² Это слово вписано надъ строкою. ³ Въ подл.: «выеждаютъ».

дель, ижъ шни шкоды въ зереманехъ бобровыхъ и въ дереве бортномъ не чинили. Его милость панъ Юрьи за то казалъ богаръ моихъ и люде' въ то' пущи безъвинъне збити и поранити; гдежъ тыхъ богаръ и люде' моихъ пограблено: побрано въ нихъ кони и серъмяги, и сокеры и инъшии речы.

И панъ Юрьи, воєводичъ Троцки', поведилъ: то де' естъ пуца Сверженската мота; а панъ Юрьи жадного Ѹступъ не масть; а што людемъ его милости грабежы тамъ поделаны, ино де' га то чинилъ, боронячы пушчи своѣѣ, жебы ми тамъ шкоды не делано.

И панъ Юрьи Ильиничъ поведилъ передъ нами: была де' мне тамъ ((об. л. 318) съ предкомъ твоимъ, зъ небожчыкомъ паномъ Литаваромъ Хребтовичомъ копа; на которо' жо де' копе было пановъ добрыхъ досыт; и тамъ тежъ былъ братъ пана Литаваревъ, панъ Мартинъ Хребтовичъ, а панъ Кмита Стретовичъ; и небожчыкъ панъ Литаваръ съ права пришолъ со мною Ѹ згодъ, и поступилъ мне того Ѹездъ Ѹ пущъ Сверженскую мети по старому, со всимъ такъ, гако-мъ перве' менилъ; ино инъшии панове, которыи на тотъ часъ на то' копе судыами были, змерли, вдно панъ Мартинъ Хребтовичъ а панъ Кмита Стретовичъ суть здоровы; и готовъ де' есми то перевести паномъ Мартиномъ а паномъ Кмитю.

И панъ Юрьи воєводичъ на пана Мартина а на пана Кмитъ Ѹ томъ ся послалъ.

И мы пана Мартина а пана Кмиты шпытывали. И шни поведили передъ нами: ижъ были на то' копе, Ѹ которы' же де' часъ небожчыкъ панъ Литаваръ съ права пришолъ съ паномъ Юрьемъ Ивановичомъ Ильиничемъ Ѹ згодъ, и

поступилъ панъ Юрью на еднаньѣ—и зъ двора его милости Мирского и богаре и вси люди Мирский м[а]ють добровольне по старомъ Ѹ тую пуцъ Сверженскую Ѹездъ мети, и становитися Ѹ Бережно' надъ Немномъ, а брати Ѹ Сверженско' пущи и за Немномъ Ѹ Польскомъ лубьѣ, лыка, вязьѣ, а въ Немне рыбы ловити съ кригою и съ сетью, кроме невода; а мешкати тамъ мають три дни, четвертого дня вонъ выѣхати; и выѣжчаючы съ пушчы мають шбослати врадника Сверженского, жебы ((л. 319) послалъ вижа шгледати, абы не была шкода Ѹ бобровыхъ гонехъ и въ дереве бортномъ.

И мы, подле сведоцтва пана Мартина а пана Кмитина, нашли есмо въ томъ пана Юрья Ильинича правого, и присудили есмо его милости въ тую пущъ Сверженскую зъ двора его милости Мирского богаромъ и всимъ людемъ его милости Мирскимъ тотъ Ѹездъ мети, а зъ иншихъ имене' люди, а не Меране, въ тую пущу Сверженскую жадного Ѹступъ не мають мети, и мають ся шни становити тамъ Ѹ Бережне, надъ Немномъ, а брати Ѹ Сверженско' пушчи и за Немномъ Ѹ Польскомъ, водлѣгъ давного шбычаа, лубьѣ, лыка, вязьѣ, а въ Немне рыбу ловити съ кригою и съ сетью, кроме невода; и мешкати ¹ мають тамъ три дни, а четвертого дня вонъ выѣхати; а перве' нишли масть ехати Ѹ пущъ Сверженскѣю, масть панъ Юрьи Ильиничъ, або его врадникъ Мирский, ведомо дати пану Юрью Григорьевичу, або его враднику Сверженскому, для того, абы шнъ послалъ вижа и шгледель дерева бортного и зереманъ бобровыхъ, ижъ бы ему въ томъ шкоды не было; пакъ лижъ бы панъ Юрьи

¹ Эти два слова излишне повторены и зачеркнуты.

не хотель съ нимъ до тоѣ пущи ни
кого слати, панъ Юрьи Ильиничъ
масть предся тотъ въѣздъ тамъ мети,
какъ ѿ верху сего нашего листа выпи-
сано, не ждѣчи єго вижа. И на то
єсмо панъ Юрью Ильиничу дали сесь
нашъ листь сѣдовы' зъ нашою печатью.

При т[омъ] были пан[ове] рада:
кн[язь] И[ан]ъ, бис[купъ] Вил[енски'];
кн[язь] Мик[ола'], бис[купъ] Жом[о-
итски']; панъ Вил[енски'], гет[манъ]
навыщ[ши'], ст[ар]оста Луц[ки']
(об. л. 319) и Брас[лавски'], Вениц[ки'],
мар[шалокъ] Волин[скоѣ] земли,
кн[язь] Кос[тентинъ] Иван[овичъ]
Штр[о]з[ски']; воєв[ода] Троц[ки'],
дер[жавца] Мозыр[ски'], п[ан]ъ Шл[ь-
брахтъ] Мар[тиновичъ] Кгаш[тольтъ];
п[ан]ъ Тр[о]ц[ки'], стар[оста] Жом[о-
итски'], п[ан]ъ Ст[аниславъ] И[ан]овичъ;
мар[шалокъ] зем[ски'], ст[ар]оста
Дор[огицки'] и Слоним[ски'], п[ан]ъ
И[ан]ъ Мик[олаевичъ]; воєв[ода] По-
лоц[ки'], п[ан]ъ Пет[ръ] Ст[ани-
славовичъ]; ст[ар]оста Гор[оденски'],
панъ Юр[ьи] Мик[олаевичъ]; воєв[ода]
Нов[городски'], дер[жавца] Мер[ецки']
и Дов[кговски'], п[ан]ъ И[ан]ъ И[ан]овичъ
Заберез[ински'].

Писанъ ѿ Городне, мар[тъ] 28 день,
индѣик[тъ] 10.

Копоть Васковичъ, маршалокъ и
писаръ.

403.—1522, 10 марта. Привиле'
панъ Юрью Ивановичъ Ильиничъ
на держанье староства Бересте'
ского и Лидского врядами до єго
живота, на которихъ шнъ сѣмъ
пнзе' королю єго милости ѿпустиль.

Жикгимонтъ, Божью милостью
король Польски', велики' князь Литовски'.

Чинимъ знаменито симъ нашимъ
листомъ, и далє'.

Што єсмо перъво сего взяли ку
потребе нашо' и земьско' ѿ маршалка
нашого дворного, старосты Бересте'
ского, Ковеньского и Лидского, пана
Юрья Ивановича Ильинича пять сотъ
копъ гроше', и въ тыхъ пнзехъ заста-
вили єсмо єму: замокъ нашъ Бересте',
зъ местомъ и з-ыншими * враны и
держаньи, которыи здавна прислухаютъ
къ Берестью, и со всеми платы и
доходы и капъщизными пнзми, и зъ
данью медовою, кромъ мыта и коморы
нашоѣ восковоѣ и соленоѣ; а дрѣги'
замокъ нашъ Лидъ, и зъ дворцы
нашими Белицою а Липънишки, мель
шнъ такежъ въ заставе, (л. 320) въ
двѣ тысячи золотыхъ черленыхъ Угор-
скихъ. На которо' жъ заставе въ
тыхъ сѣмахъ пнзе' и золотыхъ на
шба замъки тыи панъ Юрьи листы
нашы заставныи передъ нами вказывалъ.
И тыми разы шнъ ¹, хотячи ся намъ,
пану своємъ, заховати, тую пять сотъ
копъ гроше' на Берестьи и ² две тысячи
золотыхъ черленыхъ ³ Угорьскихъ на
Лиде намъ спустиль, и платовъ и
доходовъ всихъ, которыи были єму
заставили, намъ ся поступиль, и билъ
намъ чоломъ панъ Юрьи, абыхмо тыи
замки нашы Бересте' и Лидъ дали ємъ
въ держанье до єго живота*.

Ино мы, для таковоѣ єго къ намъ
повольности, ижъ шнъ тыи сѣмы на
тыхъ замъкахъ намъ спустиль, зъ
ласки нашоѣ, на єго чоломъбитъє, то
вчинили, тыи замъки наши, Бересте'
а Лидъ, и зъ Белицою и Липънишки
дали єсмо єго милости въ держанье
до єго живота: масть шнъ тыи замъки
ѿ насъ держати, и платы и доходы зъ

* Здѣсь и переправлено изъ и. ¹ Это слово вписано послѣ. ² Этотъ союзъ вписанъ
послѣ. ³ Въ подл. описка: «черленымъ».

нихъ на себе брати, тыи, которыи передь тымъ на державецъ хоживали, а иныи вси доходы и платы наши и врадниковъ нашихъ, которыи передь тымъ зъ местъ и зъ волосте' тыхъ замьковъ нашихъ бывали, то все масть зася на насъ и на врадниковъ нашихъ давано быти, водле давного обычаю. И на то есмо пану Юрью дали сесь нашъ листъ зъ нашою печатью.

При томъ были прелати и панове рады: кн[я]з[ь] И[н]ь, бис[к]упъ Вил[ен]ски'; кн[я]з[ь] Павелъ, бис[к]упъ Луц[ки'] и Бер[есте]ски'; князь Мико[ла], бис[к]упъ Жомоит[ски']; кн[я]з[ь] И[н]ь, бис[к]упъ Кисевъски'; п[а]н[ъ] Вил[ен]ски', гет[манъ], стар[оста] Луц[ки'] и Бряс[лав]ски' и Вениц[ки'], ((об. л. 320) мар[шалокъ] Волин[ско] зем[ли], кн[я]з[ь] Кос[тентинъ] Иван[овичъ] Устроз[ски']; воєв[ода] Троц[ки'], дер[жавца] Мозыр[ски'], п[а]н[ъ] Ул[ьбрахтъ] Мар[тиновичъ] Кгаш[тольтъ]; п[а]н[ъ] Троц[ки'], ст[ар]оста Жомоит[ски'], панъ Ста[нисла]въ И[н]овичъ; мар[шалокъ] зем[ски'], ст[ар]оста Дор[огицки'] и Слоним[ски'], п[а]н[ъ] И[н]ь, а стар[оста] Гор[оден]ски', п[а]н[ъ] Юрьи Мик[олаевичъ] Радивиловича, [и] иныи панове рады.

Данъ на великомъ вальномъ со'ме Городенскомъ, мѣа мар[та] 10 день, инъдик[т]ъ 10.

Копоть Васковичъ, маршалокъ и писарь.

404.—(безъ даты). Серебщизна на пановъ радъ постановеная.

Панове рады мають на тотъ часъ серебщизнѣ съ своихъ пѣзе' давати:

Князь И[н]ь, бискупъ Виленъски', сто золотыхъ.

Князь Павелъ, бискупъ Луцки', сто золотыхъ.

Князь бискупъ Жомоитски' 50 золотыхъ.

Панъ Виленъски', гетманъ, князь Костентинъ 100 золотыхъ.

Панъ Кгаштовтъ, воєв[ода] Троц[ки'] 100 золотыхъ.

Панъ Троц[ки'], староста Жомоитски', 100 золотыхъ.

Панъ И[н]ь, маршалокъ велики', 50 золотыхъ.

Панъ Юрьи, староста Городен[ски'], 100 золотыхъ.

Панъ И[н]ь, воєв[ода] Нов[городски'], 100 золотыхъ.

Панъ Петръ, воєв[ода] Полоц[ки'], 30 золотыхъ.

Панъ Юрьи, мар[шалокъ] дв[ор]ны', 100 золотыхъ.

((л. 321) Панъ И[н]ушъ, воєв[ода] Подляшъски', 100 золотыхъ,

Панъ И[н]кубъ Кунъцевичъ 30 золотыхъ.

405¹. — (безъ даты). (Ѳ)ложенъе справы панѣ Богѣшѣ Боговитиновичѣ съ паномъ Юрьемъ Ильиничомъ ш Вортоль.

Записано въ Полоцку.

Господаръ король его милость казалъ про память записати, приѣхавшы до Полоцка.

Припоминалъ его милости панъ Богушъ Боговитиновичъ, маршалокъ и писарь его милости, наместникъ Довкговъски': по смерти дядька своѣго, пана Льва ш именъе его Вортоль, што дѣржитъ панъ Юрьи Ильиничъ, маршалокъ, староста Бересте'ски'—абы ся ему справедливость на конецъ стала, подлѣгъ приреченъа господарьского.

Его милость то ѱложилъ на ины' часъ, для того, ижъ пана Богуша

¹ См. выше, документы №№ 272 и 309.

ѡправлялъ въ поселствѣ до Москвы, а во'ско въ землю Московского ѡпущаль.

406.—(безъ даты). Преложеньѣ справы на князя Костентина, гетмана, межѣ земяны Волынскими, Шлександромъ Шпарипескимъ съ княземъ Петромъ Миха'ловичомъ, шименья въ Дирну, въ Водирадохъ а въ Мощеници а въ ХХховицку.

Господаръ король ѣго милость и велики' князь Жикгимонтъ казалъ про память ||(об. л. 321) записати.

Жаловаль ѣго милости земенинъ Волынски' ШLEGRO Александрo Шпарипески' самъ ѡ себе и ѡ шурина своѣго Дмитра Зеньковича на князя Петра Миха'ловича: штожь шнъ ѡнимаѣтъ въ нихъ материзнѣ жоны ѣго а шѣрина ѣго, на'мя, въ Дирну, въ Водирадохъ, а въ Мощеницы, а въ ХХховицкѣ, часть жоны ѣго и шѣрина ѣго.

И князь Петръ поведиль передъ нами: ижь де' мне тешча твоѣа то продала вечно, ничего на себе не шоставляющы.

И ѣго милость господаръ самъ того межѣ ними не хотель смотрети, а даль то имъ до князя гетмана: князь гетманъ ѣго милость маѣтъ тому делѣ на конецъ межѣ ними вчинити; а ѣстли бы коньца не вчиниль, шнъ маѣтъ ш томъ до господаря ѡписати.

407.—1517, 23 июля. Листъ шпасны' великого князя Московъского на послы господарьскиѣ ¹.

Велики' господаръ Василе', Божьѣю милостью господаръ всеа Рѣси, и велики' князь Володымерски', Московъски',

Новгородски', Псковски', Смоленски', Тверски', Югорски', Пермьски', Болгарски' и иныхъ.

Жикгимонъту, королю Польскому и великому ||(л. 322) князю Литовскому, Рѣскомѣ, княжати Прѣскомѣ, Жомойтскому, Кглоковъскому, Шпавскому, Лѣжицкомѣ, и иныхъ.

Присылаль къ намъ братъ нашъ Максимилианъ, избранны' цесарь Римски' и навышъшы' король, своихъ пословъ, чтобы намъ съ тобою помиритися; а нынѣ насъ просиль брата нашего Максимилиана, избранного цесара Римского и навышъшого короля, посоль Жикгимонтъ, чтобы намъ на твои послы послати къ тебе своѣа шпаснаѣ грамота, что твоимъ посломъ къ намъ приѣхати и ѡ насъ ѡѣхати добровольно, безъ всякоѣ зачепки, не зделаѣтъ ли ся межѣ насъ миръ, зделаѣтъ ли ся; и кого къ намъ пошлешъ своихъ пословъ, и тымъ твоимъ посломъ и ихъ людемъ и со всимъ, что съ ними бѣдетъ ѣхати въ наши господарьства, по нашимъ землямъ къ намъ приѣхати, и ѡ насъ ѡѣхати, добровольно, безъ всякоѣ зачепки, не зделаѣтъ ли ся межѣ насъ дело, зделаѣтъ ли ся; и сила надъ твоими послы ни котораѣ не бѣдетъ во всякихъ делехъ и речахъ, и задержанъѣ имъ ни каково не будетъ: приѣхати имъ къ намъ и ѡѣхати добровольно, безъ всякого шпасѣ, по се' нашо' грамоте. А сѣа наша грамота твоимъ посломъ и шпаснаѣа. Писанъ на Москве, лета семъ тысячъ двадцать пятого, июля 23 день.

408.—(безъ даты). ||(об. л. 322) ѡложенъѣ рокѣ въ справе князя Ѣедора Соколенского зъ боары-

¹ Этотъ документъ напечатанъ во 2-мъ томѣ «Актовъ, относящихся къ исторіи Западной Россіи», подъ № 98, стран. 123.

нею Витебскою Андреєвою Чаплича ѡ именъѣ Марково.

Ѹ Браславъли.

Господаръ король єго милость казалъ про память записати.

Жаловалъ єго милости князь Ѳедоръ Соколински' на ботариню Витебскую Анѣдреєвую Чаплича ѡ именъѣ Марково, котороє жоне єго перъвы' єє мужъ, предокъ єго, Ѹ вене записалъ.

И Андреєвага передъ єго милостью поведила: ижъ не ѡдна ѡна къ тому близъкость маєтъ, але єстъ къ тому близкии братыа єє, а къ тому сыны єє, которыи суть тыхъ часовъ на служъбе єго милости и земъско'. И не хотела безъ нихъ въ томъ єму ѡповедати.

И господаръ єго милость положилъ имъ рокъ, коли ѡни мають ѡбе стороне передъ єго милостью стати—ѡ Божъємъ Нароженъи, при'дѸчомъ святе, подъ страченъємъ права.

409.—(безъ даты). Ѳложеноє справы мещанина Виленского Ильи Ѳилиповича зъ мещанкою Виленскою Митьковою Маръєю ѡ полпета ста копъ гроше'.

Господаръ король єго милость казалъ про память записати.

Ижъ мещанинъ Виленски' Илья Ѳилиповичъ искалъ передъ во'томъ и бурмистры и радцы места Виленского на мещанце ((л. 323) Виленско' Митьково' Маръи полпета ста копъ гроше', близкости жоны своєє; и ѡни на тотъ часъ тому межи ними конца не вчинили.

И господаръ король єго милость ѡложилъ то до тыхъ часовъ, поки служъба єго милости и земъскага ѡминетъ,

тогда єго милость маєтъ розказати томъ межи ними справедливость на конецъ вчинити.

410.—1522, 14 іюля. Заложеньє зарѸки межи земениномъ Жомо'тскимъ Лавриномъ Петъковичомъ и тещою єго и межи ботариномъ Кгедро'тскимъ Іаномъ Юражичомъ ѡ захованъєсе во впокою.

Господаръ король єго милость казалъ про память записати.

Жаловалъ єго милости земенинъ Жомоитски' Лавринъ Петъковичъ съ тещею своєю Николаєвою Масевича на ботарина Кгедроитъского ¹ Іана Юражича, ижъ ѡнъ правовался зъ нимъ въ дѸховномъ праве ѡ жонѸ свою; и тыми разы тотъ Іанъ похваляється на нихъ забитьємъ.

И господаръ єго милость въ томъ межи ними зарѸку заложилъ: на єго милость господаря тисечу копъ гроше', а на пана воєводѸ Виленского пять сотъ копъ гроше', ажъ бы ѡдинъ на дрѸгого ни рѸкою, ани словомъ, ани тежъ направами черезъ люде', не сєгали, ани сє похваляли, до тыхъ часовъ, поки сє въ томъ на конецъ роспрáвять. Мѣца июл[я] 14 день, инъдик[т]ъ 10.

411².—1517, 4 іюля. ((об. л. 323) Ѳложеноє передъ єго королевскою милостью ѡ пана воєводы Троцкого Ѱстика сѸмы пѣзе' 13 сотъ копъ гроше' за часть именья СѸвека а Косова, дельницѸ меньшоє дочки пана Литаворовы, пану АлександрѸ СолътанѸ.

Господаръ король єго милость казалъ про память записати.

Ижъ панъ воєвода єго милость Троц-

¹ Здѣсь ѡ переправлено изъ ѡ. ² См. ниже, документъ № 415.

ки, приходши шчевисто передь его милость, далъ маршалъку его милости, пану АлександрѸ Солтановичу, за часть имене' СѸвека а Косова дочки пана Литаваровы меньшоѸ, панъны ЗоѸми, свѣсти сына своѸго пана Юрья, тринадцать сотъ копъ гроше'; а што ся дотычеть дрѸгоѸ тринадцати сотъ копъ гроше', которѸю мяль дати сынъ его панъ Юрьи за дрѸгую часть имене' жоны своѸе; тыхъ пѸзе' панъ Александръ Ѱпустилъ панѸ воѸводе его милости чотыри ста копъ гроше', а девять сотъ копъ гроше' масть панъ воѸвода его милость панѸ АлександрѸ заплатити, а то такъ: чотыри ста копъ гроше' масть ему Ѱдати ¹ на Громницы ², [а пять сотъ копъ гроше' масть ему дати] ³ на день светого Петра, индикта шостого. Писанъ Ѹ Вильни, июль 4 день, индик[т]ь 5.

412.—(безъ даты). Жалоба МихновоѸ КлючковоѸ на брата еѸ, князя Миха'ла РѸжинского, ш неданъе е' выправы.

Господаръ король его милость казалъ про память записати.

Жаловала его милости пани Михновага Ключковага ((л. 324) на брата своѸго, князя Миха'ла РѸжинского, ижъ шнѸ з-ымене' Ѱчизныхъ выправы е' ничего ⁴ не далъ.

413.—(безъ даты). Припоминанъе боаръ РѸдоминскихъ ДовнарѸвскихъ на пана Во'теха НосилѸвского ш покѸпенъе имене' въ близкихъ ихъ, безъ ихъ воли.

Господаръ король его милость казалъ въ книги записати.

Припоминалися его милости богаре РѸдоминьского повета Юхно Глебовичъ а Аньдре' Судковичъ ДовнарѸвский на пана Во'теха ЮрьѸвича НосилѸвского: ижъ шнѸ въ близкихъ ихъ именьа покупилъ, безъ ихъ воли, и ктомѸ тежъ съ тыхъ купленныхъ имене' земли и сеножати ихъ въ нихъ Ѱнимасть.

414.—(безъ даты). Припоминанъе богарина Кревского Матея Богдановича на пана Миколая СологѸбовича ш именье Вяжелишки, близкость его.

Господаръ король его милость казалъ въ книги записати.

Припоминалъ его милости богаринъ Кревьского повета Мате' Богдановичъ на пана Миколая Сологубовича ш именье, близкость свою, Вяжелишки, ижъ шнѸ держитъ, ничего къ томѸ не маючи.

415⁵.—1517, 29 июня. Вырокъ альбо позволенъе панѸ воѸводе ТроцкомѸ ШстикѸ и сынѸ его, панѸ Юрью, сѸму пѸзе' 13 сотъ копъ гроше' пану АлександрѸ СолтанѸ за часть именьа СѸвека и Косова, дельницѸ молодшоѸ дочки пана Литаваровы, Ѱложити, а тыѸ именьа къ рѸкамъ своимъ взятъ.

((об. л. 324) Жикгимонтъ, король и велики' князь.

Смотрели есмо того дела съ паны радами нашими. Што есмо перве' сего присѸдили маршалъку нашему, панѸ АлександръѸ Солтановичу на доч-

¹ Въ этомъ словѣ слогъ *от* вписанъ послѣ. ² Эти два слова вписаны надъ строкою. ³ Взятое въ прямья скобки вписано, подъ особымъ знакомъ, въ концѣ документа. ⁴ Это слово вписано надъ строкою. ⁵ См. выше, документъ № 411.

кахъ небожчика * пана Литаваровыхъ две тисечи и шесть сотъ копъ гроше' за скарбы ѿца єго, которыи небожчыкъ панъ Литаваръ и пани єго, по смерти небожчыка пана Солтаново', побрали,— и въ тыхъ пнзехъ дали были єсмо єму два ¹ имениа пана Литаваревыхъ, на'мя СѸвекъ а Косово, до тыхъ часовъ, поки бы тыи дочьки пана Литаваревы тую сѸму пнзе' єму ѿложили.

Ино тыми разы воєвода Троцки', маршалокъ нашъ дворны', панъ Григоре' Станиславовичъ Шстиковича и съ сыномъ своимъ, державцою ДорсѸнишьскимъ, паномъ Юрьємъ, и зъ невесткою своєю, панею Юрьєвою, а дочкою пана Литаваровою, жадали насъ, абыхмо дозволили єго милости половицѸ тыхъ пнзе', тисячу и триста копъ гроше', панѸ АлександрѸ ѿложити, а тыи * имениа, дельницѸ дрѸгоє дочьки меньшоє пана Литаваровы, свогажени сына єго, кз своимъ рѸкамъ мети до толь, поки бы таа меньшаа дочька пана Литаварова тыи пнзи єму ѿложила. Какъ же и сама пани Литавароваа то передъ нами вызнала, ижъ она дозволила панѸ воєводе єго милости тыє * имениа въ пана АлександрѸ выкупити.

Ино мы, на жадање пана воєводы єго милости Троцкого и сына єго пана Юрья и єго пане', и тежъ водлѸгъ сознанья панеє Литаваровоє, дозволили ||(л. 325) єсмо имъ тыи пнзи, тисечу и триста копъ гроше' пану АлександрѸ ѿложити, и держати тыи имениа кз своимъ рѸкамъ до тыхъ часовъ, поки таа дочка меньшаа пана ² Литаварова тыи пнзи єму або сыну єго милости панѸ Юрью ѿложити. А што ся дотычеть дрѸгоє половицы тыхъ пнзе', тисечи и трохъ сотъ копъ гроше', што

панъ Юрьи, сынъ пана воєводинъ, мель за панюю свою того долѸгу платити, ино маршалокъ нашъ, панъ Александръ передъ нами поведиль, ижъ онъ, за добродєство и пригазнъ пана воєводы єго милости Троцкого, ѿпустиль єго милости и сыну єго панѸ Юрью съ тыхъ пнзе' чотыры ³ ста копъ гроше', а девять сотъ копъ гроше' маєть панъ воєвода ємѸ заплатити на два роки: на Громницы, при'дѸчоє свято, котороє свято будетъ индикта шостого: маєть панъ воєвода єго милость єму дати чотыри ста копъ гроше', а на дрѸги' рокъ, на день светого Петра, што будетъ того жъ индикта шостого, маєть єму дати пять сотъ копъ гроше'. И на то єсмо дали сєсь нашъ листъ сѸдовы' подъ нашою печатью. Июнь 29, индик[т]ъ 5.

Пр[и] т[омъ] б[ы]ли панове рада: во[є]в[ода] В[ил]енски', к[ан]цлєрь, п[ан]ъ М[ик]ола' Мик[олаєвичъ] Р[ад]ивиловича; п[ан]ъ В[ил]енски', гет[манъ] нав[ы]ш[ши'], ст[ароста] Л[и]ц[ки'] и Ве[ни]цки', м[ар]шалокъ Вол[ынскоє] зем[ли], кн[язь] Костентинъ Ив[ановичъ] Ш[тр]озски'; п[ан]ъ Тр[оц]ки', ст[ароста] Жом[оитски'], п[ан]ъ Ст[аниславъ] Ин[овичъ]; м[ар]шалокъ зем[ски'], д[ер]жавца Сл[он]имски', п[ан]ъ Инъ М[ик]олаєвичъ Р[ад]ивиловича; воєв[ода] Нов[городски'], п[ан]ъ Инъ Ин[овичъ] Заберезински'.

416.—1516—1517. ||(об. л. 325) Устава людемъ слѸжебнымъ на кѸпованье живности въ тягненью.

Индик[т]ъ 5.

Устава служебнымъ, которыи мають тягнѸти зъ Берестыа до Полоцка за

* Это слово вписано надъ строкою. ¹ Въ подл. описка: «две». ² Въ подл. описка: «пани». ³ ЗдѸсь и передѸлаво изъ и.

што собе мають живности покѹпати, дорогою тягнѹчы:

воль по копе гроше', корова до'нага по сороку гроше', таловица по двадцати гроше', баранъ по чотыри грошы, вепръ по семи гроше', гусе' двоѣ грошъ, куровъ троѣ грошъ, копа жита старого шесть гроше', а нового чотыри грошы, пшеницы кола семъ гроше', тачьмену копа чотыри грошы, швѣса копа три грошы.

417.—(безъ даты). Припоминанье боарина Смоленского Солтана Бельковича ш именьѣ Лытичи, ѿчизну єго, котороѣ дѣржитъ Богѹшова Петьковича.

Господаръ король єго милость казалъ про паметь записати.

Припоминаль єго милости боаринъ Смоленски' Солтанъ Бельковичъ: ижъ боарини Богѹшова Петьковича дѣржитъ подь собою именьа, ѿчизнѹ єго, наима Лытичи, нетъ ведома—которымъ шбычаѣмъ ¹.

418.—(безъ даты). ||(л. 326) Припоминанье пана Станислава Петьковича ш именьѣ, близкость єго, котороѣ дѣржать братья єго, кѹхмистръ панъ Юрьи и панъ Бартошъ Петьковичи.

Господаръ король єго милость казалъ про паметь записати.

Привпоминалься єго милости панъ Станиславъ Ивановичъ Петьковича: ижъ братья єго, кѹхмистръ єго милости панъ Юрьи Николаѣвичъ, а братъ єго Грегоръ, а панъ Бартошъ Петьковичъ, дѣржатъ подь собою именьѣ ѿчизноѣ дядька єго, пана Во'техова Ивашкови-

ча, на'мя ² а єму въ томъ именьи не хотять делѹ дати, подле близкости єго.

419.—(безъ даты). Жалоба Сенька Жабы на князя Во'теха, бискупѹ Виленского, ш земли и ш квалты.

Господаръ король єго милость и велики' князь Жикгимонтъ казалъ про паметь записати.

Жаловаль єго милости служебникъ пана воєводы єго милости Виленьского—Сенько Костянтиновичъ Жаба на князя Во'теха, бискупа Виленьского, ш земли и ш квалты и ш грабежы.

А князь бискупъ єго милость на него жаловаль такимъ же шбычаѣмъ.

И єго милость господаръ ³.

420.⁴—(безъ даты). Справа золотарки места Виленского Ганны Юрьѣвоѣ зъ мещаниномъ Волковы'скимъ, братомъ єѣ, Лукашомъ ш петъдесять копъ гроше', є' на немъ присѹжонѹю.

Господаръ король єго милость казалъ про паметь записати.

Жаловала ||(об. л. 326) єго милости золотарка зъ места Виленьского Юрьѣва Ганна на брата своѣго, мещанина Вольковы'ского, Лукаша ш томъ: ижъ присѹжено є' на немъ петъдесять копъ гроше'.

Ино листъ сѹдовы' передъ єго милостью вказывала.

И єго милость господаръ при томъ листе сѹдовомъ зоставилъ, и казалъ братѹ єѣ тую петъдесять копъ гроше' заплатити на день светого Мартина при'дѹчого; а єсли бы не заплатилъ,

¹ Нѣтъ кустодіи. ² Оставлено пустое мѣсто. ³ Не окончено. ⁴ См. ниже, документъ № 452.

масть єго милость казать в-ы'меньє
єго въ томъ ѹвезаньє дати або ѿпра-
вить.

421¹.—(безъ даты). Справа панъ
Троцкомъ, стар[осте] Жомо'тскомъ,
пану Станиславу Иновичъ съ
княземъ Во'техомъ, бискупомъ
Виленскимъ, ѡ сеножать.

Во второкъ, дек[абрь] 16 день.

Смотрели єсмо того дела съ паны
радами нашими. Стоали передъ нами
ѡчевисто, жаловаль намъ панъ Троцки',
староста Жомоитски', панъ Станиславъ
Иновичъ на князя Во'теха, бискупа
Виленьского, ижъ бы єго милость на
єго сеножати сено казаль побрати.

И князь бискупъ мовиль передъ на-
ми: ижъ то сеножать здавна єсть цер-
ковната.

А панъ староста мовиль: ижъ то
сеножать єго ѿчизната и дедизната, а къ
церкви Боже' николи держана не была.

И на то подалъ светьки панъ ста-
роста ||(л. 327) бо[га]рѣ нашихъ: Миха'ла
Сарков'товича, а Ианька Станькевича,
а Володька Веркеневича, а Мартина
Мильковича а брата єго Можеля, а
шлях'ту: а Маца Ур'няжовича и сына
єго Балтромеа, а Паца Ан'др'шковича,
а Иана Рек'тевича и брата єго Станька,
а Стеца. И шап'ку на нихъ панъ ста-
роста приставиль: господаръ єго мило-
сти съ тысячы р'блевъ гроше'.

И князь бискупъ на тыхъ светковъ
зволиль, нижли съ тоє зар'бки ся не
послалъ.

И господаръ єго милость приказаль
панъ старосте тыхъ всихъ ² светковъ
передъ єго милостью поставити: масть
єго милость, тыхъ светковъ выслу-
хавшы, тому справедливость вчинити.

422³.—(безъ даты). Сознаньє
Жида Троцкого Мошея, ижъ се
ємъ досыть стало ѿ пана Петра
Станиславовича, старостича Го-
роденского, за полтора ста копъ
гроше' на немъ присужоную.

Господаръ король єго милость ка-
заль про память записати.

Што перве' сего жаловаль єго
милости Жидъ Троцки' Моше' на пана
Петра Станиславовича, старостича
Городенского, ижъ ѡнъ винень ємъ
полтара ста копъ гроше', и господаръ
єго милость положиль былъ рокъ пану
Петр' тыи п'зи єму заплатити.

Ино тыми разы панъ Петр' того
Жида переєдналъ, и за то єму досыть
вчиниль. Какъ же и самъ тотъ Жидъ
Моше' передъ господаремъ єго ми-
лостью то созналъ, ижъ вжо ємъ за то ⁴
досыть вделано.

423.—(безъ даты). ||(об. л. 327) Спра-
ва Михна Хребтовича зъ дядиною
єго, пани Литаворовою ѡ долгъ,
єму винны'.

Господаръ король єго милость казаль
про память записати.

Жаловаль єго милости дворянинъ
Михно Митьковичъ Хреб'товичъ на
маршалковую, дядин'ю свою, панюю
Литаворов'ю Хребтовича: ижъ ѡна
вин'на єму петьдесять золотыхъ черле-
ныхъ и шесть копъ гроше' и двадцать
гроше', и того єму не платитъ.

И господаръ єго милость казаль є'
тыи золотыи и грошы заплатити по
светомъ Мартине, въ чотырехъ неделяхъ.

424.—(безъ даты). Справа на-
местника Вилькомирского, пана

¹ См. выше, документъ № 259. ² Это слово вписано послѣ надъ строкою. ³ См. выше, документъ № 232, и ниже, документъ № 432. ⁴ Эти два слова вписаны послѣ.

Юрья Дово'новича, зѣ во'томъ Вилькомирскимъ Миклашомъ ѿ ѿнятыѣ мещанъ Вилькомирскихъ ѿ слѣжобъ, пошлинъ и платовъ єго.

Господаръ король єго милость казалъ про память записати.

Жаловаль єго милости наместникъ Вилькомирски', панъ Юрьи Дово'новичъ на во'та Вилькомирскаго Миклаша: ижъ ѿнъ ѿнялъ все место, мещанъ Вилькомирскихъ, ѿ служобъ и ѿ иныхъ пошлинъ и платовъ, и самъ ихъ сѣдять и рѣдять.

И воить передъ єго милостью поведиль, ижъ масть на то привиле' єго милости.

И господаръ єго милость казалъ во'ту тотъ привиле' передъ єго милостью положити по свето' Катарине, въ ты'день: масть єго милость тому справедливость вчинити.

425.—(безъ даты). Пильность на рокъ позваномъ богарина Курклевскаго Шлексея Тумосовича ¹ въ справе зѣ Икубовою Станьковича ².

||л. 328) Господаръ король єго милость казалъ про память записати.

Што жаловала єго милости богарини Троцкаго повета, Икубова Станьковича Дорота на богарина Курклевскаго Шлексея Тумосовича: ижъ де' мела до него некотороѣ дело, и въ томъ де' єго листомъ нашимъ позовнымъ позывала. Ино ѿнъ на тотъ рокъ передъ нами сталъ и ѿказывался, а ѿна сама не стала.

426 ³. — (безъ даты). Вырокъ ⁴ панъ Инъ Миколаєвичъ Радивиловичъ зѣ шѣриномъ єго, паномъ Петромъ Станиславовичомъ, ѿ выправъ по єго жоне, а по сестре пана Петрово'.

Жикгимонтъ.

Смотрели ⁵ єсмо того дела съ паны радами нашими. Стогали передъ нами ѿчевисто, жаловаль намъ маршалокъ земьски', державца Слонимьски', панъ Инъ Миколаєвичъ Радивиловича на шѣрина своєго, пана Петра Станиславовича: ижъ ѿнъ не хочеть єму выправы дати по єго пане', а по своє' сестре, з-ымене' ѿчизныхъ и дельницы в-ыменгахъ материзны єє.

И панъ Петръ передъ нами мовиль: ѿтець мо', небожчикъ ⁶ панъ Станиславъ Петровичъ, даваль дочьку свою, сестрѣ мою, за подчашого, старостѣ Городеньскаго, пана Юрья Миколаєвича; и ѿнъ за нею выправъ далъ, чотыри ста копъ гроше', и иншыѣ рече; га, по смерти ѿца своєго, зѣ маткою моєю, ||(об. л. 328) за сестрою мою зятю своєму, панъ Ину, водлѣгъ можности нашоѣ, выправу далъ.

Ино намъ и паномъ радамъ нашимъ се видело: ижъ масть панъ Петръ за сестрою своєю панъ Ину выправу дати такимъ же ѿбычаємъ, какъ ѿтець єго панъ Станиславъ за первую дочкою своєю, за єго сестрою, выправъ пану Юрью далъ, чотыри ста копъ гроше', и ктому шать и иныхъ рече'; нижь-ли што вжо будетъ панъ Петръ за тою сестрою своєю пану Инъ выправы далъ, то масть въ тую жѣ личьбу быти.

Пр[и] т[омъ] были: во[євода] В[и]-

¹ Въ «Реестрѣ»: «Тумосовича». ² Кустодіи нѣтъ. ³ См. ниже, документъ № 428. ⁴ Надъ этимъ заголовкомъ стоитъ помѣта: «Тая жѣ справа на другой карте» (см. ниже, № 428). ⁵ На полѣ замѣчено: «Тая справа въ Старой Метрице покрешляна». ⁶ Это слово вписано надъ строкою.

л[енски'], к[а]н[цлеръ], п[а]н[ъ] Мик[о-
ла'] Мик[олаѣвичъ] Ради[виловича];
п[а]н[ъ] Вил[енски'], гет[манъ], ст[а]-
р[оста] Луц[ки'], м[а]р[шалокъ] Во-
л[ынскоѣ] зем[ли], кн[язь] Кос[тен-
тинъ] Ив[а]н[овичъ] Штрос[ски']; во-
[свода] Тр[о]ц[ки'], м[а]р[шалокъ] двор-
[ны'], п[а]н[ъ] Гр[и]г[оре'] Ст[а]н[и-
славовичъ] Шт[иковича]; п[а]н[ъ]
Тр[о]ц[ки'], ст[а]р[оста] Жом[оитски'],
п[а]н[ъ] Стан[иславъ] Инов[ичъ]; м[а]р-
[шалокъ], ст[а]р[оста] Бер[есте'ски'],
п[а]н[ъ] Юр[ъи] Ив[а]н[овичъ] Ильи-
нича; кон[юши'] дв[ор]ны' и Тр[о]ц-
[ки'] нам[ѣстникъ] Леп[унски'] и Вол-
[киницки'], лес[ничий] Гор[оденски'],
п[а]н[ъ] Ик[убъ] Кунцев[ичъ].

427.—(безъ даты). Припоминае
пана Ина Петковича а Миколая
Володькевича ш имениа ихъ ма-
теризныѣ на Подляшью, коториѣ
дѣржитъ панъ Петръ Станисла-
вовичъ Кишчичъ.

Господаръ король ѣго милость казалъ
про память записати.

Привпоминали ѣго милости дворане
ѣго милости, панъ Ианъ Петковичъ ¹
а Микола' Володьковичъ ш имениа свои
материзныи, котории суть на границахъ
Подляшскихъ, ижъ панъ Петръ Ста-
ниславовичъ Кишчича, старостичъ
|| (л. 329) Городенски', тыи имениа,
близкость ихъ, подъ собою дѣржитъ.

428 ².—(безъ даты). Вырокъ панъ
Ианъ Миколаѣвичъ Радивилъ зъ
шриномъ ѣго паномъ Петромъ
Станиславовичомъ ш посагъ и
выправъ по жоне ѣго.

Жикгимонтъ, Божью милостью
король и велики' князь.

Смотрели ѣсмо того дела съ паны ра-
дами нашими. Стоали передъ нами шче-
висто, жаловалъ намъ маршалокъ земски',
державца Слонимьски', панъ Ианъ
Миколаѣвичъ Радивиловича и съ панею
своею на шрина своего, пана Петра
Станиславовича, ижъ шнъ не хочеть
ѣму посагу и выправы дати по ѣго пане',
а по свое' сестре, з-ымене' шчизныхъ.

И панъ Петръ мовиль: ижъ штець
ѣго небожъчыкъ панъ Станиславъ
Петровичъ далъ дочьку свою старшую,
сестр' ѣго, за подчашого нашего, ста-
росту Городенского, пана Юрья Мико-
лаѣвича, и за нею посагу далъ чотыриста
копъ гроше', и выправу, кромъ того,
што шна скарбовъ материзны своеѣ
мела; и по смерти шца моего, та, зъ
маткою моею, за своею сестрою зятю
своему, панъ Иану, выправъ далъ з-ыме-
не' шчизныхъ, подл'гъ можности своеѣ.

Какъ же и маршалокъ нашъ, деръ-
жавца Штрински', панъ Александръ
Ходкевичъ, а конюшы' нашъ дворны'
и Троцки', || (об. л. 329) наместникъ ³
Волькиницки' и Лепуньски', лесничий
Городенски', панъ Икубъ Кунцевичъ
передъ нами поведили: ижъ небож-
чыкъ панъ Станиславъ Петровичъ
чересъ ихъ сказывалъ и далъ пану
Юрью за первую свою дочкою триста
копъ гроше', а четвертую сто копъ
гроше' слюбилъ пану Юрью дати.

Ино намъ и паномъ радамъ нашимъ
ся видело: ижъ маѣть панъ Петръ за
сестрою свою пану Ианъ, маршалку
земьскому, посагъ дати з-ымене' своихъ
шчизныхъ такимъ же шбычаѣмъ, какъ
штець ѣго панъ Станиславъ за первую
дочкою свою и ѣго сестрою пану
Юрью посагу далъ чотыриста копъ
гроше', а къ тому выправу, только жъ,

¹ Въ подл.: «Пельковичъ». ² См. выше, документъ № 426. ³ Это слово излишне по-
вторено, вѣроятно, для кустодии.

што бѣдетъ и братѣ его пану Юрью дано, кромѣ скарбовъ материзны пане Юрьѣвоѣ, сестры его; а што вжо будетъ панъ Петръ зятю за сестрою своєю панѣ Ину выправы даль, то масть въ тую жъ личьбу быти.

Пр[и] т[омъ] были: воєв[ода] Виленски', кан[цлеръ] н[а]ш[ъ], панъ Мик[ола'] Мик[олаевичъ] Ради[виловича]; п[ан]т[ъ] Вил[енски'], г[ет]манъ, ст[ар]оста Луц[ки'], м[ар]шалокъ Волынскоѣ зем[ли], кн[язь] Кос[тентинъ] Ив[ановичъ] Устр[озски']; воєв[ода] Тр[оцки'], м[ар]шалокъ дв[ор]ны', п[ан]т[ъ] Гр[игоре'] Станиславовичъ Ус[тиковича]; п[ан]т[ъ] Тр[оцки'], ст[ар]оста Жомоит[ски'], п[ан]т[ъ] * Ст[аниславъ] Инов[ичъ]; м[ар]шалокъ, ст[ар]оста Бер[есте-ски'], п[ан]т[ъ] Юрьи Ив[ановичъ] Ильинич[а]; кон[юши'] н[а]ш[ъ] двор[ны'] и Тр[оцки'], н[амѣстникъ] Вол[ыкиницки'] и Леп[ушки'], лес[ничий] Г[ор]оденски', п[ан]т[ъ] Яку[бъ] Кун[цевичъ] ¹.

429.—(безъ даты). ||(л. 330) ¶ Положеньѣ до со'мѣ sprawy боярини Шменскоѣ Анѣдреѣвоѣ Синяковича зъ воєводою Виленскимъ, паномъ Миколаѣмъ Радивиломъ ѡ ѡнятьѣ въ неѣ именья, кѣпли мѣжа ѣѣ.

Господаръ король его милость казалъ про память записати.

Жаловала его милости боярини Шменьскаѣ, Анѣреѣваѣ Синяковича на воєводѣ Виленьского, канцлера его милости, пана Миколаѣ Миколаевича: ижъ его милость ѡнялъ въ неѣ именья, куплю мужа ѣѣ, Анѣреѣ Синяковича.

И панъ воєвода передъ его милостью поведилъ: ижъ то ѣсть его ѡчизна, а

тотъ Анѣреѣ ѣму жъ съ того именья служилъ; и она, по смерти мужа своѣго, пошла за дрѣгого мужа *, и его милость панъ воєвода тоѣ именья въ неѣ ѡнялъ и дѣржитъ до летъ дете', которыхъ она масть съ перьвымъ мужемъ Анѣреѣмъ Синяковичомъ.

А таѣ боярини мовила, ижъ масть въ себе листъ купьчы' на тоѣ именья.

И господаръ король его милость рокъ ѣ' положилъ—тотъ листъ купьчы' положити, вѣступившы въ постъ, на перво' недели: масть его милость тому справедливость вчинити.

А потомъ его милость панъ воєвода Виленьски' поведилъ передъ господаремъ его милостью, ижъ ѡнъ ближнихъ тыхъ дете' ѣѣ, которые бы ся мели ѡ то съ нею правовати, послалъ серебьшчинѣ правити, и для того на тотъ рокъ быти не могутъ.

И господаръ его милость имъ рокъ положилъ тому правѣ ѡ середопосты: масть панъ воєвода тыхъ ближнихъ дете' ѣѣ ||(об. л. 330) на тотъ рокъ передъ его милостью поставити: господаръ его милость масть справедливость вчинити.

Ино и на тотъ рокъ тоѣ ся право не сточило. ¶ Положилъ его милость господаръ тому праву рокъ по Велицедни ѣ двѣ неделяхъ.

Какъ же на тотъ рокъ ѡчевисто передъ господаремъ его милостью ѡни мовили, и его милость господаръ ѣшчо имъ тотъ рокъ ѡложилъ до тыхъ часовъ, поки панове рада вся его милости будѣтъ на со'ме: масть его милость тому справедливость ѣчинити.

430.—(безъ даты). Поданье ѡ Гришьяка дьяка зъ рѣкъ его намѣстникѣ Мстиславьскому

* Это слово вписано надъ строкою. ¹ Кустодіи нѣтъ.

ЗанькѸ УгапоневичѸ некото-
роѸ стрельбы и иншихъ рече’.

ГосподарѸ король Ѹго милость казалъ
про память записати.

Што Гришко дѸкакъ далъ исъ своихъ
рѸкъ наместнику Мстиславьскому
дела господарьскии,—та, наместникѸ
Мстиславьски’, Занько Угопоновичъ
а Даниле’ Богдановичъ взяли Ѹсмо зъ
рѸкъ Гришковыхъ:

Три торасницы, две Ѹдно ¹ въ ложехъ
безъ колесъ, а третеѸ въ ложи съ коле-
сы и зъ ланцѸхомъ; и два сердечники
железныѸ, и по мотыце, и по лопате
железно’; а три куле, а ложька железнаѸ,
а папери на мешки, што мель; а по-
рохѸ две бочки полныхъ, а въ трете’
немного; Ѹ большо’ бочце важно порохѸ
три пѸды..... * а въ дрѸго’ бочце
два пѸды..... * а въ трете’ бочце пѸдъ;
а шлова пять пѸдовъ съ шетвертью
МстиславскоѸ ваги ².

431.—(безъ даты). ||(л. 331) Справа
панѸ Григорью ШстикѸ, воѸводе
ТроцкомѸ, зъ Жидами Городен-
скими ш домъ мѸрованы’ въ месте
Городенскомъ.

ГосподарѸ король Ѹго милость казалъ
про память записати.

Жаловаль Ѹго милости воѸвода
Троцки’, маршалокъ дворны’, панъ
Григоре’ Станиславовичъ Шстиковича
на ЖидовѸ Городеньскую ш домъ, въ
месте Городеньскомъ мурованы’.

И Ѹго милость господарѸ Ѹложилъ,
поки служба Ѹго милости и ³ земьскаѸ
шминеть: маѸть тому справедливость
вчинити.

432 ⁴.—1516, 26 июня. ѸложеноѸ
рокѸ заплаты пѸзе’ ЖидѸ
ТроцкомѸ Мошею полторѸ стѸкопъ
Ѹ пана Петра Станиславовича,
по зъверненью зъ службы земскоѸ.

ГосподарѸ король Ѹго милость казалъ
про память записати.

Што Ѹго милость съ паны радами
своими присѸдилъ на панѸ Петре
Станиславовичи, старостичѸ Городен-
скомъ, ЖидѸ Троцкому Мошею поль-
тора ста копъ гроше’, и роки Ѹго ми-
лость положилъ былъ тымъ пѸземъ
заплате дванадцать неделъ; и Ѹсли
панъ ПетрѸ на тотъ рокъ тому ЖидѸ
пѸзе’ не Ѹдасть, а Ѹдетъ на службу
господарьскѸю,— и шнѸ ш томъ билъ
чоломъ господарѸ королю Ѹго милости,
абы то Ѹложилъ на дальни’ рокъ, по-
куль изъ службы Ѹго милости зъѸздитъ.
|| (об. л. 331) И господарѸ король Ѹго
милость то Ѹложилъ, поки служба Ѹго
милости и земьскаѸ шминеть, тогда
панъ ПетрѸ маѸть въ тыхъ пѸзехъ
ЖидѸ платенъ быти, водле сѸда Ѹго
милости, а своѸго маѸть на немъ
по’скивати. Писанъ Ѹ Вильни, июнь
26 день, инѸдик[т]Ѹ 4.

433.—1516, 29 декабря. Справа
СопотькѸ СтецьковичѸ зъ дядь-
комъ Ѹго Богданомъ Сачковичомъ
ш некоториѸ кривды.

ГосподарѸ король Ѹго милость при-
казалъ про память записати.

Штожъ писарь и наместникѸ Саражъ-
ски’ пана воѸводы Ѹго милости
Виленьского Сопотько Стецьковичъ

¹ т. е. «только». ² Кустодіи нѸтъ. ³ Этотъ союзъ вписанъ надъ строкою. ⁴ См. выше,
документы №№ 232 и 422. * ОставленѸ пустое мѸсто.

приходилъ передъ его милость, жалуючы на дядька своего, Богдана Сачьковича: штожь де' емѸ и людемъ его ѿ него кривды великии ся стали Ѹ крвалтехъ, Ѹ боѣхъ, Ѹ грабежохъ и в-ыншыхъ многихъ речахъ; ш чомъ жо де' дядька своего не ѿнокротъ листы его милости позывалъ. Икожь и тыхъ часовъ поведилъ, ижь ѿнъ того дядька своего листомъ его милости позывалъ на рокъ, на Божьѣ Нароженъѣ, тыми разы прошлоѣ, на которы' же ѿнъ не сталъ. И Сопотъко, видячы шкодѸ люде' своихъ, ижь после року несколько дне', ждѸчы его, травилися, ѿпустилъ ихъ до домовъ ихъ. Писанъ Ѹ Вильни, дек[абрь] 29 день, инъдик[т]ь 5¹.

434.—(безъ даты). ||(л. 332) Жалоба боярина Троцкого поветѸ Ина Станьковича на Миколая а Крщона Идотовичовъ ш непри-
мованъѣ пѣзе' за кгрунты, ѿдъ ѿца его имъ заставеныѣ, и ш неѸстѸ-
пенъѣ тыхъ кгрунтовъ.

Господаръ король и велики' князь его милость Жикгимонтъ казалъ про память записати.

Жаловалъ его милости богаринъ его милости Троцкого повету Инъ Станьковичъ Бернатовича на богаръ же его милости Миколая а на Крщона Идотовичовъ: ижь штець его Станько небожьчыкъ запродавъ имъ землю и гаи и сеножати свой не въ кольку копахъ гроше'; и ѿнъ де' имъ тыи пѣзи ѿдаѣтъ, а ѿни де' не хотятъ брати, а земли его ему ся не поступаютъ; и надто де' еще большии кривды и крвалты ему делаютъ; и ѿнъ де' ихъ позывалъ листомъ его милости на рокъ,

абы передъ его милостью стали Ѹ двѸ неделяхъ по Велицедни.

Ино на тотъ рокъ тотъ Инъ передъ господаремъ² его милостью сталъ, а тыи Идотовичы не стали.

И господаръ его милость ѣздоковъ, ани децкогo ему на нихъ не далъ, для того, ижь служба земская вжо близко подошла. А какъ, дастъ Богъ, служба его милости минеть, маѣтъ ѿнъ ихъ дрѸгимъ листомъ позвати; и ѣсли на тотъ рокъ не стануть, тогды маѣтъ господаръ его милость казати на конецъ ему справедливость вчинити.

435.—(безъ даты). ||(об. л. 332) Справа боярь Вилькомирскихъ съ панею Борисовою Семеновича ш люди и земли.

Господаръ король его милость казалъ про память записати.

Жаловалъ намъ богаринъ Вилькомирски' Бертошъ МишѸтъковичъ³, Боѣкисъ Имонътовичъ, Юшко Миколаѣвичъ, Сорковтъ Миколаѣвичъ, Во'техъ Станьковичъ, Инъ Имонтовичъ и инии богаре на панюю Борисовую Семеновича ш люди и ш земли.

И пани Борисоваѣ ѿказала: ижь ѿна тому имению не ѣстъ ѿчичка: маѣтъ Ѹ себе дочьку, котораѣ жъ за княземъ Васильемъ Жилинскимъ; ѿна не моцна ѿчизны дочки своеѣ протягивати.

Господаръ его милость то ѿложилъ до светого Мартина дня: маѣтъ его милость розказати князю Василью Жилинскому зъ его жоною тутъ къ томѸ року съ Кричева приѣхати, а тамъ до Кричева на его местцо маѣтъ господаръ его милость послати, а на тую землю [маѣтъ] выѣхати на тотъ рокъ панъ

¹ Кустодіи нѣтъ. ² Это слово вписано надъ строкою. ³ Здѣсь ѣ переправлено изъ ѣ.

воєвода єго милость Виленски' и справедливость тому вчинити.

436¹.—(безъ даты). Пильность Юрья Ставского на рокѸ въ справе съ паномъ Львомъ Боговитиновичомъ.

Про память господарѸ король казалъ записати.

Жаловалъ єго милости земенинъ Бересте'ски' Юрьи Ставски' ш томъ: ||(л. 333) штожъ панъ Левъ Боговитиновичъ єго сѸдилъ, и въ томъ єму шкоды много ся стало.

Єго милость господарѸ казалъ былъ пану Льву съ нимъ шчивисте передъ собою стати ш семо' суботе. Ино Юрьи Ставски' на тотъ рокъ передъ господаремъ єго милостью сталъ, а панъ Левъ не сталъ.

437².—(безъ даты). Справа ЯкубѸ ГанѸсовичѸ зъ БогѸшомъ Борисовичомъ ш именъє.

ГосподарѸ король єго милость и велики' князь Жикгимонтъ казалъ про память записати.

Жаловалъ єго милости богаринъ Троцкого повета Якубъ ГанѸсовичъ на наместника Городенского старосты Городенского, подчашого єго милости, пана Юрьєва Николаевича — Богуша Борисовича ш именъє свое ѿчизное.

И господарѸ єго милость положылъ рокъ пану старосте того наместника своего передъ єго милостью къ праву поставити въ чотырохъ неделяхъ. И панъ староста того наместника своего передъ єго милостью не поставилъ. И господарѸ єго милость дрѸги' рокъ панѸ старосте положилъ, подѸ страченъємъ

права, того Богуша передъ єго милостью поставити—по Божъємъ Вступленъи, въ чотырохъ неделяхъ.

438³.—(безъ даты). Справа СенькѸ Звяге зъ богаринею Виленскою Станъковою⁴ Довкъшевича ш верненъє пїзе', за именъє Карповичи на Или Ѹ неє кѸпленоє, што въ него ѿнято.

ГосподарѸ король єго милость казалъ про память записати.

Што жаловалъ ||(об. л. 333) єго милости служебникъ воєводы Троцкого, маршалка нашего дворного, пана Григорья Станиславовича Шстиковича —Сенько Звяга на богариню Виленского повета Станъковую Довкъшевича: ижъ она продала єму именъє свое, на'мя Карповичи на Или, ино тоє именъє въ него ѿнялъ Ѹвяжчы', панъ Во'техъ Носиловъски'; и коли панъ Во'техъ тоє именъє въ него ѿнялъ, въ тотъ часъ тамъ шкоды великии єму стали.

Ино господарѸ єго милости и паномъ радамъ ся видело: маєть Станъковаа Довкъшевича тьи пїзи, што была въ Сенька Звяги за тоє именъє взяла, зася єму ѿдати на рокъ, почонъ ѿ сихъ часовъ за дванадцать недель, то єсть по светомъ Петре, въ десяти неделяхъ. А што ся дотычетъ шкодъ Сеньковыхъ Звягина, которыи ся єму въ томъ именъи ѿ пана Во'теха стали, маєть онъ тыхъ шкодъ своихъ на пану Во'техѸ правомъ искати, какъ, дастъ Богъ⁵, служба земскаа шминеть.

439⁶.—(безъ даты). Справа панѸ АлександрѸ СолтановичѸ

¹ См. выше, документы №№ 233 и 270. ² См. выше, документъ № 239. ³ См. выше, документъ № 222. ⁴ Въ подл. сперва было написано: «Станиславовою», но потомъ поправлено. ⁵ Это слово вписано послѣ. ⁶ См. выше, документы №№ 214 и 253, и ниже, документъ № 444.

съ пани Литаворовою ѡ скарбы
ѡца єго.

Господарь король єго милость казалъ
про память записати.

Жаловалъ єго милости маршалокъ
єго милости, панъ Александръ Солта-
новичъ на маршалковую, панюю
Литаваровѡ Хребътовича ѡ скарбы
ѡца своєго: ижъ вжо трема ((л. 334)
позвы єє позывалъ, и ѡна не стала, а
вымовилася ѡробою.

Ино господарь король єго милость то ѡло-
жилъ, поки, дасть Богъ, служба єго
милости ¹ и земьскаѡ ѡминеть, и какъ
ѡнъ єє позвомъ позоветъ, ѡна масть
стати, и въ томъ ся съ нимъ роспра-
вити.

440².—(безъ даты). Справа бога-
ринѡ ѡшменскомѡ Станиславѡ
Бартошевичѡ съ паномъ Петромъ
Станиславовичомъ ѡ имене'цо
єго на Ѥши.

Господарь король єго милость казалъ
про память записати.

Жаловалъ єго милости богаринѡ
ѡшменски' Станиславъ Бартошевичъ
на пана Петра Станиславовича, старо-
стича Городенского: ижъ ѡтець єго
небожчыкъ панъ Станиславъ ѡнялъ въ
него имене'цо єго на Ѥшы, и тыми
разы ѡнъ то дѣржитъ.

И панъ Петръ передъ єго милостью
мовиль: ижъ вси именьѡ ѡ'цовы (sic)
матка єго въ своє' моцы дѣржитъ, а
ѡнъ ничего не масть.

Ино господарь король єго милость ѡложилъ
то, поки служба єго милости и земь-
скаѡ ѡминеть, масть панъ Петръ зъ
маткою своєю въ томъ єму права
достоятати.

441.—(безъ даты). Справа бога-
ринѡ Виленского повета Петрѡ
Миха'ловичѡ съ паномъ Львомъ
Боговитиновичомъ ѡ недопла-
ченъє пѣзе' за именьє.

Господарь король єго милость казалъ
про память записати.

Жаловалъ єго милости богаринѡ Ви-
ленского повета Петрѡ Миха'ловичъ ѡ
томъ: ижъ панъ Левъ Боговитиновичъ
купиль ѡ него именьє ((об. л. 334) єго
ѡчизноє въ Рѡдоминьско' волости и
задатокъ єму за то даль; а ѡстатку
тыхъ пѣзе' не хочеть єму заплатити.

Ино господарь король єго милость
то ѡложилъ, поки служба єго милости
и земьскаѡ ѡминеть; и рокъ єго ми-
лость єму положыль, коли масть съ
тымъ богариномъ передъ єго милостью
ѡ праве стати,—на светого Мартина
день, што при'детъ: масть єго милость
тому богаринѡ съ нимъ въ томъ спра-
ведливость вчинити.

442.—(безъ даты). ѡпѡщенъє
серебщизны Татаромъ всимъ въ
князстве Лит[о]в[скомѡ], за што
мають єхати на во'нѡ.

Господарь король єго милость казалъ
про память записати.

Што положиль єго милость на свою
землю, ѡчизнѡ єго милости, великоє
князство Литовскоє, серебщизнѡ (sic)
брати,—ино Татаромъ єго милость
всимъ, которыи суть ѡ великомъ княз-
стве, серебщизнѡ (sic) ѡпѡстиль; ни-
жи мають ѡни тыми разы выправити
на службу єго милости сто коне',
какъ слѡшеть ку службѣ, а на весну
зася мають быти готовы на службу

¹ Эти два слова вписаны надъ строкою. ² См. ниже, документъ № 492.

его милости и земьскую, безъ всякого датьку его милости и вымовенга.

443¹.—(безъ даты). Ъложено съ справы Юхн⁸ Совичевич⁸ съ княземъ бискупомъ Виленскимъ ш имениа, близкость его, ш Види, а ш Першею, а Шлизаровскоѣ, а ш Болвановъскоѣ и ш Волчъковъскоѣ.

Господаръ король его милость казалъ про память записати.

Жаловалъ его милости служебникъ воєводы Виленского, канцлера нашего, его милости ((л. 335) пана Миколаѣвъ Миколаѣвича Радивиловича — Юхно Совичевичъ на князя Во'теха, бискупа Виленского, ш имениа, близкость свою, на'мя ш Види, а ш Першею, а Шлизаровъскоѣ, и ш Болвановъскоѣ и ш Волчковскоѣ.

И господаръ его милость ѡложилъ то до со'му великого, до светоѣ Катерины дня: маѣтъ князь бискупъ его милость тогда ему въ томъ ѡповедити. А потомъ какъ тотъ рокъ пришолъ, ино писарь, панъ Павелъ, и зъ братьєю своєю, а Юхно Совичевичъ передъ господаремъ его милостью ш томъ ся впоминали. И князь бискупъ съ того ся вымовилъ, ижъ не ѣсть къ тому прав⁸ готовъ. Господаръ его милость положилъ др⁸ги' рокъ—ѡ сихъ часовъ декабра двадцать третего дня, въ чотырохъ неделяхъ, маѣтъ князь бискупъ право и твердости положити, и имъ въ томъ правъ быти передъ господаремъ его милостью².

444³.—(безъ даты). Справа пан⁸ Александр⁸ Солтанович⁸ съ пани Литаворовою ш скарбы ѡца его.

Во второкъ, дек[абрь] 9 день.

Господаръ король его милость казалъ про память записати.

Жаловалъ его милости маршалокъ панъ Александръ Солтановичъ на маршальковую, паню Литаваров⁸ Хребтовича ш скарбы ѡца своего.

Ино господаръ его милость пане' Литаворово' приказалъ и рокъ положилъ передъ его милостью съ паномъ Александромъ стати въ сесь второкъ, што при'детъ, декабра пяты'надцать день, подъ страченъемъ права.

445.—1516, 25 февраля. ((об. л. 335) Вырокъ альбо потверженьѣ во'т⁸, б⁸рмистромъ и всимъ мещаномъ Городенскимъ на п⁸щ⁸ Городенск⁸ю * и на недаванъѣ мыта на реце Мете, ѣд⁸чи до Прусь, и на инъшиѣ артык⁸лы, въ привилеяхъ короля Александра и короля его милости Жикгимонта имъ * шписаныѣ.

Жикгимонтъ, Божъєю милостью король и велики' князь Лит[о]в[ски'].

Смотрели ѣсмо того дела съ паны радами нашими. Жаловали намъ во'тъ места Городенского и бурмистры и радцы и вси мещане на подчасого нашего, старосту Городенского, пана Юрыа Миколаѣвича Радивиловича ш томъ: што перво сего братъ нашъ Александръ король его милость далъ имъ къ мест⁸ пушч⁸ въ Городенскомъ повете, и привилъемъ своимъ то его милость имъ потвердилъ на вечность;

¹ См. ниже, документъ № 480. ² Послѣ сего было написано и зачеркнуто: «во второкъ, декабрь 9 день». ³ См. выше, документы №№ 214, 253, 439. * Это слово вписано надъ строкою.

и то имъ завель и шраничилъ, зъ росказанъа брата нашего короля єго милости, маршалокъ земьски', староста Городенски', небожчыкъ панъ Ианъ Юрьевичъ Заберезынъски'. А потомъ и мы имъ тую пшчу нашымъ привилиємъ подтвердили тежъ на вечность. Ино де' тыми разы панъ староста Городенски' тую пшчу въ нихъ ѿнялъ.

И панъ староста передъ нами мовиль: ижъ шни дерево на будованьє и на дрова въ пшчы нашо' берѹтъ тамъ, где ловомъ и шступомъ нашымъ шкода ся великата десть.

При томъ жаловали намъ воить и мещане Городенскии: ижъ служебники пана старостины берѹтъ въ нихъ мыта на реце на Мете, ((л. 336) до Прѹсѹ єдѹчи, гдежъ де' шни здавна николи мыта не давали, и въ привилии брата нашего и нашомъ имъ выписано, ижъ шни на реце на Мете не мають мыта давати.

И панъ староста передъ нами поведиль: ижъ за предъковъ єго, первыхъ старость Городенскихъ, тамъ на нихъ мыто бирано.

И воить и мещане тыи привилиа брата нашего и наши на пшчу и на тоє мыто передъ нами вказывали.

Мы, съ паны радами нашыми ш томъ межи ними досмотревшы и тыхъ привилиєвъ брата нашего Александра короля єго милости и нашихъ выслушавшы, и врозѹмели єсмо тому: ижъ братъ нашъ король єго милость тую пшчу имъ далъ и границѹ, которѹю завель небожчыкъ панъ Ианъ Юрьевичъ Заберезынъски', привилиємъ своимъ имъ подтвердилъ; въ тыхъ же привилиахъ стоитъ, ижъ на Мѣте¹ мыта не мають давати,—мы при томъ ихъ zostавили, и тую пшчу казали єсмо

имъ заведати со всеимъ по тому, какъ въ тыхъ привилиахъ выписано; и росказали єсмо пану старосте: ажъ бы ся шнъ въ тую пшчу не въступалъ, и того мыта на реце на Мете зъ нихъ брати не казалъ; мають мещане Городенскии и тою дорогою добровольне єздити до Прѹсѹ, безъ всякого гамованъа, водлѹгъ данины и привилиєвъ брата нашего, и нашего.

Такежъ били намъ чоломъ во'тъ и мещане Городенскии, абыхъмо при тыхъ всехъ члонкахъ, котории въ привилиахъ брата нашего короля єго милости ((об. л. 336) и нашомъ имъ къ местѹ выписаны, ихъ zostавили.

Ино мы, на ихъ чоломъбитѹє, то вчинили: котории члоньки братъ нашъ Александръ король єго милость и мы въ привилиахъ нашихъ имъ къ месту выписали, при тыхъ всехъ члонькахъ ихъ zostавуємъ, и подтверждаємъ то имъ симъ нашимъ листомъ: маєтъ то имъ держано быти, водлѹгъ данины и тыхъ привилиєвъ брата нашего короля єго милости Александра и нашего. Писанъ ѹ Вильни, єев[раль] 25 день, инъдик[т]ъ 4.

Пр[и] т[омъ] были: воєв[ода] Тр[о]ц[ки'], м[ар]шалокъ дв[ор]ны', п[ан]ъ Гр[игор]е' Ст[ан]иславовичъ Шт[ип]ковича; маршал[окъ] и сек[ретарь], дер[жавца] Шов[ленски'], п[ан]ъ М[ик]ола' Мих[новичъ] Рач[ковича]; кон[юши'] дв[ор]ны' и Тр[о]ц[ки'], нам[ѣстникъ] Леп[ѹнски'] и Вол[ькиницки'], лес[ничий] Гор[оденски'], п[ан]ъ Як[ѹбъ] Кун[цовичъ]; подскар[би'] дв[ор]ны', нам[ѣстникъ] Велен[ски'], п[ан]ъ Иванъ Андреєвичъ.

446.—(безъ даты). Ёложенъє рокѹ въ справе Красовского зъ

¹ Здѣсь ѿ переправлено изъ и.

мещаниномъ Виленскимъ Васькомъ Минцаревичомъ ѡ зраненьѣ его.

Богѡшь прислалъ тоѣ дело.

Господарѣ король его милость казалъ про память записати.

Жаловалъ его милости служебникъ пана Стадницкого, намя Красовьски, на во'та Виленьского и бурмистровъ и радець: ижъ бы они не хотели ему справедливости учинити зъ мещаниномъ Виленскимъ Васькомъ Минцаревичомъ, што его зранилъ и рѣку смѣ втялъ.

А воить и бурмистры и радцы повели: ижъ тотъ мещанинъ колькось-кротъ становилъся въ праве передъ нами на ратѡшы, а онъ самъ передъ правомъ (л. 337) не былъ, и потомъ ѡѣхалъ до Риги.

Его милость господарѣ положилъ томѣ праву рокъ, вступившы въ постъ Велики, въ ты'день: маѣтъ тотъ мещанинъ ¹ на тотъ рокъ передъ его милостью въ праве стати, и въ томъ ему права достати; если жъ пакъ тотъ мещанинъ Васько на тотъ рокъ не станеть, тогда его милость маѣтъ тому Красовьскому то, чога на немъ ищеть, всказати.—Богушь.

447².—(безъ даты). Справа пани Истебьско' съ паномъ Мордасомъ Мишковичомъ ѡ 30 копъ гроше'.

Жаловала господарѣ его милости пани Истебьскага на наместника Марковьского, пана Мордаса Мишквича ѡ томъ: што перво сего господарѣ его милость присѣдилъ е' на немъ тридцать копъ гроше', которыи жъ

она платила за люди богаринѣ Бертошѣ Козицы, и роки то' заплате были положоны; которыи жъ вжо роки давно минѣли, а онъ мне тыхъ пѣзе' не платилъ ажъ до сихъ часовъ.

Какъ же и листъ вызнаны' Козичинъ на то передъ его милостью поклала.

И панъ Мордасъ мовилъ: ижъ онъ ешчо маѣтъ въ томъ дело до того Козици и до иньшоѣ его братьи, богаръ Кгедроитскихъ.

Ино господарѣ его милость казалъ панѣ Мордасѣ того Козицѣ и иншую братью его передъ господаремъ поставити—ѡ сего дня, еевраля двадцатого, ѣ двѣ неделяхъ, и ѡ томъ маѣтъ съ ними мовити; если жъ бы онъ на тотъ рокъ тыхъ богаръ (об. л. 337) передъ господаремъ его милостью не поставилъ, тогда онъ маѣтъ тую тридцать копъ гроше' Истебьско' заплатити.

448³.—(безъ даты). Пильность на рокѣ позваного Мышки Холневского въ справе зъ Миха'ломъ Оедьковичомъ ѡ именья въ Полоцкомъ повете, ѡ Усаю а ѡ Шполѣ.

Господарѣ король его милость казалъ про память записати.

Жаловалъ господарѣ его милости дворянинъ его милости Миха'ло Оедьковичъ на земенина Волынского, на Мышку Холневского: ижъ онъ зазвалъ его позвомъ его милости на рокъ, вступившы въ постъ Велики, въ ты'день, ѡ именье, близкость ⁴ жоны своѣѣ, ѡ Усаю а ѡ Шполу, въ повете Полоцкомъ. Ино Миха'ло на тотъ рокъ, на которы' онъ его зазвалъ, вступившы въ постъ Велики, въ ты'день, передъ

¹ Это слово вписано надъ строкою. ² Срвн. выше, документы №№ 234 и 252. ³ Въ «Ресстрѣ» новая (см. выше №№ 228 и 249) ошибка въ нумераціи: какъ этотъ, такъ и предыдущій документы имѣють одинъ №—446. ⁴ Здѣсь ѣ переправлено изъ ѣ.

ѣго милостью ся становиль, а Мышка, ѣго зазавшы, самъ на тотъ рокъ не сталъ. И звышь того року две недели лежалъ, а Мышка не сталъ.

449¹.—(безъ даты). Пильность Миколая Бутковича, ботарина Упитского, въ справе зъ шуриномъ ѣго, Станиславомъ Гормановичомъ.

Господаръ король ѣго милость казалъ про память записати.

Жаловаль ѣго милости ботаринъ Упитски' Микола' Бутковичъ ш томъ: штожь ботаринъ Судеревски', шуринъ ѣго, Станиславъ Гормановичъ позываль ѣго передъ господаря ѣго милость на рокъ; и тотъ Микола' сталъ, а тотъ Станиславъ самъ же не сталъ.

Господаръ ѣго милость ||(л. 338) рокъ имъ положиль передъ собою стати, по Середопостно' недели, во второкъ, подъ страченъемъ права.

450².—(безъ даты). Ёложеное справы межи тыми жъ, Станиславомъ Гармановичомъ а Миколаемъ Бутковичомъ, ш именъе Ельное, по зъверненъюсе зъ службы земское.

Господаръ король ѣго милость казалъ про память записати.

Жаловаль ѣго милости ботаринъ Судеревски' Станиславъ Гармановичъ на зятя своего, Миколаа Бутковича ш именъе Ельное, которому жъ праву господаръ ѣго милость рокъ межи ними положиль передъ собою стати по Середопостно' недели, во второкъ, подъ страченъемъ права. И потомъ шни, вжо

маа 16 день, передъ ѣго милостью мовили шчевисто ш тое жъ именъе Ельное.

И ѣго милость господаръ Ёложиль имъ то, поки служба ѣго милости и земьскаа шминеть: маеть имъ ѣго милость рокъ положити и справедливость тому вчинити.

451³.—(безъ даты). Справа Мартинъ Вековичъ и теши ѣго зъ шларистою ихъ, княземъ Павломъ, менечи, ижъ шнъ взялъ, по смерти цтя ѣго, дворъ зъ 12 члвки и съ паробъки.

Господаръ король ѣго милость казалъ про память записати.

Жаловаль ѣго милости дворянинъ ѣго милости Мартинъ Вековичъ и съ тешчою своею, зъ Инъковою Мартиновича, на шларисту своего, князя Павла, ш томъ: ижъ шнъ взялъ, по смерти цтя ѣго, дворъ зъ дванадцатьми члвки и съ паробки и со всемъ статьякомъ домовымъ. И шни ѣго двема позы господарскими передъ ѣго милость ||(об. л. 338) позывали къ праву: и шнъ на тыи позы передъ господаремъ ѣго милостью зъ ними стать не хотелъ.

452⁴.—(безъ даты). Пильность на рокъ золотарки Виленское Юрьсвое въ справе зъ братомъ ее ш 50 копъ гроше'.

Господаръ король ѣго милость казалъ про память записати.

Жаловала ѣго милости золотарька зъ места Виленского Юрьсвата Ганъна на брата своего, мешчанина Волковы'ского, Лукаша: штожь де' присужено е' на немъ за штукъ воску пятьдесятъ копъ гроше', и роки де' то' заплате были

¹ См. ниже, документъ № 450. ² См. выше, документъ № 449. ³ См. ниже, документъ № 464. ⁴ См. выше, документъ № 420.

положоны; тыи роки давно минули, а шнѣ того ѣ не заплатилъ.

Его милость господарь положилъ ему рокъ передъ собою стати и въ томъ ся съ нею расправити по Божьему Нароженъи, въ чотырохъ неделяхъ. И шна на тотъ рокъ передъ его милостью ся ставила, а тотъ братъ еѣ Лукашъ не сталъ.

453.—(безъ даты). Пильность боарина Жомо'тского Станислава Билевича въ справе зъ боариномъ Вилькомирскимъ Якубомъ Мицковичомъ.

Господарь король его милость казалъ про память записати.

Жаловалъ его милости боаринъ Жомоитъски' Станиславъ Билевичъ: ижъ боаринъ Вилькомирски' Якубъ Мицковичъ позовалъ его передъ господаря его милость позовомъ его милости, и шнѣ передъ его милостью на тотъ рокъ, на которы' шнѣ его позовалъ, ставился, а тотъ самъ же Якубъ не сталъ.

И господарь король его милость (л. 339) зася того Станислава ѿпустилъ до его домѣ, для службы его милости и земьскоѣ, бо вжо всимъ подьданымъ своимъ его милость розказалъ на тѣю службу его милости и земьскую ѣхати; а какъ, дастъ Богъ, таа служба шминеть, и шни мають тогда въ томъ передъ его милостью ся расправити.

454.—1516, 2 февраля. Пильность мещанина Лосицкого Станислава Лобе'ка въ справе съ паномъ Богѣшомъ Боговитиновичомъ ш розбо', которы' се сталъ емѣ зъ его имениа Козирадъ.

Въ Ринкахъ, мѣа ѡев[раль] 2 день, индикта 4, едѣчи зъ со'мѣ Бересте'ского.

Господарь король его милость казалъ про память записати.

Жаловалъ его милости мещанинъ Лосицки' Станиславъ Лобе'ко на маршалъка и писара господарьского, пана Богуша Боговитиновича: ижъ бы зъ его имениа съ Козерадъ его розбито, и въ томъ ему шкоды стало на петъ-десять копъ гроше'; и панъ де' Богушъ мель тыхъ госте', которыи въ него на тотъ часъ въ томъ имении были, коли ся мне таа шкода стала, поставити передъ господаремъ его милостью на рокъ, на Громницы, котороѣ свято было, индикта сего четвертого. Ино тотъ рокъ пришло: тотъ мещанинъ передъ его милостью сталъ, а панъ Богушъ не сталъ, ани тыхъ госте' своихъ поставилъ. Господарь его милость съ паны радами маѣтъ то розознати, на комъ таа шкода (об. л. 339) тому мещанину маѣтъ быти.

Пр[и] т[омъ] б[ы]ли: м[а]р[шалокъ] зем[ски'], дер[жавца] Сл[о]н[имски'], п[а]н[ъ] И[анъ] М[ик]к[олаевичъ] Радивил[овича]; подч[аш[и]], ст[а]р[оста] Гор[оденски'], п[а]н[ъ] Юр[ъи] Мик[олаевичъ] Радивил[овича]; мар[шалокъ] и сек[ретарь], дер[жавца] Шов[ленски'], панъ Мик[ола'] Мих[новичъ] Рачкови[ча].

455.—(безъ даты). Приповеданъ пана Андрея Дово'новича до имениа пана Литаворовыхъ, менечи по жоне его венчално', которая за паномъ Юрьемъ Шстикомъ.

Господарь король его милость казалъ про память записати.

Коли его милость господарь раздавалъ имениа маршалъка его милости, небожь-чика пана Литаваровы Хребътовича, тогда жъ вспоминалъя подкомори' его

милости, державца Ёшишъски' панъ Анъдре' Дово'новичъ: ижъ таа дочка пана Литаваровата, котората за паномъ Юрьемъ, воѣводичомъ Троцкимъ, ему естъ жона венчалънаа, и къ тымъ тежъ именъамъ приповедался.

Ино господаръ его милость росказалъ: хто зышчетъ тую девку, томъ и тыи именъа мають быти.

456.—1515, 31 декабря. Шповеданъе пана Миколая Михновича Рачковича ш зъгиненъе печати.

Господаръ король его милость казалъ про память записати.

Ижъ маршалокъ и секретаръ его милости Латински', державца Шовленъски', панъ Микола' Михновичъ Рачковича передъ его милостью шбъавилъ: штожъ въ него згинълъ сы[к]гнетъ и печать съ калитъкою ъ вилию Божъего Шбрезанъа, въ тотъ часъ, коли сѣдили пана Юрья Ильинича зъ Ленъско-
 (л. 340)рѣнскимъ, ш со'ме Бересте'скомъ, декабря 31 день, индик[т]ъ 4.

457.— (безъ даты). На память вписано арматъ альбо стрельбъ на замкѣ Кричевскомъ, которая подана зъ замкомъ князю Василью Жилинскомъ.

Князю Василью Семеновичу Жилинскому какъ данъ замокъ Кричовъ, ъвязывалъ его дворанинъ господарски' Шчастны' Дорогичанинъ, подалъ ему, што на замъку, дель большыхъ: пушокъ железныхъ чотыри, а семъ пушокъ Московскихъ; полутарасницъ гъроковницъ тридцать и три; рѣчницъ дванадцать, ѳглириковъ три; порохъ Московского семъ бочокъ; старого порохъ две бочки полныхъ, а две бочки по половине; а гроковница съ ключемъ; куша а три гевари.

458.— (безъ даты). Ёложеное справы Васкѣ Быховцѣ съ паномъ Иваномъ Юрловомъ шпрошенъе подъ нимъ трехъ земль.

Господаръ король его милость казалъ про память записати.

Жаловалъ его милости служебникъ пана воѣводы его милости Виленского Васкѣ Быховецъ на пана Ивана Юрлова: ижъ бы шнъ впросилъ подъ нимъ три земли пѣстыхъ.

И панъ Иванъ мовилъ: ижъ маеть въ себе на то привиле' господаря его милости, нижли его на тотъ часъ при собе не маеть, але въ Жомо'ти.

И господаръ его милость положылъ рокъ панѣ Ивану передъ собою стати и привиле' положити — ѿ сего дня декабря тридцатого, въ трехъ неделяхъ, подъ страченъемъ права.

459.— (безъ даты). (об. л. 340) Приповеданъе пана Миколая Кианского до маетности братанича его забитого, ъ повете Бересте'скомъ, котори' былъ въ Шрде.

Господаръ король его милость казалъ про память записати.

Жаловалъ передъ его милостью панъ Микола' Киански': ижъ братаничъ его, Петровъ сынъ, Киански', которы' былъ ъ-въ Шрде забить, ъ повете Бересте'скомъ и многии ся статки его шстали; шнъ ся къ тымъ статкомъ приповедалъ, ижъ къ тымъ его статкомъ ни кого нетъ такъ близкого, какъ га. И жедалъ насъ, абыхмо ш томъ шпытали пана Ицка Ратомьского, а тольмача нашего Легуша, а мешчанина Бересте'ского Шамбульта.

Какъ жо и панъ Ицко Ратомьски' намъ ш томъ поведилъ: ижъ де' по-

сполъ¹ со мною тотъ Ѹбиты' з-ынъшими купъцы съ Урды шолъ, а поведилься, ижъ родомъ зъ места Люблинъского, а єсть кровны' паномъ Киянъскимъ.

А толмачъ нашъ Легушъ поведиль ижъ какъ шолъ съ ними съ Урды, шнъ поведилься родомъ съ Туробина. «а вчилъся де' єсми въ месте Люблинъскомъ шветъству, тамъ же де' мя взято малого, а зна-мъ де' пановъ Киянъскихъ».

А мешчанинъ Бересте'ски' Шамбултъ поведиль: єхаль де' єсми до Пинъска, и поткаль єсми єго, шнъ мя спыталъ: «далеко ль де' єще до Берестѣя?» А ѿ Пинъска недалеко ѿєхаль. И та де' єму мовлю: «лихо єздишъ, втратишъ себе». И шнъ де' ми мовить: «маю съ собою проводника». А поведиль ми ся: «поймано де' мя малого въ Люблине, и былъ де' (л. 341) єсми въ Турцехъ колько летъ, и ѿтуль єсми выробившыся вышолъ». А потомъ де' мя спыталъ: «знаєшь ли Киянъскихъ?» И та мовлю: «знаю». «А живи ль єще». И єму мовлю: «шдинъ вмеръ». Шнъ мя спыталъ: «а которы' жо вмеръ?» И єму поведиль: «Петръ вмеръ, а Микола' живъ». И потомъ єсмо розъєхалися.

И Киянъски' передъ єго милостью поведиль: ижъ тежъ полоняникъ, которы' съ нимъ посполъ съ Турокъ шолъ, тыми разы домъ себе въ Луцкѣ кѸпилъ, на имя Веселовъски', тому добре сведомъ, ижъ шнъ мне єсть братаничъ рожоны'.

Єго милость послалъ тамъ, и казалъ того шпытати, а то ѿложилъ на ины' часъ: хочеть єго милость єму въ томъ справедливость вчинити.

460.—(безъ даты). Справа князя Семена Чорториского и сестри єго кѸгни Анъдреєвоє а Петра

Миколаєвича съ пани Литаворовою ш имени² и ш иншиє речи.

Жаловали господарѸ королю єго милости князь Семенъ Александровичъ Чорторы'ски', съ сестрою своєю кнегиною Анъдреєвою, а дворанинъ єго милости Петръ Миколаєвичъ на маршалъковую, панюю³ ЛитаваровѸ Хребътовича ш имениє и инши речи, и поведили передъ єго милостью, ижъ шни позывали єє двема листы позовными господаръскими передъ єго милостью къ правѸ, а съ третимъ позовомъ децки' господаръски' єздиль; шна на вси тыи листы, розказанъя єго милости, не дѣбала, и передъ єго милостью къ правѸ съ ними (об. л. 341) не стала.

Єго милость господаръ єшчо є' рокъ положиль передъ єго милостью съ ними шчевисто къ праву стати—по светомъ Юрѣи, въ трехъ неделяхъ: єсли жъ бы шна и на тотъ рокъ передъ єго милостью съ ними къ правѸ не стала, єго милость господаръ, для такового єє непослушенства, мель имъ то въ держанъє дати, ш што ся правують, а шна вже мела того на нихъ правомъ доходити.

461.—1516, 3 мая. Справа ГоряинѸ ГригорьєвичѸ зъ воєводою Подляскимъ паномъ Иваномъ Сопегою ш невыданъє люде' єго ѿчизныхъ.

Ѹ Вильни, мата 3, инъдик[т]ь 4.

Жаловалъ господарѸ єго милости дворанинъ єго милости Горяинъ Григорьєвичъ на воєводѸ Подляшъского, секретара єго милости, державцѸ Браславъского, пана Ивана Семеновича Сопегу: ижъ люди єго не похожи ѿ

¹ Здѣсь з переправлено изъ ѵ. ² Въ «Реестрѣ»: «именъя». ³ Въ подл.: «панюю».

него повтекали до имениа пана Иванова, и панъ Иванъ тыхъ люде' его ему не кажетъ выдавати.

И шчевисто ш томъ передъ господаремъ его милостью мовили.

Его милость господаръ панъ Иванъ рокъ положилъ—тыхъ люде' его передъ собою поставити—по Божьему Устапеню, въ чотырохъ неделяхъ.

Приказ[ъ] м[а]р[шалка] и пис[аря], дер[жавцы] Дов[кговского], п[а]н[а] Б[о]г[у]ш[а] Боговитиновича ¹.

462.—1514, 3 февраля. ||(л. 342) Справоборомъ Керновскимъ Миколаю а Иаъ съ паномъ Сологубовичомъ ш неданье имъ делъ въ дядьковщине ихъ на Ивеньцы и в-ыншихъ именияхъ.

Жаловали господаръ королю его милости, ш Вильни на со'ме великомъ, мѣа еевраля третего, индикта второго, богаре Керновского повета Микола' а Иаъ на пана Сологубовича: штожъ делъ ровного ш дядьковщине ихъ на Ивеньцы и в-ыншихъ именияхъ не хочеть имъ дати, а въ материзне кривды и квалты имъ делаеть; ш которю жъ де' дядьковщину свою и ш кривды его милости господаръ жаловали ш Меньску, какъ ехаль до Смоленска. И его милость господаръ казалъ то про память записати: какъ панъ Сологубовичъ съ Смоленска зъездитъ, и его милость хочеть того межи ними досмотрети.

463.—(безъ даты). Устава военная кшпованья живности.

Нинешняа военная Устава съ стравныхъ рече':

Воль 40 гроше'.

Иловица 18 гроше'.

Баранъ 4 грошы.

Вепръ 8 гроше'.

Гусе' 2—грошъ.

Куровъ 3—грошъ.

Копа жита старого 6 гроше', а нового 4 грошы.

Пшеницы копа 8 гроше'.

Ичьменю копа 4 грошы.

464².—(безъ даты). ||(об. л. 342) Шложенъе справы Мартину Вековичу и теци его Иаъково' и жоне его Людмиле съ плебаномъ Пошильскимъ, княземъ Павломъ, менечи ш Шнятье двора ихъ Пошильского зъ 12 члѣвки безправне.

Господаръ король его милость казалъ про память записати.

Жаловалъ его милости Мартинъ Миколаевичъ Вековича и съ тещою своєю Иаъковою и зъ жоною своєю Людмилою на плебана Пошильского, князя Павла: штожъ де' тотъ плебанъ, по животе цтя его, Иаъка Мартиновича, Шнялъ дворъ ихъ Пошильски', безъ кожного права, и зъ людми того двора дванадцатьма члѣвки, и съ челядью невольною и з-ынъшими речъми; а того де' двора тотъ тестъ его небожчыкъ по свое' души не записалъ.

Его милость господаръ то Шложилъ до тыхъ часовъ, поки служба шминеть, въ томъ справедливость шчинить.

465.—(безъ даты). Справа поданымъ волости Бобр'ское ш некоториѣ кривды ш слуги намест-

¹ Кустодин нѣтъ. ² См. выше, документъ № 451.

ника пана воєводы Виленского—Селицкого.

Господарь король казалъ про память записати.

Жаловали передъ паномъ воєводою Виленскимъ єго милости вся волость Бобрѹскаѧ, Троцкоѧ половины, на подьскарбего воєводы Виленского, каньцлера єго милости пана Миколаєва Миколаєвича—на Ивахна ѡ томъ: штожь ѡнъ взялъ на нихъ безвиньно петъдесять рѹблевъ и сорокъ копъ гроше', ||(л. 343) а ктому иньи многии пѣзи.

И Ивахно къ тому ся не зналъ, и слался ѡ томъ на ихъ же светки.

А потомъ ѡни и сами то знали, ижь не Ивахно тыи пѣзи на нихъ бралъ, нижли взялъ тыи пѣзи на нихъ слуга маршалка пана воєводы єго милости Селицкого—Романъ, въ тотъ часъ, какъ Селицки' ѡ пана своєго Бобрѹсскъ (sic) держалъ.

И Селицки' мовилъ: штожь єго ѡ томъ съ ними сѹдили подьскарьби' земьски' панъ Аврамъ Єзоовичъ и з-ынъшыми некоторыми врьдники и двораны господарьскими, и въ томъ во всемъ єго правого знашли.

И ѡ томъ на тыхъ сѹде' слался. И Бобрѹгане не послалися. А ѡднакожь панъ воєвода єго милость Виленски' казалъ Селицкому того слугѹ єго Романа имъ ѹ праве поставити, какъ служба господарьскаѧ ѡминеть.

466.—(безъ даты). Справа боарини Богданово' Лозовицко' съ паномъ Юрьємъ Ильиничомъ ѡ именъє, ѡ мужа єє, безъ воли єє, ємѹ проданоє.

Господарь король єго милость казалъ про память записати.

Жаловала єго милости боарини Богдановаѧ Лозовицкого на маршалка єго милости, старостѹ Бересте'ского, пана Юрья Ильинича: ижь мужъ єє Богданъ, безъ воли єє и дете' своихъ, продалъ именъє панѹ Юрью; и панъ Юрьи єє съ того всего именъѧ выгналъ, а ѡна маєть на томъ именъѧ вена сто копъ гроше'.

И панъ Юрьи поведилъ, ижь ѡнъ тоє именъє ||(об. л. 343) въ мужа єє кѹпилъ на вечность.

Єго милость господарь панѹ Юрью рокъ положилъ, вступившы въ постъ светого Петра, на трете' недели: маєть панъ Юрьи того истца, мужа єє Богдана, на тотъ рокъ передъ єго милостью поставити: єго милость господарь маєть є' въ томъ съ нимъ справедливость вчинити.

467.—1516, 9 марта. Приповеданъєсе боарина Троцкого Иѧ Станькевича до именъѧ сестри єго Зооеи Икгинтовны, которая пошла за границѹ, въ землю Иѡлянтскую.

У Вильни, мар[тъ] 9, инъдик[т]ъ 4. Господарь король єго милость казалъ про память записати.

Поведилъ передъ єго милостью боаринь Троцкого повета Иѧнь Станькевичъ: ижь сестра єго, котораѧ съ нимъ зъ двѹрожныхъ, на'мя Зооеѧ Икгинътовна, ѡставившы именъє свое, пошла за границѹ, въ землю Лиѡлянтскую; а къ тому именью єє ѡнъ приповедался, поведаючи, ижь ни кого иного близшого къ тому именью нетъ, только ѡнъ ѡдинъ.

468.—1516, 9 марта. Справа каноникомъ и все' капитѹле Виленско' зъ ѡцомъ митрополитомъ

Ишснѡмъ ѡ побитьѣ черезъ двухъ слугъ ѣго подданныхъ костельныхъ.

У Вильни, тогда жъ.

Господаръ король ѣго милость казалъ про память записати.

Жаловали ||(л. 344) ѣго милости каноники и вся капитула костела светого Станислава У Вильни на архиепископа Ишснѡа, митрополита Киѣвскаго и всеа Русси: ижъ бы два слуги ѣго, наѣхавшы квалтомъ на именъѣ ихъ церковноѣ, люде' ихъ до смерти побили, а иныхъ поранили.

И мы были перво сего казали митрополиту тыхъ слугъ своихъ передъ нами поставити по Велицедни, У двѣ неделяхъ; и ѣго милость на тотъ рокъ тыхъ слугъ передъ нами не поставилъ. Ино мы дрѣги' рокъ митрополиту положили, подъ страченъѣмъ права, по светомъ Юрьи, въ шести неделяхъ: маѣтъ ѣго милость тыхъ слугъ своихъ передъ нами на тотъ рокъ поставити; а ѣсли бы ѣго милость на тотъ рокъ выше' менены' тыхъ слугъ своихъ передъ нами не поставилъ, тогда митрополитъ, безъ всякаго права, маѣтъ тыи шкоды и головъшчыны людемъ каноницкимъ платити, што ся имъ тогда ѿ ѣго слугъ стало.

469¹.—1512, 4 декабря. Назначенъ ѣ рокъ завитого въ справе Жида Троцкого Мошея и мещанина Варшавскаго зъ старостою Городенскимъ, паномъ Станиславомъ Петровичомъ, ѡ полтора ста копъ гроше'.

Въ Петрикове, мѣа дек[абря] 4 день, инъдик[т]ъ 1.

Господаръ король ѣго милость казалъ про память записати.

Штожъ жаловаль ѡчивисто Жидъ Троцки', найма Моше', зъ мещаниномъ Варшавскимъ ², зъ Миколаѣмъ Баричкомъ, на старосту Городенскаго, пана Станислава Петровича ѡ полтора ста ||(об. л. 344) копъ гроше', штожъ тестъ ѣго панъ Петръ Ивановичъ виненъ тестю ѣго Жидѣ Садку; и шнъ не хотель платити.

Господаръ ѣго милость ѿложилъ то до своѣго приѣханья къ великому князству Литовскому, и рокъ ѣго милость положилъ передъ собою стати, пану старосте ѡчевисто приказаль и Миколаю Барычце и тому Жидѣ — две недели, какъ приѣдетъ до Литвы: где коли ѣго милость приѣдетъ, ѣсли жъ панъ староста въ тыи две недели не станетъ передъ господаремъ, тогда дело своѣ тратитъ.

Приказ[ъ] пана Ивана Сопежинъ, воѣводы Витебскаго.

470.—(безъ даты). ѿложеноѣ справы панѣ Иванѣ Миколаѣвичѣ Радивиловича съ паномъ Петромъ Станиславовичомъ ѡ именья материзныѣ и ѡ вѣно жоны ѣго.

Господаръ король ѣго милость казалъ про память записати.

Жаловаль ѣго милости, маршалокъ и секретаръ ѣго милости, державца Шовленски', панъ Микола' Миколаѣвичъ Рачковича, ѿ маршалка земскаго, державцы Слонимскаго, пана Ина Миколаѣвича Радивиловича, на ³ пана Петра Станиславовича, старостича Городенскаго, ѡ именья материзныи и

¹ См. выше, документы №№ 112 и 232. ² Въ подл.: «Варшовскимъ». ³ Этотъ предлогъ вписанъ надъ строкою.

ш вено панеѣ єго, сестры пана Петро-
воѣ.

И пань Петръ передь єго милостью
мовиль: ижъ вси именья ѿчизныи и
материзныи матка ихъ дѣржитъ, а не
єсть въ єго моцы.

Ино господарь король єго милость
пань Петръ рокъ ||(л. 345) положиль—
по девятомъ четверзе, въ чотырохъ
неделяхъ: маѣть пань Петръ на тотъ
рокъ передь господаремъ єго милостью
матку свою поставити, и тастаментъ,
которы' штець ихъ на смертно' постели
лежачы, писалъ, передъ єго милостью
положити: єго милость господарь маѣть
въ томъ справедливость межи ними ¹
вчинити.

471.—1509, 7 іюля. Справа на-
местникъ Дорогицкомъ, пань Инъ
Литаворъ, зъ судьєю Дорогицкимъ,
Миколаємъ Водынскимъ, ш чи-
ненъє се'му черезъ него въ Доро-
гичине, и за тымъ ш кривды и
кгвалты мешчаномъ.

Бѣдѣчы въ Кракове, мѣа іюля 7 день,
иньдик[т]ь 12.

Господарь король єго милость казалъ
про паметь записати.

Ижъ маршалокъ, наместникъ Доро-
гицки', пань Инъ Литаваръ мовиль:
ижъ судья Дорогицки' Микола' Водын-
ски' сѣмъ делалъ въ Дорогичине, и
тамъ месту єго милости Дорогицкомъ
кгвалтъ, розькрывавенъє сталося черезъ
того судью и єго помочники вделанъ.

Судья Дорогицки' на то мовиль: ижъ
шнъ того со'му не справялъ, нишли
роки были, подлѣгъ звычаа земьского,
а земляне Дорогицкии вси на роки
зѣхалися и къ листу господарьскому;
а вамъ въ томъ не виненъ, и готов-емъ
ся того, дали-Богъ, справити.

И пань Литаваръ мовиль: а въ
Соколове, на Божьѣ Тело, сѣмъ
єсте мели сѣ чиѣю волею ²?

И которымъ тежъ позвомъ господарь
король єго милость передь себе позвалъ,
бачачи єго милость господарь, ижъ шни
шба суть ||(об. л. 345) зъ великого
князства, єго милость господарь король
то ѿложилъ до своєго, ажъ, дастъ Богъ,
щастного приѣханья къ великому княз-
ству Литовьскому; и какъ єго милость
господарь тамъ бѣдетъ, маѣть єго
милость господарь сѣ паны радами
єго милости тому на конецъ спра-
ведливость вчинити.

А до тыхъ часовъ господарь король
єго милость приказалъ маршалку єго
милости, пану Литаваръ и сѣдѣи
Дорогицкому Миколаю и земляномъ, абы
шни во всемъ промежи себе во впокои
были, и шдинъ бы на дрѣгого не сегаль
ни словомъ, ани рѣкою, а хто бы сѣ
нихъ сѣ того росказанья єго милости
выступиль, єго милость имъ казалъ
шповедити маршалку панъ Литаваръ,
подъ честью и подъ именья, а судьи и
земляномъ Дорогицкимъ подъ шитами и
подъ именья.

472.—(безъ даты). Зарѣка воз-
номъ Дорогицкомъ городскомъ
Бартошъ зъ во'томъ Дорогиц-
кимъ.

Тежъ жаловалъ передь єго милостью
возны' Дорогицки' городски' Бартошъ
на во'та Дорогицкого на Аньд्रेа:
штожъ де' шнъ шповедалъ єму на
горло.

Господарь єго милость заложиль ме-
жи ними зарѣки пять сотъ копъ гро-
ше', ижъ бы межи собою были во
впокои, ани шдинъ на шдного ни
рѣкою, ани словомъ не сегаль.

¹ Эти два слова вписаны на полѣ. ² Послѣ сего въ подл. оставлено пустое мѣсто.

473.— 1512, июнь. Вызволеньє съ парѹки ѿ пана Ивана Сопеги, воєводы Витебьского, Шлешу Животова Москвитина ¹.

«(л. 346) Мѣца июня 31 (sic) день, индѣк[т]ъ 15.

Господарь король єго милость казалъ про память записати.

Ижъ єго милость Шлешу Животова, Москвитина, съ порѹки ѿ пана Ивана Семеновича Сопежича, воєводы Витебьского, маршалка и секретара, єго милость господарь вызволилъ и казалъ пану Ивану жъ єго ² къ присяже привести, на томъ, ижъ шнѣ маєть служити въ панѣстве єго милости, въ Лясахъ або ѹ великомъ князстве Литовьскомъ, княземъ и паномъ, подьданымъ єго милости, а зъ земли не маєть нигде єхати; а єс[т]ли бы хотель где зъ земли єхати, маєть перве^с ѡбеститися господарѹ єго милости, чоломъ вдарити, зъ єго милостью волею гавно маєть зъ єго милости панѣства єхати; а безъ єго милости воли, не маєть зъ земли єхати.

Приказ[алъ] п[а]н[ъ] Вил[енски], гет[манъ], ст[а]р[оста] Луп[ки], м[а]р[шалокъ] Волин[скоє] зем[ли], кн[язь] Кост[е]н[тинъ] Иван[овичъ] Штроски^с.

474.—(безъ даты). Справа пану Литаворѹ зъ во'томъ и мещаны Дорогицкими ѡ таєньє черезъ нихъ винъ єго милости.

Жаловаль єго милости маршалокъ, наместникъ Дорогицки^с, панъ Инъ Литаваръ на во'та Дорогицкого и на мешчанъ: штожъ шни промежку себе вины єго милости ѿ него тагать.

И господарь король єго милость

имъ приказалъ: ажъ бы завжды служебникъ пана Литаваровъ при сѹдехъ въ нихъ былъ; а тотъ служебникъ «(об. л. 346) не маєть не ѡдно сѹдити, але жадного слова въ судѹ мовити: шни ся мають сѹдити и рядити, водле ихъ права; а єго служебникъ ѡдно винъ єго маєть смотрети: грошь во'ту, а на замокъ єго милости два гроша; и которого часѹ вина всказана будетъ, ѿ того часѹ ѹ двѹхъ неделяхъ маєть заплачено быти на замокъ; а єсли бы не была заплачена, маєть правено быти децкимъ местьскимъ, а не городскимъ.

475.—(безъ даты). Справа томѹ жъ панѹ Литаварѹ зъ земяны Дорогицкими ѡ несправованьєсе, водлугъ права ихъ писаного.

Тежъ жаловаль панъ Литаваръ на земянъ: штожъ шни справуются и рядять не подлѹгъ ихъ права писаного.

И господарь король єго милость имъ приказалъ: ажъ бы ся справовали и рядили, подлѹгъ ихъ права, которое жъ право ѡтець єго милости Казимиръ король имъ далъ, и братъ єго милости Александръ король, и єго милость господарь нашъ имъ подтвердили привильи своими. А то єго милость имъ приказалъ, подѹ єго милости господарьскимъ великимъ караньємъ.

476.—1512, 28 августа. Припоминаньє пана Виленского, князя Костентина Штросского, зъ близкостью до имене^с пани воєводиноє Виленьскоє, пани Миколаєвоє, пани Зоєи.

Господарь король и велики^с князь єго милость Жикгимонтъ казалъ про

¹ Кустодіи нѣтъ. ² Это слово вписано послѣ, на полѣ.

память записати, будѹчи єго милости в Кракове, мѣа * август[та] 28 день, инѣдик[т]ь 15.

Писалъ и присылалъ до єго милости панъ Виленски', гетманъ, староста Луцки', Браславски' * и Веницки', ||(л. 347) маршалокъ Волыньскоѣ земли, князь Костентинъ Ивановичъ Штроски', припоминаючи в имена ѿчизныи воєводиноѣ Виленскоѣ, канѣцлеровоѣ, пани Николаєвоѣ, пани Зоѣи, в близкость свою.

И господаръ єго милость то ѿложилъ до шчас[т]ного приѣханья єго милости къ великому князству Литовскому.

477.—1510, августъ. ѿложеноѣ справы князю Семенѹ Имонтовичѹ съ княземъ Васильємъ Багриновскимъ в приганеньє чти єго—названьє зрадцю.

Господаръ король єго милость казалъ про память записати, будѹчи єго милости въ Кракове, мѣа августа ¹..., инѣдик[т]ь 13.

Ижъ жаловалъ єго милости князь Семень Имонтовичъ на князя Василья Багриновского: ижъ ѿнѣ єму на честь приганилъ, назвалъ єго зрадцю.

И господаръ єго милость самъ того межн ними смотрель.

И князь Василе' передъ єго милостью мовиль: ижъ ѿнѣ перѣве' назвалъ єго зрадцю слуги своѣго; а га де', того не терпя, назвалъ єго єсми самого зрадцю.

И господаръ король єго милость то завесиль, ажъ, дастъ Богъ, до своѣго шчасного приѣханья къ ѿчизне єго милости, великому князству Литовскому:

масть єго милость съ паны радою єго милости тому межн ними конецъ вчинити. И приказалъ єго милость имъ дотуль, подъ виною єго милости, подъ сту рѹбли гроше', ажъ бы ѿдинъ дрѹгому на честь и рѹкою не сегалъ; а до розознанья права, ихъ чтямъ ничего не шкѣдитъ.

478.—1512, 1 сентября. ||(об. л. 347) Припоминаньєсе зъ близкостью кѣгни Семеновоѣ Слуцкоѣ до имене' воєводиноѣ Виленскоѣ, пани Николаєвоѣ.

Господаръ король и велики' князь єго милость Жикгимонтъ казалъ про память записати будѹчи єго милости въ Кракове, мѣа сен[тября] 1 день, инѣдик[т]ь 1.

Писала и присылала до єго милости кнегиня Семеноваа Миха'ловича Слуцкага, кнегиня Настасья, припоминаючи в имена ѿчизныи воєводиноѣ Виленскоѣ, канѣцлеровоѣ пани Николаєвоѣ, пани Зоѣи, в близкость свою.

И господаръ єго милость то ѿложилъ до шчасного приѣханья єго милости къ великому князству Литовскому.

479.—1512, 10 сентября. Припоминаньєсе зъ близкостью ѿ пана Венцлава Костевича и малжонки єго до именья тоѣ жъ пани воєводиноѣ Виленскоѣ, до Кобрыня.

Господаръ король и велики' князь єго милость Жикгимонтъ казалъ про память записати, будѹчи єго милости въ Кракове, мѣа сен[тября] 10 день, инѣдик[т]ь 1.

Припоминалъ єго милости панъ Венцлавъ Костевичъ и съ панею сво-

¹ Числа не проставлено. * Это слово вписано надъ строкою.

сю в близкостъ панесъ своѣ[ѣ], в именъѣ
ѿчизноѣ небожчыцы пани Миколаѣвоѣ
Радивиловича, пани Зооеи, в Кобринь.

И господарь его милость то втложыль
до приѣханья его милости къ великому
князствѣ Литовскому; и какъ его ми-
лость тамъ будетъ, его милость масть¹
ѣмъ справедливость въ томъ² вчинити³.

480⁴.—1512, 14 января. (л. 348)
Ѿложенъ рокъ въ справе писара
Павла Наръшевича а Юхна
Савычевича⁵ и зъ братьєю его,
съ княземъ Во'техомъ, бискупомъ
Виленскимъ, в именья, близкостъ
ихъ, в Види, а в Поршаю, а в
Болвановскоѣ, и в Волчовъскоѣ.

Генвара 14.

Жаловали господарь его милости
писарь его милости Павелъ Наръшевичъ
а ботаринъ его милости Юхно Савычо-
вичъ зъ братьєю своєю на князя Во'-
теха, бискупа Виленьского, в именья,
близкости свои, в дель, в чомъ жо и
перво сего жаловали, в Види а в
Поршаю, а в Болвановъскоѣ и в Вол-
човъскоѣ.

Господарь его милость рокъ имъ по-
ложилъ—въ середѣ Вступънью запъ-
стившы, масть князь бискупъ на тотъ
день передъ господаремъ его милостью
листы твердости положить и имъ въ
томъ ѿповедъ дати.

481⁶.—(безъ даты). Ѿложенъ ро-
къ въ справе ботарина Кгедро'т-
ского Адама Володькевича съ
княземъ Тимоѣемъ Крошинскимъ

в шкоды и квалты ѿ мещанъ и
люде' Ракишъскихъ.

Господарь король его милость казалъ
про память записати.

Жаловалъ ботаринъ Кгедроитски'
Адамъ Володьковичъ на князя Тимоѣета
Крешиньского: ижъ мещане и люди
Ракишскии, приходъшы на его домъ
квалтомъ, шкоды великии (об. л. 348)
ѣму починили; и шнъ съ ними справе-
дливости не чинитъ.

Господарь его милость рокъ поло-
жыль князю Тимоѣю тыхъ мещанъ и
люде' передъ его милостью поставити,
вступившы въ постъ, ты'день: масть
его милость тому справедливость вчи-
нити.

482.—(безъ даты). Вписанъѣ
сведецтва, ѿчиненого черезъ
Немиръ, въ справе СѸриново' зъ
Доротичомъ, коториѣ се на него
сослали в земъли, ѿ того СѸрина
подъ Доротичомъ Ѹпрошоныѣ.

Што Суринъ а Доротичъ сослалися
на мене, на Немиръ, а та тоѣ светъчу,
што запомню: Перъво, за князя Семена
Киѣвъского, дедъ и штець и дядьки
его седели на ѿчизне своѣ; и князь
Семень, на его деда Давыда и на его
батъка Павла и на дядьки его розъ-
гневався, и ѿнявъ въ нихъ дедизнъ и
ѿчизнъ ихъ, и ѿдалъ панъ Ѿедьку
Горловичъ; а ихъ самыхъ головами не
далъ; и шни пошли прочъ, къ Волянью,
зъ жонами и зъ детьми и со всеми
стат[к]и своими. И потомъ князь Семень
Киѣвски' Ѹмеръ; ино его дедъ Давыдъ

¹ Это слово вписано надъ строкою. ² Здѣсь *m* переправлено изъ *ч*. ³ Кустодити нѣтъ.

⁴ См. выше, документъ № 443, и ниже, документы №№ 490 и 491. ⁵ Въ «Реестрѣ»
описка: «Савыревича», а равно и въ подлинникѣ въ этомъ словѣ *ч* переправлено изъ *р*.

⁶ См. выше, въ Первой Книгѣ Судныхъ Дѣлъ, документъ № 255.

и штець єго Павель и вси дядьки єго били чоломъ господарѸ КазимерѸ королю, абы имъ даль, напротивъ тоѣ ихъ Ѡчизны, на чомъ седети ¹. И господарѸ король КазимирѸ далъ дедѸ и ѠцѸ и всимъ дядькомъ єго, напротивъ ихъ Ѡчизны, тыи земли, што теперъ СѸринѸ Ѹ господаря єго милости выпросилъ. Ино дедъ и штець и дядьки того Доротича съ тоѣ Ѡчизны ||(л. 349) своѣѣ, што въ нихъ князь Семень Ѡняль, служивали коньми а въ панцырахъ, посполу зъ богары ВрѸцкими; а съ коланъными людъми и съ слугами Шрдинъскими не слѸживали, и жадного потягу не тягѸли. А што имъ даль господарѸ КазимирѸ король, напротивъ ихъ Ѡчизны, земли, и шни съ тыхъ земль по тому жъ служили, какъ и съ первоѣ Ѡчизны своѣѣ, а коланѸ такежъ жадного не служивали. А после деда и Ѡца и дядьковъ єго, имъ, Доротичомъ, тыи земли шсталися, и шни съ тыхъ земль, дедизны и Ѡчизны своѣѣ, тепере по тому жъ конемъ слѸжать, а коланѸ жадного не слѸжать. А какъ та запомню, за своѣѣ памяти, штожъ то и зъ векѸ слывуть богаре Велавский. А для лепшого сведомъта, єшче старе' мене, во ВрѸчомъ панъ Мезъ а Костюшко Митьковичъ, и мещанъ много старыхъ: неха' господарѸ кажетъ надто шпытати ихъ, бо шни єшче больше' помнать. А дядькѸ того Доротича, Анъдрею ГлѸшку Велавъскому далъ господарѸ КазимирѸ король землю зъ братомъ єго Иковомъ Покалевъскимъ, а дрѸгому дядьку єго, Вольнянце, далъ господарѸ дрѸгую землю, а третемѸ дядьку єго, Бульгаку, далъ господарѸ ² третюю землю. А то господарѸ давалъ имъ,

напротивъ ихъ Ѡчизны, што въ нихъ князь Семень за гъневъ сво' Ѡняль. А тыи ||(об. л. 349) вси дядьки єго калану не служатъ, а ни кому єще господарѸ ихъ не роздавалъ.

483³.—1516, 10 мая. Назначеньє рокѸ, подъ страченьємъ, воєводино' Троцко', пани Петрово' Иновича, ш поставеньє слугъ въ жалобе Творияна Дремлика, ш забитьє Ѡца єго шбъвиненыхъ.

Ѹ Вильни, маѣ 10 день, инъдик[т]ъ 4. ГосподарѸ король єго милость казалъ про память записати.

Што перво сего жаловалъ єго милости дворанинѸ єго милости ТвориянѸ ДремликѸ на воєводинѸю ТроцкѸю, панюю Петровую Иновича, ижъ шна, наславшы слугъ своихъ на домъ, Ѡца єго казала до смерти забити,—и єго милость господарѸ пане' Петрово' рокѸ былъ положилъ само' стати, и тыхъ слугъ своихъ, которымъ ДремликѸ въ томъ винѸ далъ, передъ єго милостью поставити—по Велицедни, Ѹ двѸ неделяхъ.

Ино тотъ рокѸ минулъ, а шна передъ єго милостью не стала, и тыхъ слугъ своихъ не поставила.

И господарѸ король єго милость пане' Петрово' дрѸги' рокѸ положилъ, подъ страченьємъ, коли шна маєтъ передъ єго милостью къ праву стати, и тыхъ слугъ своихъ поставити—въ сєсь четвергъ, што при'детъ, маѣ 15 день ⁴.

484⁵.—(безъ даты). ||(л. 350) Положеньє рокѸ панѸ СтаниславѸ

¹ Здѣсь *т* переправлено изъ *л*. ² Это слово вписано надъ строкою. ³ См. выше, документъ № 207. ⁴ Кустодіи нѣтъ. ⁵ См. выше, въ Первой Книгѣ Судныхъ Дѣлъ, документы №№ 79 и 308.

Бартошевичъ на заплаченъе квалтъ, на немъ присужоного, плебанъ Солоцкомъ князю Юрью.

У Вильни жъ.

Господаръ король его милость казалъ про память записати.

Жаловалъ его милости плебанъ Солоцки' князь Юрьи ш томъ: ижъ конюши' дворны' и Троцки', панъ Якубъ Кънцевичъ присудилъ ему такъ два годы на маршалку, панъ Станиславу Бартошевичи квалтъ, какъ же и конюши' панъ Якубъ то передъ его милостью поведилъ, и панъ де' Станиславъ того ему не платитъ.

Ино его милость господаръ пану Станиславу положилъ рокъ, коли тотъ квалтъ масть ему заплатити, водле суда пана Якубова, ш Светого Духа, въ чотырехъ неделяхъ.

485¹.—(безъ даты). Назначенъе рокъ и суде' зъ великого князства Литовского ш поправенъе границъ и ш иные речи зъ землею Польскою и Мазовецкою.

Тыми разы, на со'ме великомъ Виленскомъ.

Господаръ король его милость наменовалъ судьи зъ великого князства Литовского ш поправеня границъ и ш инии речи и зъ землею Польскою и Мазовецкою, почонъ ш Тыкотина (об. л. 350) ажъ до Дорогичина, и до Мельника, и до Берестя, и до Ратна: пана Станислава, старосту Городенского, а пана маршалка, шхмистра, старостъ Бельского и Ковенского, а старосту Дорогицкого и Мельницкого, и суде' тыхъ поветовъ и подсудьковъ, и землянь,

добрыхъ люде', старыхъ, которые бы границы могли ведати; а сами комисари съ шбу сторонъ мають себе рокъ положить, для всякихъ пригодъ, ш светомъ Мартине дни.

А ш Ратна почонъ, по Волинско' земли и на Подолье до границы мають выехати судьи: князь Костентинъ Ивановичъ Штрозски', а маршалокъ, панъ Александро Ходкевичъ, а панъ Юрьи Николаевичъ Радивиловича, а староста Володимерски', князь Анъдре' Сонкгушкевичъ.

486.—(безъ даты). Пильность земенина Бересте'ского К[г]ромацкого въ справе съ княземъ Станиславомъ и зъ пшкаркомъ Бересте'скимъ, Маркомъ.

Господаръ король казалъ про память записати.

Штожъ князь Станиславъ зъ Мазовши, Корского братъ, а пшкаръ Бересте'ски' Марко зазвалися зъ К[г]ромацкимъ, земениномъ Бересте'скимъ ², и положили рокъ себе передъ нами стати ш середопостыи,—ино К[г]ромацки' передъ нами на тотъ (л. 351) рокъ положоны' ш середопостыи сталъ, и шказавшыся ³ поехалъ прочъ, а шни сами не стали.

487.—(безъ даты). Справа панъ Юрью Ильиничъ съ паномъ Юрьемъ Николаевичомъ Радивиломъ ш держанъе до именья его Къчкова шзера Лидского, названого Стеркова.

Господаръ король его милость казалъ про память записати.

Мовилъ передъ его милостью панъ

¹ См. выше, документы №№ 205, 327, 342. ² Послѣ сего излишне написано и зачеркнуто: «передъ». ³ Въ этомъ словѣ «ся» вписано надъ строкою.

Юрьи Ильиничъ, маршалокъ, староста Бересте'ски', ш томъ: ижъ панъ Юрьи Николаевичъ Радивиловича, подчашы' его милости, староста Городенски', дер- жить къ имению ¹ своему Кучукову шзеро Лидскоѣ, на'мя Стерьково.

И подчашы' панъ Юрьи передъ его милостью мовиль: ижъ то здавна шзеро того двора его милости Кучуковъского, а не Лидскоѣ.

И потомъ панъ староста Бересте'ски' мовиль: неха' де', пане подчашы', два ботарины твои, на'мя Богданъ Анъсѣ- тичъ а Шѣдко на томъ присягнуть, ижъ то * шзеро того двора твоего Кучуковъского, а не Лидскоѣ.

И панъ подчашы' къ тому зволилъ.

Его милость господарь пану подча- шому рокъ положилъ — тыхъ ботаръ передъ его милостью поставити—ѿ сегодня въ ты'день.

488. — 1516, 10 июня. Справа Петра Держковича зъ братомъ его княземъ Иномъ, съ паномъ Петромъ Станиславовичомъ ш невыданъе челеди ихъ невольное, коториѣ штекли до имения его Несвежа.

|| (об. л. 351) Того жъ дня.

Жаловаль его милости Петръ Держковичъ зъ братомъ своимъ, княземъ Иномъ, на пана Петра Станиславовича, старостича Городенъского: ижъ челяди ихъ невольное шемънадцать дѣшъ ѿ нихъ втекли до имения его Несвежа, и шнъ ихъ не хочеть имъ выдавати.

Ино господарь его милость пану Петрѣ рокъ положилъ, коли масть тую всю челядь шемънадцать дѣшъ передъ его милостью имъ ш праве поставити—

ѿ сихъ часовъ, въ двѣхъ неделяхъ. Писанъ мѣа июня 10 день, инъдик[т]ь 4.

489. — 1511, 21 марта. Выправо- ванъесе Федора Колонтаева съ помовы на него ш князя Миха'ла Глинского, якобы шнъ причиною до бунтовъ и зѣсханья его былъ.

Мѣа мар[та] 21 день, инъдик[т]ь 11, во второкъ.

Федоръ Колонтаевъ поведилъ передъ господаремъ его милостью ш томъ: штожъ панъ Мартинъ, конюши', пове- далъ, ижъ князь Миха'ло, едѣчи зъ Новагородка, созвавши многихъ люде', а рекъ такъ: «тотъ замытокъ, которы' же есми вчинилъ, ни штѣ кого сталъся, только ѿ Федора Колонтаева; какъ де' есмо были на свадьбе въ Белицы, ино пришолъ ко мне Федоръ Колон- таевъ, а палъ передо мною || (л. 352) крыжомъ, а рекъ: «такъ поведаю тебе, княже Миха'ле, штожъ тыми разы на томъ инешнемъ со'ме, што масть быти въ Вильни ш Громницахъ, всехъ насъ, Русь, мають хрестити въ Лядскую ве- рѣ; а хтобы не хотель поити въ Ляд- скую верѣ, тыхъ мають стинати; а то мне поведаль заисто панъ Иванъ Сопега, маршалокъ, штожъ такъ масть быти; прото *, господине княже Миха'ло, со слезами чоломъ бью твоѣ милости: для Бога, змиш'ся, вступися за насъ». И та де', слышавши то ѿ Федора Колонтаева, и тую речъ есми на его слова почаль. И то все сталося ѿ Колонтаева».

Ино господарь король и велики' князь его милость Жикгимонтъ самъ пыталъ ш томъ Федора Колонтаева: чи говорилъ шнъ тыи речи бѣдетъ

¹ Послѣ сего излишне написано: «сво» и зачеркнуто. * Здѣсь то вписано надъ строкою.

князю Миха'лу, а слышалъ ¹ ли то бѣдетъ ѿ пана Сопеги?

И Ѳедоръ Колонтаѣвъ поведиль передь господаремъ ѣго милостью тымъ обычаемъ: штожъ де' га тыхъ рече' ни которыхъ князю Миха'лу не поведаль, ани того ѣсми ѿ пана Ивана Сопеги ² не слышалъ, ани на сѣмъненъи моѣмъ того не было. Што хочеть князь Миха'ло, то можетъ мовити, вазнь на мене маючы, за то, штожъ ѣсми не ѣхаль съ нимъ, а ѿ него втекъ. А га ѿ пана Ивана Сопеги ш томъ ничего не слыхаль, а и ѣму ѣсми ничего не поведаль.

А при томъ ||(об. л. 352) были: кра'чи', князь Юрьи Александровичъ, а подъскарби' дворны', наместникъ Мо'шакгольски' и Дѣбиницки', панъ Иванъ Андреѣвичъ, а князь докторъ Ѳилиповичъ. А писалъ Ѳедько Святоша.

490³.—(безъ даты). Ѳложеноѣ справы панѣ Павлѣ Нарѣшевичѣ и братѣ ѣго старшомѣ Инѣ съ княземъ Во'техомъ, бискупомъ Виленскимъ, ш именъѣ ихъ ѿчизноѣ Види.

Господаръ король ѣго милость велель про память записати.

Жаловали ѣго милости писаръ ѣго милости Латински' Павелъ Нарѣшевичъ и зъ братомъ своимъ старъшимъ Иномъ на князя Во'теха, бискупа Виленского, ш именъѣ ѿчизноѣ, на'мя ш Види, котороѣ дядько ихъ небожъчыкъ панъ Якубъ Ганѣсовичъ делъ ровного зъ ихъ ш'цомъ (sic) не мевшы, на церковь Божью записаль ⁴; и шни, ѣшчо за

ѿца господаря короля ⁵ ѣго милости Казимира, того не были въ мольчанью.

Какъ же и листы впоминальныи Казимира короля ѣго милости на то передь ѣго милостью господаремъ покладали.

Господаръ ѣго милость съ паны радами то ѿложилъ имъ на дрѣги' часъ: маѣтъ ѣго милость имъ въ томъ справедливость вчинити.

491⁶.—(безъ даты). Ѳложеноѣ справы Юхнѣ Совичевичѣ съ тымъ же княземъ бискупомъ Виленскимъ, ш тоѣ жъ именъѣ Види и ш дрѣгиѣ, ш Болвановскоѣ, ш ⁷ Шлизаровскоѣ, ш Першаю а ш Волчковскоѣ ⁸.

||(л. 353) Того жъ дня.

Жаловаль господарѣ ѣго милости служебникъ воѣводы Виленского, канцлера ѣго милости, пана Николаѣвъ Николаѣвича—Юхно Совичевичъ на князя Во'теха, бискупа Виленского, ш тоѣ жъ именъѣ Види, а ш дрѣгии, на'мя: Болвановскоѣ, а Шлизаровскоѣ, а ш Першаю, а ш Волчковскоѣ.

Ино господаръ ѣго милость и то ѿложылъ на дрѣги' часъ: маѣтъ тому ѣго милость справедливость вчинити.

492⁹.—(безъ даты). Положенъѣ рокѣ, подъ страченъѣмъ, пане' Станиславо' Петровича, старостино' Городенско', въ справе зъ бо'ариномъ Шшменскимъ Станиславомъ Бартошевичомъ ш именъѣ въ Дѣбровахъ на Ушы.

Господаръ король ѣго милость казалъ про память записати.

¹ Въ подл.: «слышалъ». ² Это слово вписано надъ строкою. ³ См. выше, документы №№ 443 и 480, и ниже, документъ № 491. ⁴ Здѣсь з переправлено изъ и. ⁵ Это слово вписано надъ строкою. ⁶ См. выше, документы №№ 443, 480 и 490. ⁷ Въ «Реестрѣ»: «и». ⁸ Кустодии нѣтъ. ⁹ См. выше, документъ № 440.

Жаловаль передъ єго милостью бо-
гаринъ Шшменъски' Станиславъ Барто-
шевичъ на маршалъковую земьскѡю,
старостинѡю Городенъскую, панюю
Станиславовую Петровича ѡ именьє,
выслугѡ предковъ єго, въ Дѡбровахъ
на Уши, котороє панъ єє, небожчымъ
панъ Станиславъ, въ нихъ ѡняль; ѡ
чомъ же вжо два позвы¹ господарьскии
по неє были; ѡна не стала.

Єго милость господаръ положилъ є'
рокъ передъ собою стати, подъ стра-
ченъємъ права, по Божьємъ Нароженъи
въ ты'день: маєть єго милость тому
межи ними справедливость вчинити.

|| (об. л. 353) Ино потомъ жадалъ ѡ
панеє Станиславовоє господаря єго
милости маршалокъ, староста Бересте'-
ски', панъ Юрьи Ильиничъ, ажъ бы єго
милость господаръ того рокѡ є' далє'
ѡложилъ, для того, ижъ сынъ єє

въ пана Юрьи Ильинича дочку
поймаєть.

И господаръ єго милость тотъ рокъ
є' ѡложилъ до середопостыа, што при'-
детъ: маєть ѡна передъ єго милостью
на тотъ рокъ стати, и тому Станиславу
въ томъ ѡповедити.

Ино на тотъ рокъ панъ Петръ и
съ тымъ Станиславомъ передъ госпо-
даремъ єго милостью ку праву сталъ,
и ѡчевисто ѡ томъ мовили.

Нижли въ тотъ часъ господаря єго
милости зашли великии справы земь-
скии; для того, не могъ єго милость
межи ними тому коньца вчинити: ѡло-
жилъ то єго милость на дрѡги' часъ,
и рокъ єго милость имъ положилъ,
подъ страченъємъ права, передъ собою
стати—по Велицедни, въ трехъ неде-
ляхъ².

¹ Въ подл. описка: «позмы». ² Послѣ сего слѣдуетъ послѣдній документъ («Справа
альбо угода мещанъ зъ Ловича Миколая а Павѡла Калинскихъ зъ мещаниномъ Бель-
скимъ Словакомъ о именьє Тяховъщину, близкость ихъ»), составляющій точное воспро-
изведеніе документа, подъ № 46, помѣщеннаго выше, на столбцахъ 582—583; потому на
полѣ и замѣчено: «Тая справа въ Старой Метрице перекрешляна». Подъ послѣднимъ
документомъ слѣдующая подпись: «Конецъ тоє Метрыки. Адамъ Пашкевичъ».

КНИГА ТРЕТЬЯ¹ СУДНЫХЪ ДѢЛЪ

1518—1522².

.....
|| (л. 124³) [пр]и[з]волилъ* гарь сѣати | I.—1518, 1 июля. Запись сдѣлки между
на земли ихъ, то єсмо казали и[мъ] | служебникомъ Виленскаго воеводы Ко-
взяти, што будеть сѣ[га]ла* съ призво- | стюшкомъ и Румшишскимъ намѣстникомъ
леньємъ єго. При томъ былъ панъ | Ивашкомъ.
Богданъ Довкгирдовичъ. Писанъ [у | Панъ єго милость казаль, про памяти,
В]ильни*, июнь 28 день, индик[т]ь 6. | записати. Што смотрель єго милость
служебника пана воєводы єго милости

¹ Въ прежней общей хронологической нумераціи Литовской Метрики—эта книга занумерована «четырнадцатою» (цифра 14 стоитъ на корешкѣ переплета, хотя на верхней доскѣ его оттиснуто: «*xięgi trzynaste*»). ² Книга эта—подлинная, въ листъ, въ кожаномъ переплетѣ (время Адама Нарушевича). На корешкѣ переплета—тѣ же оттиски (кроме года и №), а внутри тотъ же печатный ярлыкъ, чтò и въ напечатанныхъ выше двухъ книгахъ. Всѣхъ листовъ въ третьей книгѣ Судныхъ Дѣлъ—141, при чемъ, во время переплетанія книги, начало попало въ конецъ; при пользованіи же этою книгою, надо начинать съ 124-го листа по 141-й и затѣмъ уже переходить къ 1—123. Къ этимъ 141 листамъ, составляющимъ главнымъ и исключительнымъ образомъ третью книгу Судныхъ Дѣлъ, совершенно неосновательно приплетенъ «сборникъ, составленный изъ подлинныхъ частей *разныхъ* книгъ» (по замѣчанію С. Л. Пташицкаго въ его «Описаніи книгъ и актовъ Литовской Метрики»), съ пагинаціею 142—259 листовъ. Эти листы (142—259) болѣе чѣмъ на полвершка длиннѣе первыхъ 141 листовъ и содержатъ въ себѣ привилегіи, реестры, посольства, разграниченія городовъ. Изъ этихъ документовъ, только четыре (по Польскому реестру №№ 211, 212, 213 и 222, лл. 169, 171, 176 и 211) писаны на Латинскомъ языкѣ и попали сюда изъ разныхъ книгъ такъ-называемыхъ Публичныхъ Дѣлъ. Этими Латинскими документами нѣкоторые Русскіе разбиваются по-поламъ: наприм. съ 168 л. надо переходить прямо къ 173, ибо въ середину (169—172) попалъ Латинскій документъ. По исключеніи помянутыхъ Латинскихъ документовъ на свое мѣсто, получится сборникъ Русскихъ документовъ (1510—1534 годовъ), которому прямое мѣсто среди книгъ Записей.—Въ самомъ началѣ третьей книги Судныхъ Дѣлъ помѣщенъ на 6-ти ненум. листахъ составленный въ XVIII в. на Польскомъ языкѣ *Registr*, въ который не вошли документы, помѣщающіеся на 124—141 лл. и составляющіе начало книги. Этой путаницы въ переплетѣ книги составитель «Реестра» не понялъ, перечеркнулъ эти листы и сдѣлалъ надпись: «*Ta niepotrzebna xięga*». ³ Третья книга Судныхъ Дѣлъ начала не имѣеть: сохранившійся первый листъ (124-й) открывается концомъ неизвѣстнаго документа (однако, съ датою: 28 июня 1518 года). * Оборвано и заклеено.

Виленского Костюшка съ дѣакомъ, пана [Авр]амовымъ* подскарбего намѣстникомъ Румшишскимъ Ивашкомъ ѡ шаты, ѡ шу[бу]* кунью съ сукномъ Пурпианскимъ а ѡ каотанъ Ѡласовый рябый, што въ за[ста]ве* въ него былъ, и ихъ позволочилъ. И потомъ ся ѡни згодили: Ивашко¹ масть [Ко]стушку* дати десять копъ грошей къ тымъ пятьма копамъ грошей, што ѡнъ [пер]во* сего далъ Костюшку на тии шаты десять копъ, што въ него ещо пять копъ [гр]ошей* ѡстало, того всего масть Костюшку пятнадцать копъ грошей за тии [ш]аты* заплатити. А шаты собѣ побралъ. И роки есмо три положили, [п]о* две недели, шесть недель, то естъ ѡстаночный рокъ, передъ Взятьемъ въ не[б]о* Матки Божьей, за тыйдень, ѡстаночный рокъ. Писанъ у Вильни, июль 1 день, индик[т]ъ 6.

2.—1518, 1 июля. Присужденіе Роконтишскаго намѣстника Григорка къ штрафу по жалобѣ на него панны Ядвиги Немировны.

|| (об. л. 124) **И**, **И**нъ Миколаевичъ, маршалокъ земский, державца Слонимский. А при насъ были: панъ **И**кубъ Кунцовичъ, конюший дворный и Троцкий господаря его милости, державца Василишский, Волкиницкий и Лепуниский, а панъ Мацко Кунцовичъ, тивунъ Троцкий², а панъ Богданъ Довкгирдовичъ. Смотрели есмо того дела. Стоали передъ нами ѡчивисто, жаловала намъ панна **Е**двиги Немировна на намѣстника пана воєводы его милости Виленского Роконтишского на Григорка³ тымъ ѡбычаемъ: не вѣдаю, для

которое причины, поймавши ми слугу путного Кунца Богданова сына, а другого чѣвка тяглою, и въ няство ѡсадила, а троє коней съ колесы взялъ, и теперь въ себе держитъ.

И мы спытали Григорка: што къ тому Ѡпоръ маешь? И ѡнъ мовилъ передъ нами: знаюся къ тому, ижъ есми тии люди и кони побралъ, а то для того причины, ижъ слуги еє людемъ господарскимъ Роконтишскимъ некоторый квалтъ были вчинили; и съ права нашли тыхъ слугъ еє въ томъ квалте винныхъ и в-ыншихъ речахъ; и панна **Е**двиги просила мѣне, абыхъ тыхъ людей Роконтишскихъ переѣдналъ; и га, на прозбу еє милости, тии люди переѣдналъ только ѡсми копами грошей; и не хотела ми тыхъ пѣнязей ѡдати на рокъ, и га за то пограбилъ.

И панна **Е**двиги мовила: къ тому ся га знаю, ижъ есми переѣдала ѡсми копами и заставила есми въ томъ тебе брамку а колнеръ перловый, и после⁴ того двѣ копе грошей есми ему ѡдала, а въ шести копахъ тии перла въ него и теперь.

И Григорко повѣдалъ передъ нами, ижъ и теперь въ него тая брамка и колнеръ въ шести копахъ.

И мы, тому врозмевши, ижъ, маючи заставу въ себе, а еє пограбилъ, казали есмо: тии люди выпустити и навезати слузѣ путном⁵ рубль грошей, а тяглому чѣвку полтину грошей, а троє коней на каждую неделю, колько будутъ гинули, по три гроши навязки; а брамку и колнеръ масть панна **Е**двиги выкупити въ него въ шести копахъ грошей. Писанъ 8 Вильни, июль 1 день, индик[т]ъ 6.

¹ Здѣсь в переправлено изъ ш. ² Эти два слова вписаны надъ строкою. ³ Сперва было написано: «Григория». ⁴ Здѣсь с поправлено изъ д. ⁵ Сперва было написано: «слугу путного». * Оборвано и заклеено.

3.—(безъ даты и безъ начала). Дѣло между Войташкомъ и Михайловою, а также ея сыномъ и ея слугою Ходорковичемъ.

|| (л. 125¹) повѣдасть передъ вашею милостью. И мы спытали єго: чого стоѣла таѣ брамка? И ѡнъ рекъ: и самъ не вѣмъ, нижли мнима-мъ—за шесть копъ грошей стоѣла.

И мы хотели были сказати и роки положити—брамку положити, або пенезей шесть копъ заплатити.

И Войташка рекъ передъ нами: ма-мъ до сына² єє и до слуги єє Ходорковича дело: нехай ѡна ихъ поставити передъ вашею милостью, буду ѡ свои шкоды съ ними мовити; а коли право съ ними мнѣ станеть, и ваша милость мнѣ у єє речи конецъ вчините.

И Михайловаѣ злюбила передъ нами сына своѣго и того слугу Ходорковича, котории за господарямъ зашли къ Молчеди, передъ нами поставити въ трехъ неделяхъ, то єсть по семей³ суботе въ двухъ неделяхъ, гдѣ кольве мы на тотъ часъ будемъ: Войташка маєть съ ними мовити, а Михайловой брамку ѡдати, або шесть копъ грошей платити. А мы писали до городничого нашего, намѣстника Молчедского Гринька, абы того слугу передъ нами поставилъ.

4.—(безъ даты). Памятная запись объ осмотрѣ коня и о невинности Радослава Раця.

|| (об. л. 125) Панъ єго милость казалъ, про памяти, записати. Коли ѡгледали єсмо бедевей пана Миколаєвы

Ильинича кароє, при томъ были: панъ Кмита Стретовичъ, а панъ Алексей Зеньковичъ, а князь Нурумъ а [к]нязь Адко Майковичи; вси познали, ижъ тельчакъ той бедевей; а Родославъ Раць въ томъ не виненъ.

5.—(безъ даты). Дѣло по жалобѣ Новгородской боярыни Яхны Амбросовичъ на служебника пана Яна Николаевича Радвила—Левка объ уводѣ имъ крѣпостной женщины, принадлежащей Амбросовичамъ.

И, Иѡнъ Миколаєвичъ, маршалокъ земский, державца Слонимский. Смотрели єсмо того дѣла. Стоѣли передъ нами ѡчивисто⁴, жаловала намъ богариня Новгородската Мацковаѣ Амбросовича Иѡхна на служебника нашего Левка тымъ ѡбычаємъ: жонку ми невольную вывелъ зъ дому, наима Ганицѣ, съ которою жъ жонкою многи ми речи побралъ, пенезей золотыхъ, перель и иншихъ речей на пятьдесятъ копъ грошей; и далъ тую жонку богаринѣ Слонимского повѣта Стецку Словуте. И та єє нашла зъ вижомъ, съ служебн[ик]омъ твоєє милости Саньцомъ, лицомъ въ Словуты.

И мы пытали служебника нашего Левка: што къ тому ѡпоръ маєшь?

И ѡнъ перво того рекъ былъ передъ нами, а бы тоє жонки не бралъ. А потомъ, коли тую жонку Словутината передъ нами поставила, и Левко рекъ: ко мне дей таѣ жонка прибегла, бо єсть наша зъ братьєю ѡчизнаѣ.

И мы пытали тоє Иѡхны: чого первой хочешъ искати—жонки, або шкоды своихъ, а на комъ хочешъ искати?

¹ Листъ этотъ, по недосмотру переплетчика, влетенъ въ книгу «полемъ», а не «корешкомъ»; отсутствіе начала въ документѣ № 3 показываетъ, что передъ этимъ листомъ былъ еще листъ, а можетъ быть—и больше. ² Послѣ сего, по ошибкѣ, написано «его» и зачеркнуто. ³ Въ подл. описки: «сомой». ⁴ Въ подл. описки: «очивосто». *

И она рекла: ищю тоѣ жонки самоѣ и на ней шкодъ своихъ.

А потомъ повторе єсмо єє пытали: чого хочешъ искати—жонки, або шкодъ своихъ?

И она рекла: ищю шкодъ своихъ на той жонце¹.

6.—1518, 1 іюля. Заявленіе о добровольной сдѣлкѣ по дѣлу королевскаго дворянина Мартина Мишковича съ чловѣкомъ Медницкой волости Якубомъ Гацовичемъ о бѣгломъ чловѣкѣ.

|| (л. 126) Я, Янъ Николаевичъ, маршалокъ земскій, державца Слонимскій. Пришодши до насъ добровольне члѣвкъ Яновъ Станьковича Медницкоѣ волости, наймя Якубъ Гацовичъ, созналъ то, штожь дворянинъ господарскій Мартинъ Мишковичъ съ права мялъ на него присягнути въ томъ, ижь дей онъ заставилъ детину своѣго ємъ, и тотъ дей єго детина Ѡвель другого єго² невольного паробка. И тотъ члѣвкъ єго, къ присязе єго не вѣдѣчи, переєдналъ на томъ, и маєтъ того детину невольного Мартину Ѡискати на роки за годъ, почонши Ѡ святого Петра, которого свято³ было индикта шестого, до тогожь годъ; а єсли не Ѡищеть того детины, маєтъ заплатити копу грошей, безъ кождаго права. Писанъ Ѡ Вильни, июль 1 день, индик[т]ъ 6.

7.—1518, 1 іюля. Рѣшеніе по дѣлу объ уплатѣ Святохною Александровою дочери своей Богданъ Александровнѣ Кинбутовича Янушковой Петьковича суммы взамѣнъ приданого.

Я, Янъ Николаевичъ, маршалокъ земскій, державца Слонимскій. Смотре-

ли єсмо того дѣла. Стояли передъ нами Ѡчивисто, жаловала намъ Янушкова Петьковича Богдана Александровна Кинбутовича на матку свою, на панюю Святохну Александровую, тымъ Ѡбычаємъ: пошла єми за мужа своѣго, за того Янушка, а пани matka зъ братомъ моимъ, сыномъ своимъ Миколаємъ, ничего выправы з-ыменей мнѣ, водле Ѡбычаѣ, дати не хотѣли, а потомъ мя пани matka зъ братомъ моимъ Миколаємъ переєднали⁴, и листь мнѣ вызнаный на то дали, ижь мели ми семьдесятъ копъ грошей пенязми дати, а ктому шатъ, шубки, плаци, торлопы; и переєднавши, того ми, водле листа своѣго, дати не хотятъ. И та жаловала Ѡтцу вашоѣ милости, пану воєводе єго милости Виленскому, и єго милость то ми все сказалъ на паней matce и на братѣ моємъ, водлугъ листа ихъ записного. А потомъ панъ воєвода єго милость Виленскій нынешний, братъ вашоѣ милости, Ѡ той суме пѣнязей въ семидесятъ копахъ грошей Ѡвязати мя казалъ в-ыменьє въ Ширвинты: такъ же мя и Ѡвязано въ тоѣ именьє. И Ѡни тыи пѣнязи || (об. л. 126) семьдесятъ копъ грошей мнѣ Ѡдали, и та имъ именья поступила; нижли шатъ, воза съ чотырма возники а возницѣ не хотели дати.

И мы спытали пани Святохны: што къ тому Ѡпоръ маєте?

И она мовила передъ нами къ тому: тую семьдесятъ копъ грошей вжо ємо єй Ѡдали, какъ она передъ вашою милостью повѣдаєтъ; а што ся дотычетъ шатъ, воза, звоникѡвъ и возницѣ, она брала въ мѣне инии некоторые речи—перла, запоници и шаты.

¹ Дѣло это, очевидно, не кончено, и заставляетъ предполагать, что въ рукописи утраченъ листь, или—болѣе. ² Сперва было написано: «того». ³ Въ подлин.: «которого свята». ⁴ Здѣсь и поправлено изъ а.

А доводѸ ни которого на то пани Святохна не вчинила передь нами.

А потомъ сама ся къ листу своѸму признала. Въ которомъ же листу написано—шаты, шубки, плащи, возъ съ сукномъ а съ чотырма возники и зъ возницю. Того сзсумовано передь нами полсемадесять копъ грошей.

И мы тыи пѣнязи сказали полсемадесять копъ грошей паней Святохне заплатити съ сыномъ своимъ Николаемъ дочде своѸй Богдане, подле листа ихъ вызнаного, по рокомъ; положили есмо три роки по дванадцати недель: въ каждую дванадцать недѣль масть заплатити по двадцати копъ грошей, а на третий рокъ, встаточный, вступивши въ постъ Великий, въ д[в]у неделяхъ, индикта семого, масть заплатити полтредцать копъ грошей, безъ каждоѸ вымовы¹, подле листа своѸго вызнаного. При томъ былъ панъ² Богданъ Довкгирдовичъ. Писанъ Ѹ Вильни, июль 1 день, индик[т]ъ [6].

8³.—1518, 2 июля. Рѣшеніе по взаимнымъ жалобамъ Ошмянскаго боярина Яна Якубовича и мачихи его Богданы Николаевой Кинкевича объ имѣніи Жупрянахъ и о содержаніи сестры Яна, малолѣтней Софьи.

И, Ианъ Николаевичъ, маршалокъ земский, державца Слонимский. А при насъ былъ панъ Богданъ Довкгирдовичъ.

I.—Смотрели есмо того дѣла. Стали передь нами шчивисто, жаловалъ намъ богаринъ господарьский Шшменского повѣта Ианъ Якубовичъ на мачехѸ свою НиколаевѸю Кинкевича Богдану тымъ шбычаемъ: держити именье нашо Жупряне въ томъ, штожь штець нашъ

записалъ ей на томъ именьи сто копъ грошей вена въ таста|| (л. 127)менте своѸмъ⁴, а пятьдесять копъ грошей на данникохъ, которыи на Березыни, на имя Семенковичи а Забашевичи, въ пятидесять копахъ грошей, зъ данью, што на него часть приходила. И та самъ-шдинъ, безъ брата моѸго Шимка, переѣдналъ тую мачохѸ свою черезъ люди добрыи тридцатьма гривнами за тую сто копъ; и на томъ межи нами едначи полюбовныи зъ шбѸ сторонъ, князь Ианъ Иновичъ Свирский, а Николай Мицковичъ, а Ианъ Зычиловичъ, а князь Войтѣхъ Юхновичъ Свирский, а Ианъ Клопотовский, служебникъ пана воѸводы Виленского, вчинили тою мерою: мьяль Ианъ Ѱдати ей тоѸ вено на день святого Пѣтра. Такъ же дей не могъ есмо на тыи роки тыхъ пѣнязей Ѱдати, а роки не шдны вышли, и теперь⁵ ей хочу тыи пѣнязи тридцать гривенъ Ѱдати, коли возможность мога будетъ; а нехай шна тоѸ именье въ томъ держити, поки ей тую тридцать гривенъ Ѱдамъ; а данники вышеченныи въ пятидесять копахъ грошей тежь коли ей Ѱдамъ тую пятьдесять копъ грошей, тогда ма-мъ къ своѸй рѸцѸ и тыи данники взяти.

И мы, тому врозѸмевши, коли шнъ къ тому ся самъ призналъ, всказали есмо межи ними тымъ шбычаемъ: тага мачаха его Богдана масть тоѸ именье Жупряне держати, поки Ианъ Якубовичъ тую тридцать гривенъ пѣнязей, подле еднанья ихъ, мачасе своѸй ѰлѸжить; а коли ѰлѸжить тоѸ вѣно, а всхочеть ли Ианъ тоѸ именье вечно кому продати, не масть Ѱ близкихъ ни кому шбчому продати, заставити шбчимъ можетъ, также и данники.

¹ Въ подл. описка: «вымомы» ² «нанъ». ³ Срвн. ниже, документъ № 11. ⁴ Въ подл. описка: «твоемъ» ⁵ «тепуръ».

II.—И тежь мовила передь нами таа Богдана, мачеха єго: маю дочку, сестру єго, наймя Зооею, што єсми зь мужомъ своимъ прибыла; теперь таа дочка въ мене мешкаєть, а та не маю єє чимъ ховати и живити; а вжо єй пять годовъ ѿ пороженья. Ино тыи єдначи полюбовныи вышмененыи вложили были межи нами: мяль ѡнъ той дочце моєй, сестре своєй, давати въ кождый годъ на поживеньє и на шатки по полторы ((об. л. 127) копы грошей.

И тотъ Инъ и самъ къ тому передь нами призволилъ.

И мы сказали Ину, подле єднанья полюбовныхъ єдначовъ вышмененыхъ, по полторы копы грошей въ кождый годъ давати ѿ сихъ часовъ до пяти годовъ, ѿ святого Петра, который былъ индикта шостого, до индикта ѡдиннаццатого, до того жь року святого Петра; а какъ тая пять годовъ выйдець, маєть Инъ, або хто будетъ именья ихъ ѿчизныи держати зь ихъ близкихъ, тотъ маєть тую живность и выправу той Зооеи дати по тому, какъ и инымъ сестрамъ ихъ ¹ выправа дана. При томъ былъ панъ Богданъ Довкгирдовичъ, а Григорко, намѣстникъ Роконтишский. Писанъ Ѹ Вильни, июль 2 день, индикта 6.

9.—1518, 2 июля. Рѣшеніе по двумъ жалобамъ Виленскаго боярина Шимка Стецковича Саковича на мачиху свою Анну Михайловну объ имѣніяхъ Пересвѣтъ, Накуны и Свирь.

II, Инъ Миколаєвичъ, маршалокъ земский, державца Слонимский. Смотрели єсм[о] того дѣла ².

I.—Стояли передь нами ѡчивисто, жаловалъ намъ богаринъ господарьский

Виленскаго повѣта Шимко Стецковичъ Саковича на мачоху свою, на Ганну Михайловну, тымъ ѡбычаємъ: держитъ подь собою именье ѿчизное нашо, подле Солоки, наймя Пересветъ, а намъ єго поступити въ дель зь братомъ Станиславомъ не хочеть, а ктому ѿдаляєть менѣ ѿ людей и земль прикупленыхъ, што ѡтець небожчикъ прикупилъ.

И мы спытали Стецковоє Ганны: што къ тому ѿпоръ маєшь?

И ѡна мовила передь нами: та пришла за мужа своєго Стецка, ѿца єго, не съ которою сѹмою пѣнязей моихъ властныхъ, и выдала єсми на потреби мужа моєго не мало пенязей своихъ, и мужъ мой, вбачивши мою послугу и накладъ пенязей моихъ, будучи въ добромъ здоровьи, записалъ мнѣ тоє именье въ Солоку, наймя Пересветъ, въ полтора сту копахъ грошей у вене моємъ, и далъ ми тастаментъ подь сведомьємъ и подь печатями ³ людей добрыхъ.

И тотъ ѡна тастаментъ мужа своєго Стецковъ передь нами вка((л. 128) зывала. Въ томъ тастаменте стоить, ижъ тотъ Стецко Васковичъ записалъ єй вена на томъ именьи Пересвѣтъ полтора ста копъ грошей манеты великаго князьства противъ єє пѣнязей, што ѡна съ [со]бою, идучи за него, принесла.

И мы, тому врозѹмевши, ижъ слышнымъ а ряднымъ ѡбычаємъ тотъ тастаментъ писанъ, ѡставили єсмо тую Ганну Стецковую при томъ тастаменте: маєть ѡна на томъ именьи Пересвѣтъ мешкати до живота своєго, а по животѣ своємъ, кому хочеть, тоє вено своє полтара ста копъ грошей маєть записати, будѹчи въ добромъ здоровьи и суполной памяти; а єсли всхочеть ѡна за-

¹ Въ подл.: «имъ». ² Здѣсь ѿ переправлено изъ с. ³ Переправлено изъ «печатью».

писати ѡдному сыну своему Станиславу тоѣ все вѣно, ино, по животѣ ѣѣ, Шимко брату своему Станиславу маѣть ѡложить половицѣ свою, полшмадесять копѣ грошей; и какъ ѡнѣ ѡложитъ ѣму тыи пѣнязи, маѣть Станиславъ тоѣ именѣѣ ѡчизноѣ Пере[с]ветѣ зѣ братомъ своимъ Шимкомъ на-полю делити, какъ землями, такъ и хоромамы, и челядью невольною, и животиною, и всеми статки, што въ томъ именью будетъ, и тежѣ што ѡтецѣ ихъ ѡставилъ.

II.—Нежли мовилъ передъ нами Шимко: тага мачаха мога повѣдаѣтъ—будѣчи за ѡцомъ¹ нашимъ, а бы за свои пѣнязи властныи купила люди и земли въ Решникахъ, и хочеть то дати сыну своему ѡдному, брату моѣму Станиславу, а въ дель того пустити не хочеть. Лечъ га што вѣдаю, того и самъ не ищѣ, ижѣ ѡна дворецъ собѣ купила, наймя Накуны, а другий у Свире на Стрячи.

И Стецьковага мовила передъ нами: што ѡнѣ впоминаѣтъ передъ вашою милостью ѡ люди и земли купленыи мои, га на то ма-мѣ листы купчии.

Тыи ѡна листы передъ нами поклада.

И Шимко рекъ передъ нами: не досытъ на томъ маю, ижѣ ѡна листы купчии маѣтъ; нехай право поднесетъ на томъ, ижѣ бы ѡна за свои пѣнязи властныи люди и земли покупила.

И тага Анна рекла передъ нами: хочѣ на томъ присягнути, ижѣ ѣсми за свои пѣнязи покупила, кромѣ ѡчизны ѣго.

И мы рокъ прися[зѣ] положили—третий день, подле ѡбычата.

И ѡни, после казанья нашего, межѣ собою згодилися безъ присяги: Анна, мачаха || (об. л. 128) ѣго, згодливимъ ѡбычаѣмъ поступила имѣ ѡбема, Шимку а Станиславу, въ дель дву члѣвковъ,

наймя Меиловичовъ, въ Решникахъ зѣ ихъ землями и сеножатями; лечъ вынела собѣ тамъ селицо на три бочки противъ слуги ихъ Шепеля, котороѣ у Павла ѡлехновича купила; а иншии земли, што будетъ мачаха ѣго прикупила въ Решникахъ своими пѣнязми на себѣ, то все въ дель маѣтъ поступити Шимку съ сыномъ своимъ Станиславомъ; и тежѣ што ся дотычетъ земль на вечность кѣпленыхъ або закупленыхъ² ѡца ихъ, мають Шимко съ Станиславомъ ровный дель мети во всемъ. А ктому ѡни мѣнили передъ нами земли Михайлишки а Стрейпунишки,—мають и тыи земли межѣ собою на-полю поделити. И на то дали ѣсмо имѣ сесѣ нашѣ листъ подъ нашою печатью. При томъ были: панъ Богданъ Довкгирдовичъ, а панъ Мишко Вежкгайловичъ, намѣстникъ Виленский. Писанъ ѣ Вильни, июль 2 день, индик[т]ъ 6.

Ю.—1518, 7 июля. Рѣшеніе по жалобѣ Творіяна Вильдунка на тетку свою Софью Роговскую о долгѣ.

И, Иѣнѣ Миколаѣвичъ, маршалокъ земский, державца Слонимский. Смотрели ѣсмо того дела. Стогали передъ нами ѡчивисто, жаловалъ намъ Твориганъ Вильдѣнокъ на тетку свою, на панюю Роговскую Зооею, тымъ ѡбычаѣмъ: позычила ѡна ѣ ѡца моѣго двадцать копѣ широкихъ грошей, и после ѡца ѡдала ми деветь копѣ, а копу грошей ѡпустилъ ѣсми ѣй; а ѣщо на ней десять копѣ широкихъ грошей.

И тага Зооега мовила передъ нами: знаюся къ тому, ижѣ ѣсми винна была ѡцѣ ѣго тую двадцать копѣ; ино ѣсми ѡцѣ ѣго, брату своему, ѡдала десять копѣ широкихъ грошей, а ѣму самому девять копѣ, а копу ми ѡпустилъ, какъ

¹ Въ подл. описка: «отцамъ». ² Въ подл. «купили або закуплены».

же и передь вашою милостью повѣдасть, штожь внѣ самъ тому звѣдомъ, ижь ѿцѣ его заплати (л. 129) ла семи де-сять копѣ.

И Вильдунокъ мовиль передь нами: ни знаю, ани ведаю: не платила еси ѿцѣ моему тыхъ пѣнязей.

И Роговская мовила: присягни на томъ, если еси не зведомъ тому, а га хочѣ тыи пѣнязи платити.

И Вильдунокъ рекъ: хочѣ присягнути.

И мы положили рокъ присяже—третий день. И внѣ на тотъ рокъ присягнулъ.

И мы сказали на паней Роговской за тую десять копѣ широкихъ пятнадцать копѣ пѣнязныхъ грошей, какъ же она и сама рекла есмѣ пятнадцать копѣ заплатити. И три роки есмо положили, по чотыри недели, встаточный рокъ святого Станислава, котороѣ свято будетъ индикта семого, маеть тага пани Роговская Вильдунку заплатити тую пятнадцать копѣ грошей на тотъ рокъ; а если не вхочеть заплатити, мы маемъ казати тыи пѣнязи на ней зѣ децкованьемъ справити и ему ѿдати. Писанъ ѣ Вильни, июль 7 день, индикта 6.

11¹.—1518, 8 июля. Рѣшеніе по дѣлу Николая Кинковича съ Яномъ Якубовичемъ объ уплатѣ послѣднимъ двойной суммы медовой и денежной дани мачихѣ его Богданѣ Николаевой Кинковича.

И, Ианъ Николаевичъ, маршалокъ земский, державца Слонимский. Смотрели есмо того дѣла. Стоали передь нами вчивисто, жаловалъ намъ Николай Кинковичъ на Иана Якубовича, [ботарина господарьского] Шменского повѣта: которыи данники на Березыни, на-

имя Семенковичи а Забошевичи, записаль втецѣ его Якубъ, первый мужъ жоны моѣѣ, въ пятидесять копахъ грошей, тыи данники внѣ, ѿнемши въ неѣ, держаль три годы, и съ нихъ дань медовую² и пѣняжную бираль, мѣдѣ по семи пудовъ на каждоѣ лѣто, а грошовоѣ дани³ по двадцати и по шести грошей; ино ми внѣ заплатиль девять⁴ пудовъ а пол-копы грошей, а на немъ ещо ся встало мѣду дванадцать пудовъ а полпята десятка грошей; што внѣ безправне вземши, къ своѣй рѣце тыи данники держаль, а жоне моѣѣ поступити не хотель.

И мы спытали Иана Якубовича: што къ тому ѿпоръ маешъ? И внѣ мовиль передь || (об. л. 129) нами: што-мъ заплатиль ему и его жоне девять пудовъ а пол-копы грошей съ тыхъ данниковъ за три годы, а инший медъ давалъ еси съ тыхъ данниковъ плѣбану⁵ Видскому⁶, князю Миколаю, далъ еси есмѣ девять пудовъ за три годы.

И послался тотъ Ианъ до плѣбана Видского князя Миколага на томъ, ижь ему давалъ по три годы дань мѣдовую.

И мы послали того плѣбана впытати. И внѣ самъ до насъ приѣхаль и светчилъ передь нами, ижь ничего ему мѣдѣ за тыи три⁷ годы не далъ съ тыхъ данниковъ вышемененыхъ, какъ внѣ и плѣбаномъ зосталь.

Ино тотъ Ианъ Якубовичъ, того плѣбана сведоцтва и права сказанья не дождавши, самъ зѣхаль.

И мы нашли его въ томъ винного, и тую дань мѣдѣ дванадцать пудовъ, а дрѣгую дванадцать пудовъ навязки, а полпята десят[ка] грошей пѣнязей данныхъ, а другую полпята десятка навязки, ка-

¹ См. выше, документъ № 8. ² Переправлено изъ «дани медовой». ³ Здѣсь и поправлено изъ ѣ. ⁴ Въ подл. описки: «двять». ⁵ Здѣсь и переправлено изъ е. ⁶ Здѣсь и переправлено изъ ѣ. ⁷ Это слово вписано послѣ.

зали на немъ справити, и той мачесе его Николаевоу Богдане ѿдати. А для тоѣ причины сказали есмо на немъ навязку, ижъ онъ не слушнымъ обычаемъ и безправне тыи данники въ мачехи своѣѣ ѿнялъ. При томъ былъ панъ Богданъ Довкгирдовичъ. Писанъ ѿ Вильни, июль 8 день, индик[т]ъ 6.

12.—1518, 9 июля. Рѣшеніе по двумъ жалобамъ Минскаго мѣщанина Виленскаго бискупа—Занька Юшковича на королевскаго дворянина Яна Селицкаго о самоуправствѣ и убыткахъ.

И, Инъ Николаевичъ, маршалокъ земский, державца Слонимский. Смотрели есмо того дела.

I.—Стоали передъ нами шчивисто, жаловалъ намъ мещанинъ князя бискупа его милости Виленскаго Менский Занько Юшковичъ на дворенина господарьскаго на Яна Селицкаго тымъ обычаемъ: приехалъ есми до Вильни съ штукаю воскомъ своимъ, въ которой штуце было шестьдесятъ каменей безъ дву; и онъ, пришедши до мѣне, загамовалъ* ми тотъ воскъ, и не || (л. 130) казалъ его продавати; а повѣдалъ въ тотъ часъ, а бы мѣщане господарьскіи Менскіи были ему винни десять копъ грошей. И та, видячи то, ижъ бы ми шкоды большоѣ въ томъ воску не было, мусилъ есми ему тую десять копъ грошей заплатити.

И мы спытали Яна Селицкаго: што къ тому ѿпоръ маешь?

И онъ мовилъ передъ нами: знаюся къ тому, ижъ есми въ него взялъ тую десять копъ за мѣщанъ Менскихъ, бо посылалъ мя панъ воєвода его милости Виленский до Менска ш кривды, которыи они починили князю его ми-

лости, слугъ и богаръ его милости побили, и тамъ zostали некоторыи винни и не хотели ми проездъ заплатити, и та за то загамовалъ* того мѣщанина; а того есми не вѣдалъ, абы онъ былъ мѣщанинъ князя бискупа его милости.

И мы, водлугъ вызнаныа его, тую десять копъ грошей зася казали емъ тому мѣщанину Заньку ѿдати; а естли будетъ ему которая потреба мовити зъ мѣщаны Менскими, и онъ нехай собѣ на нихъ правомъ зыскуеть; и рокъ есмо тому положили—две недели, то есть передъ святымъ Ильєю, въ пятницѣ, приидѣчого¹ свята, масть Селицкий ѿдати тыи пенязи тому мѣщанину передъ паномъ Богданомъ Довкгирдовичомъ, або писарю князя его милости Матею; а онъ тому мѣщанину масть ѿдати. А естли бы Селицкий не мялъ ѿдати на тотъ рокъ тыхъ пѣнязей, и онъ самъ ся передъ нами поддалъ совито заплатити тыи пѣнязи.

II.—А ктому жаловалъ намъ тотъ же мещанинъ Занько: ижъ Селицкий полторы недели задержалъ тотъ воскъ, а въ томъ мусилъ дей есми съ каждого камня втратити по два гроши въ копце грошей.

И Селицкий повѣдилъ: только-мъ держалъ шдинъ день.

И въ томъ послалися на мѣщанина Виленскаго на Мартина Стурбевича—естли онъ сознаеть, а бы полторы недели тотъ воскъ заповеданъ былъ.

А тотъ Занько спустилъ ему || (об. л. 130) по два гроши ѿ цѣны, по чому былъ змовилъ.

Масть Селицкий и тую шкодъ две копе ему платити. При томъ былъ панъ Богданъ Довкгирдовичъ. Писанъ ѿ Вильни, июль 9 день, индикта 6.

* Въ подл.: «заговалъ». ¹ Въ подл.: «приидочого».

13.—1518 (безъ даты). Рѣшеніе по дѣлу королевскаго дворянина Яна Селицкаго съ Минскими мѣщанами о вознагражденіи Селицкаго за проѣздъ въ Минскъ.

И, **И**нъ Миколаѣвичъ, маршалокъ земский, державца Слонимский. Смотрели єсмо того дѣла. Стогали передъ нами шчивисто, жаловаль намъ дворянинъ господарьский **И**нъ Селицкий на мѣщанъ Менскихъ, на Ходора Воронца, а на Василя Рыленковича, который въ правѣ мовиль за дрѹгого Василя Сысоѣвича тымъ шбычаѣмъ: єздиль єсми до Менска посланъємъ пана воєводы єго милости Виленскаго, штожь тыи мѣщане били слугъ князя Богдановыхъ Жаславскаго, державца Менскаго, и въ томъ тыи¹ мѣщане зостали винни; и проѣзду моєго на нихъ перепало ми десять копъ грошей на двухъ на нихъ. И шни ми того проѣздѹ моєго платити не х[о]тятъ.

И мы спытали тыхъ мѣщанъ: што къ тому шпоръ маѣте?

И шни рекли передъ нами: правда, знаѣмъся къ тому, ижь єсмо шстали винни, и тыхъ слугъ князя єго милости переєднали передъ Селицкимъ, а за проѣздъ єго, што шнѣ для насъ до Менска єздиль, мещане черезъ войта Гринашка Богдановича дали ємѹ шесть золотыхъ черленыхъ, шкромъ того, што єсмо давали єму страву на самого и на кони єго.

И Селицкий рекъ: знаюся къ тому, ижь даль ми войтъ ш мѣщанъ 5 золотыхъ за страву, а шостый золотый даль ми єстовавши мѣщанинъ Пашко Євлашквичъ.

И тыи мѣщане послалися на войта Менскаго Гринашка Богдановича

|| (л. 131) на томъ, ижь єму даль шнѣ за проѣздъ тую шесть золотыхъ, а не за страву.

И маѣтъ Гринашко передъ нами сознати межи ними шчивисто: єсли будетъ даль за проѣздъ єго, маѣтъ Селицкий на томъ досытъ, а зъ войтомъ себе нехай будетъ мовити²; а сознаѣтъ ли войтъ, ижь за страву будетъ єму тыи золотыи даль, мають тыи мѣщане проѣздъ єго платити, водле слушноє речи.

14.³—1517, 23 августа. Жалоба Волынскаго землянина Мышки (Холуневскаго) на Полоцкаго боярина Михаила Ѳедьковича, который не хочеть дѣлитъ имѣній—Поляны и Усая.

И, **И**нъ Миколаѣвичъ, маршалокъ земский, державца Слонимский. Жаловаль господарю королю єго милости землянинъ єго милости Волынский Мышко на боярина Полоцкаго на Михайла Ѳедьковича тымъ шбычаѣмъ: штожь шнѣ держитъ именья падчѣрици⁴ єго, дочки Михайловоє Ѳедьковича, Поляны⁵ а Усая, а съ нимъ делити не хочеть.

И господарь єго милость приказаль намъ того межи ними досмотрети и справедливость тому вчинити.

И мы шбсылали Михайла служебникомъ нашимъ Васкомъ **И**нковичомъ, абы передъ нами къ праву сталь и, не росправившися, тыхъ именьей не делилъ съ своѣки своими, подъ зарѹкою господарьскою подъ трема сты копами грошей.

И шнѣ передъ нами на тотъ часъ не сталь и въ томъ ся съ нимъ не росправиль. Писанъ въ Полоцкѹ, август[ъ] 23 день, индик[т]ь 5.

¹ Это слово вписано надъ строкою. ² Въ подл. описка: «мовити». ³ См. выше, Вторая Книга Судныхъ Дѣлъ, документъ № 448. ⁴ Здѣсь ѵ переправлено изъ а. ⁵ Во Второй Книгѣ Судныхъ Дѣлъ (документъ № 448) имѣніе это названо: «Опола».

15.—(безъ даты). Опреѣленіе по жалобѣ Яна Нарушевича на Николая Олехновича о задержаніи чловѣка.

|| (об. л. 131) И, Ииъ Миколаѣвичь, маршалокъ земскій, державца Слонимскій. Жаловаль намъ панъ Ииъ Нарѣшевичь на пана Миколаа Шлехновича тымъ шобычаѣмъ: не вѣдаю, которымъ шобычаѣмъ держитъ члѣвка моѣго, на имя Нарѣкеля, зъ ѣго сынми именья моѣго Шшменского, которого га маю въ дѣлу ѿ брата моѣго пана Павла; а того члѣвка штець нашъ, купивши на тридцать летъ, держаль во впокои.

И панъ Миколай мовиль передъ нами: га того члѣвка купиль въ ботарина господарьского въ Стецка Ѣдковича, и листъ купчий на то маю.

А панъ Ииъ повѣдилъ передъ нами, ижъ листъ судовой маѣтъ князя Васильа Жилинского, какъ шнъ Медники держаль, ижъ ихъ смотрель, и казалъ пану Миколаю на томъ истци на Стецкѣ¹ пѣнязей своихъ смотрети, а тому Стецку пану Ииу казалъ того члѣвка поступити.

И мы сказали имъ съ шбу сторонъ листы передъ нами положити, какъ служба господарьскага и земскага шминеть, тогда маѣмъ на конецъ межи ними сказати.

16.—(безъ даты). Опреѣленіе по жалобѣ Николая Мицковича на Лаврина Юшковича объ отнятомъ волокѣ на Руси.

|| (л. 132) И, Ииъ Миколаѣвичь, маршалокъ земскій, державца Слонимскій. Смотрели ѣсмо того д[ѣл]а. Стогли передъ нами шчивисто, жаловаль намъ панъ Миколай Мицковичь на пана Лаврина Юшковича тымъ шобычаѣмъ:

волокъ мой на Руси, съ которого га дань маю мѣдовую, ѿняль ми безправне; а га тотъ волокъ ма-мъ въ дѣлу ѿ нихъ.

И перво сего розмовяли ѣсмо то межи собою.

Панъ Лавринъ мовиль: ѣсли дей сознаѣтъ межи нами братъ нашъ панъ Бартко Станьковичь, ижъ бы шнъ вамъ тотъ волокъ ѿделиль, мы маѣмъ зъ братьѣю мовити съ паномъ Лавриномъ, а ѣму квалтъ и шкоды платити.

И тотъ списокъ шни передъ нами вказывали.

И панъ Бартко поведиль передъ нами тымъ шобычаѣмъ: га тамъ на Русии делиль межи людми ихъ землями, а того волока не ѿделиваль ѣсми, и не рушаль ѣсми старого дѣлу.

И панъ Миколай хотель сказанья мети ш квалтъ.

И панъ Лавринъ мовиль передъ нами: самъ-шдинъ ѣму не хочу достояти права: коли будутъ шсполъ со мною братья мога, тогда ѣму ѿкажу || (об. л. 132) въ томъ, и съ² паномъ Барткомъ будемъ мовити.

И мы то ѿложили: коли служба господарьскага и земскага шминеть, мають межи собою ш то мовити, або право вести.

17.—(безъ даты). Лавриновъ Юшковича списокъ, што ся записаль пану Миколаю Мицковичу, который передъ паномъ ѣго милость[ю] покладали:

Розмовяли промежи себе панъ Миколай съ паномъ Лавриномъ и зъ ѣго братьѣю.

Напервей жаловался панъ Миколай на пана Лаврина и на ѣго братью ш

¹ Эти два слова вписаны надъ строкою. ² Этотъ предлогъ вписанъ послѣ.

волокъ, который жо волокъ въ ихъ сторонѣ: штожь іа тотъ волокъ мѣль после делу чотыры годы во впокои; ино панъ Лавринъ зъ братьсю своєю квалтомъ ми тотъ волокъ ѿняли.

И панъ Лавринъ зъ братьсю своєю рекъ: мы того не вѣдаемъ, мы у твоѣй милости ни какого волоку не ѿнимали; нижли намъ тотъ волокъ достался въ делу ѿ пана Бартка, какъ єсмо землю делили и границѣ вчинили.

И ѿложили то до пана Бартка: єсли панъ Бартко речеть тою мерою—«коли єсмо делили межи собою землю, а того волока єсмо не выйменовали», тогда панъ Миколай масть съ паномъ Барткомъ ш томъ мовити, а панъ Лавринъ зъ братьсю ѿ того правъ; а єсли панъ Бартко речеть—«выйменовали єсмо тотъ волокъ на дѣлу», тогда панъ Лавринъ зъ братьсю своєю масть того на пану Бартку искати, а пану Миколаю квалтъ и шкоды платити.

18.—1518, 12 іюля. Рѣшеніе по жалобѣ Виленскаго мѣщанина Яна Гузнища на служебника Гаштовтова Юрья о порукѣ.

Панъ єго милость казалъ про память записати. Жаловалъ мещанинъ Виленский Іанъ Гузнище на Юрья, служебника пана Кгаштовтова, штожь шнъ ручиль єму по слuze своємъ по Сакольци полторыи копы грошей.

Также и передъ нами тотъ Юрьѣ¹ къ той паруце знался.

И мы, подлугъ вызнаныа єго, казали || (л. 133) єсмо єму тую полторыи копы грошей тому Іанѣ² заплатити, и рокъ єсмо єму положили по святомъ Ильи въ неделю тыѣ пенези тому Іану

заплатити; а єсли бы шнъ єму тыхъ пенезей на тотъ рокъ не заплатилъ, и шнъ єму масть три копы грошей заплатити зъ навязкою, какъ ся и самъ поддалъ. Писанъ у Вильни, іюль 12 день, индик[т]ъ 6.

19.—1518, 8 іюля. Рѣшеніе по двумъ жалобамъ королевскаго дворянина Шимка Скиндиря на Анну Богушовую Петьковича—о неправильно составленномъ завѣщаніи и о храненіи документовъ.

И, Іанъ Миколаєвичъ, маршалокъ земский, державца Слонимский. Смотрели єсмо того дела.

І.—Стогали передъ нами шчивисто, жаловалъ намъ дворянинъ господаря короля єго милости Шимко Скиндиръ на Богушовую Петьковича Ганну тымъ шбычаемъ: держитъ два имениа, Барово а Колодези а дворець Лычичи, близкость жоны моѣѣ, которыи имениа мели бы приити жоне моѣѣ, и ктому скарбы мужа своѣго небожчика Богушовы, пѣнязи, золотыи², шаты и инныи многии речи, а жонѣ моѣѣ поступити тыхъ имѣней и тежь скарбовъ, и пѣнязей, и шатъ дати не хочеть.

И мы спытали Богѣшовоѣ: што къ тому ѿпоръ маешъ?

И шна мовила передъ нами: іа, господине, зостала после пана своѣго на тыхъ имениахъ, какъ то на Ѹдовьємъ стольци, а скарбовъ ни которыхъ нѣ³ маю.

И Шимко мовиль передъ нами: пани Богушовага масть тастаментъ пана своѣго. Кажите, ваша⁴ милость, єй тотъ тастаментъ передъ собою положити: радъ быхъ єго слышалъ.

¹ Въ подл. описка: «Юрью». ² Въ этомъ словѣ слогъ *ло* вписанъ надъ строкою.

³ Здѣсь *н* поправлено изъ *и*. ⁴ Въ подл. описка: «вашо».

И мы казали тотъ тастаментъ Богушовой передъ нами положити. И она его передъ нами положила. Пишетъ въ томъ тастаменте, ижь мужъ еѣ Богушь записалъ еѣ некоторыи шаты и золотыи пѣнязи, а ктому записалъ еѣ имень е св[оѣ] || (об. л. 133) Барево въ двѣ сту золотыхъ безъ двадцати золотыхъ, а дядьковичу своему Войтку въ Колодезехъ третью¹ часть на вечность, а на двѣ частехъ триста золотыхъ ему жъ записалъ.

Ино Шимко взялъ собѣ на розмышленъ е ш тотъ тастаментъ до третего дня.

А потомъ какъ третий день пришло, и она мовилъ передъ нами: тому тастаменту ганю, бо дей несправедливый тастаментъ: не хочу его держати за тастаментъ, для тоѣ причины, ижь записалъ на Баревѣ жоне своѣй двесте золотыхъ безъ двадцати золотыхъ, а того имень тоѣ не стоить; а брату своему на другомъ именьи третью часть, а на двухъ частехъ триста золотыхъ; а въ томъ намъ кривда великаа десть; а рухомыхъ речей ничего намъ не досталоса.

И Богушова мовила: што она вспоминаетъ передъ вашою милостью ш статки небожчиковы мужа моѣго, после того тастаменту шбернулъ мужъ мой шаты и пѣнязи ку своѣй потребѣ, бо тотъ тастаментъ чинилъ передъ смертью своєю за полтретья года.

И мы тую речъ и какъ ся тотъ тастаментъ въ собѣ маеть повѣдили есмо паномъ ихъ милости.

И ихъ милости ся видело, ижь тастаментъ не слушнымъ² шбычаемъ писанъ, ш великой сумѣ жоне своѣй Барѣво³ записалъ, а Колодези тежъ

неслушне брату своему дядьковичу ш ближнихъ своихъ записалъ. И ихъ милость тотъ тастаментъ казали содрати, и велели ихъ милость межи ними сказати, водле права земского, тымъ шбычаемъ: Богушова маеть на тыхъ именьахъ на Барѣвѣ⁴ а на Колодезехъ а на Лычичохъ седети на вдовьемъ столци до живота своѣго, а зъ ближнихъ не маеть еѣ ни хто съ тыхъ имень рушати; а всхочеть ли она замужъ поити, хто ближний къ тымъ именьемъ будетъ зъ роду Богушо(л. 134)ва, тотъ маеть еѣ вѣна, подле права земского, шложить тридцать гривенъ, а именьа къ своѣй руде взяти.

II.—И тежъ вспоминалъ передъ нами Шимко ш листы купчии закупныи, которыи Богушова по пане своемъ маеть на люди и на земли къ тымъ именьемъ.

И Богушова повѣдила передъ нами: маю дей листы вси въ плебана Ивейского захованы.

И мы такъ межи ними вчинили: которыи листы будутъ, маеть она ближнимъ шдати въ тотъ часъ, коли бы замужъ пошла; а хотя и не поидеть замужъ, мають до часу тыи листы зъ шбу сторонъ подъ сведомомъ захованы быти; а коли часъ вкажетъ, ближнимъ мають шданы быти. А што ся дотычетъ рухомыхъ речей, шатъ, пѣнязей, золотыхъ, того на Богушовой ничего не мають ближнии поискивати, бо доводу ни которого въ тотъ часъ не вчинили передъ нами; а хотя бы што ся и шстало рухомыхъ речей, не мяло бы ш неѣ шдалено быти, какъ есть шбычай, ижь она неповинна ни кому статковъ мужа своѣго давати, безъ тастамента справедливого. И на то дали

¹ Въ подл. описка: «третую» ² «служнымъ». ³ Здѣсь ш переправлено изъ о.

⁴ Здѣсь первое ш переправлено изъ о.

ѣсмо Богушовой Ганне сесь нашъ листь судовый подь нашою печатью. А при томъ былъ панъ Богданъ Довкгирдовичъ. Писанъ 8 Вильни, июль 8 день, индик[т]ъ 6.

20.—1518, 7 июня. Рѣшеніе по жалобѣ служебника земскаго маршалка (Я. Н. Радивила) Сеньки Шоставицкаго на Здитовскаго боярина Василія Ельца, который завладѣлъ крестьяниномъ, принадлежащимъ церкви Святаго Спаса въ Оловли.

Приказанъѣмъ господаря нашего пана Яна Миколаѣвича, маршалка земскаго. И, Мартинъ Мелешковичъ, а Ивашко, намѣстникъ Слонимский, а Илья, маршалокъ пана ѣго милости, а Ивашко, писарь пана жъ ѣго милости. Смотрели ѣсмо того дела. Стоали передь нами вчивисто, жаловаль намъ || (об. л. 134) служебникъ пана ѣго милости Сенько Шоставицкий на боарина Здитовскаго пана жъ ѣго милости Василія Ельца тымъ вбычаѣмъ: держитъ внъ члѣвка ц[е]рковного влас[т]ного въ Лесковичахъ, што предокъ мой, штець Юхновъ, первого мужа жоны моѣѣ, на ц[е]рковь зъ землю далъ, найма Земя Бурмачича.

И мы спытали Василія Ельца: што къ тому впоръ маѣшь?

И внъ мовиль передь нами: купиль ѣсми того члѣвка въ предка ѣго Юрья Мархотчича за десять золотыхъ.

И Шоставицкий къ тому мовиль: держишь ты того члѣвка ц[е]рковного, а не купиль ѣси ѣго.

И Василей Елецъ положиль передь нами листь купчий того предка ѣго—Юрьѣвъ Мархотчича. И въ томъ листе стоить, ижъ того члѣвка, вышомененно-

го Земя, Юрьи ѣму продалъ за десять золотыхъ.

И Сенько Шоставицки[й] къ тому мовиль: тотъ листь не ѣсть справедливыи, а бы предокъ мой того члѣвка ѣму продалъ.

И Василей подаль светки, который при томъ были: боарина Кобринскаго¹ Ёска Данильѣвича, штожъ и печать ѣго въ того листа, и ктому и иншихъ людей, на томъ, ижъ внъ при той купли былъ и печать свою къ тому листу приложилъ.

И Сенько Шоставицкий того члѣвка вбралъ и послался.

И Ёско вказаль до насъ тымъ вбычаѣмъ: га дей при той купли не былъ, ани тому ѣсми звѣдомъ, ани печати своѣй къ тому листу не прикладываль.

Ино, водлугъ свидетельства Ёскова, ижъ Василей Елецъ на него послался, а Сенько Шоставицки[й] къ ѣго шапце приставиль, и внъ того ничего не вызналъ,—мы, тому порозумевши, нашли ѣсмо Сенька Шоставицкаго въ томъ правого и того члѣвка Зѣмя || (л. 135) Бурмачича и зъ землю ѣго ѣму присудили, и казали ѣсмо ѣго Шоставицкому зася къ церкви Божьѣй въ Оловли къ Святомъ Спасу привернути, по тому, какъ предокъ ѣго того члѣвка на церковь² далъ: маѣть тотъ члѣвкъ къ церкви служити и дети ѣго съ тою землею, на которой внъ теперь сидеть; а што Елецъ держаль того члѣвка въ себѣ семь летъ не слушнымъ вбычаѣмъ, велели ѣсмо ѣго навѣзати также члѣвомъ даннымъ, або десять копъ грошей маѣть ѣму навязки³ заплатити; а што внъ будетъ съ того члѣвка дани медовоѣ и полатовъ грошевыхъ въ тыи лѣта взялъ, на што доводъ слушний тотъ члѣвкъ

¹ Въ подл. перепутано: «Корбынскаго» ² «црковъ». ³ Въ подл. «завязки».

вчинить, масть Елецъ то заплатити. И на то дали есмо Сеньку Шостовицкому сесь нашъ листъ судовой подъ нашими печатьми. Писанъ 8 Слониме, июнь 7 день, индик[т]ъ 6.

21¹.—(безъ даты). Рѣшеніе по жалобѣ Свислочскихъ мѣщанъ на державцу Свислочскаго Громыку и на его слугу Васька Елозу о заборѣ денегъ и нанесеніи побоевъ.

|| (об. л. 135) Приказанъ есмь господаря короля его милости. И, Янъ Николаевичъ, маршалокъ земскій, державца Слонимскій, а Аврамъ Езоовичъ, подскарбий земскій, староста Ковенскій, а Копоть Васильевичъ, писарь господаря короля его милости, державца Перевальскій. Смотрели есмо того дѣла. Стояли передъ нами шчевисто, жаловали намъ мещане Свислоцкїи, наймя Сивко Козуличъ, а Хотьянъ Задобрицкий, съ потужники своїми, на пана Громыку, державцу Свислоцкого, ключника Виленского, тымъ обычаемъ: взялъ дей на насъ не малую суму пѣнязей, какъ замокъ Свислочь зарубилъ.

Ино въ тотъ часъ панъ Громыка передъ нами самъ не былъ, нежли слуга его Васко Елоза² былъ передъ нами и мовилъ тымъ обычаемъ: панъ дей мой того на нихъ не бралъ, какъ они передъ вашою милостью жалуютъ.

А потомъ жаловали намъ тыи мещане: тотъ дей Васко Елоза з-ыншими товариши своїми, съ слугами пана своего, и з-ыншими, зъ направи пана своего, вбили до смерти доброго члѣвка волостного, наймя Михаля Секину съ Каменя,

который передъ тымъ вядникомъ бывалъ 8 Свислочи.

И мы спытали того служебника пана Громычина Васка Елозы: што къ тому ѿпоръ маешъ?

И шнъ мовилъ передъ нами: га того члѣвка не вбилъ, ани въ томъ есми ви-ненъ: мусять шни то зъ вазни на пана моего и на мене.....³ Нежли правда, битъ тотъ члѣвкъ на мѣсте, снать дворяне господарьскїи его били, а га не⁴ былъ въ тотъ часъ тамъ при томъ. А што шни поведають передъ вашою милостью, а бы тотъ члѣвкъ вмеръ съ того бою, ино и те|| (л. 136) перъ шнъ живъ естъ и здоровъ; а шни то мовять зъ направи на пана моего.

И тыи мещане приставили шапки свои до свѣтъковъ съ проѣзду дворянину господарьскому, съ тридцати рублевъ грошей, на томъ, ижъ того мещанина Васко вбилъ.

И Васко ку ихъ светкомъ шапку свою приставилъ.

И мы сказали на то е дѣло ехати дворянину господарьскому Яну Селицкому.

И пытали есмо светковъ въ⁵ тыхъ мещанъ, и шни выменили передъ нами светковъ мещанъ Свислоцкїихъ, наймя Гриня Косила, а Саву Морхотчича, а Еска Микитича, а Ходота Думича.

И Васко на тыи ихъ светки послался.

И мы Яну Селицкому казали тыхъ светковъ шпытати и намъ ѿказати. Писанъ въ Кракове.

Ино то е свидетельство ѿказалъ намъ Ианъ Селицкїи:

Напервѣй свѣтчилъ Гринъ Косило: былъ дей есми того часу 8 своимъ дому, а бою дей есми того не виделъ; нижли дей приходши семьянинъ мой

¹ Срвн. выше, во Второй Книгѣ Судныхъ Дѣлъ, документъ № 175. ² Выше (стлбц. 807): «Ялоза». ³ Какъ бы оставлено пустое мѣсто на одно слово. ⁴ Это отрицаніе вписано надъ строкою. ⁵ Этотъ предлогъ вписанъ послѣ.

повѣдилъ мнѣ: «бьютъ дей слуги Ботвиньсы Петраша Гупаловича на влици, а и самъ Иванъ Ботвиньс тутъ жо єго бьеть». И та дей рекъ: «по-дѣломъ єго бьютъ, не ходи до пѣяныхъ людей». И мало того погодивши, лежу собѣ подъ шконцомъ въ дому,—ажно Михалѣ ведеть Єско Микитичъ битого, и та єго шпыталь: «хто єго билъ», и шнѣ ми рекъ: «Иванъ Ботвиньс єго билъ и зъ слугами своими». А и самъ ми то Михалъ Селкиня (sic) поведалъ, штожъ єго Ботвиньс билъ. А дрѹгий свѣтокъ рекъ Савко Морхотчичъ: та дей єсми дома не былъ, былъ єсми на ниве, || (об. л. 136) того ни чого бою не видель; нишли какъ пришоль єсми съ поля, ино жона мога повѣдела мнѣ, штожъ Михалѣ билъ Иванъ Ботвиньс зъ слугами, а панскихъ дей слугъ ни кого при томъ не видела. А третій свѣтокъ вырекъ, наима Ходоръ Думичъ: въ моємъ ся дому дѣтало, та дей стоялъ передъ ворота своими и зъ батькомъ своимъ, и слышалъ дей єсми крикъ въ дому, и та посмотрю,—ажно Михалѣ бьютъ слуги Ивановы Ботвиньсвича, а шнѣ самъ Ботвиньс тутъ же стоять (sic), а потомъ выволокли єго на шлицѹ, и тамъ єго ¹ стали больши бити; а того не вѣдаю, за што почали бити; а слугъ панскихъ на тотъ часъ не видель єсми ни кого. А четвертый свѣтокъ, наима Єско Микитичъ, все по тому жъ свѣтчиль, какъ и тотъ верхшписанный свѣтокъ: и та дей то видель, штожъ Иванъ Ботвиньс и зъ слугами своими Михалѣ били, а намѣстникъ панский передъ моими сѣнцами пѣянь спить: честоваль пана Ивановыхъ слугъ намѣстника Бобруйскаго; и какъ єго покинул[и] бити, и та, Михалѣ взявши на себе, и принесъ єсми єго ш дворъ

въ Косиловъ; а больши дей того не вѣдаю ни чого. Ино на завтреѣ порану самъ Михалъ поведалъ намъ всимъ, штожъ єго Иванъ Ботвиньс билъ зъ слугами своими, а панскихъ дей слугъ ни кого тамъ въ тотъ часъ не было.

И мы, водле шказу Селицькаго, нашли єсмо слугу пана Громычина Васка Єлозу правого, а тыхъ мешанъ и людей вышемѣненныхъ въ томъ проезде винныхъ. Писанъ ш Берестѣи.

22².—1518, 8 июля. Подтвержденіе маршалковскимъ судомъ двукратнаго постановленія полюбовныхъ судей, которые предоставили Троцкому тивуну Мацку Кунцовичу владѣть половиною имѣній Меречь и Варишки, впредь до уплаты ему долга Анною Бартошевою Таборовича.

|| (л. 137) Мы, Ианъ Миколаѣвичъ, маршалокъ земский, державца Слонимский, а Юрьи Миколаѣвичъ, староста Городенский, державца Мойшегольский, а Ианъ Иновичъ Заберезынский, воєвода Новгородский, державца Марковский. Смотрели єсмо того дела. Стогали передъ нами шчивисто, жаловала намъ пани Бартошова Таборовича, маршалковага господаря короля єго милости, пани Ганна на пана Мацка Кунцовича, тивуна Троцкаго, тымъ шбычаємъ: держить два имениа шчизныхъ (sic) пана моєго, Меречь а Варишки, которые бы мели єму со мною по жоне єго на-полы приити; и шнѣ со мною тыхъ имень делити не хочеть, а повѣдаеть, а бы єму присужоно на мнѣ некоторага сума пѣнязей, и въ тыхъ шнѣ пѣнязехъ держить часть мою; ино та рада быхъ передъ вашою милостью слы-

¹ Это слово вписано надъ строкою. ² Срвн. выше во Второй Книгѣ Судныхъ Дѣлъ, документы №№ 194 и 221.

шала ѿ него, которою мерою шнѣ держитъ тыи имениа, Меречь а Варишьки.

И мы спытали пана Мацка Кунцовича: што къ тому ѿпоръ маѣшь?

И панъ Мацко мовиль передъ нами: перво сего, ещо за живота пана еѣ пана Бартоша, мелъ есми зъ его милостью ш тыи имениа, ѿчизнѣ жоны моѣѣ, право и ш серебро и ш домовыи статки и ш стадо свирепѣ жоны моѣѣ передъ полюбовными судьями, передъ паномъ Иномъ Стецковичомъ, какъ былъ старостою Дорогицкимъ, а передъ Михномъ Вышегородскимъ, а передъ Мишкомъ Вежкгайловичомъ, а передъ Степаномъ Кончомъ. Тыи судьи съ права сказали ми, выкупивши Меречь Ѹ Ермола Слотовича, мѣщанина Виленского, што шнѣ же былъ заставиль, со мною на-полю поделити, какъ то ѿчизну жоны моѣѣ. И тежь што было серебра и статковъ домовыхъ и стада свирепѣ (sic), въ томъ мнѣ ни въ чомъ дѣлу дати не хотель; а потомъ самъ вмеръ, имениа не выкупивши и со мною делу не вчинивши. И га жаловаль господарю королю его милости. Его милость менѣ съ паннею Бартошовою съ паны радами своими смотрель, и нашолъ менѣ правого, и тоѣ имениѣ Меречь казалъ его милость паней Бартошовой въ Ермолы выкупити и со мною ровный дель вчинити, и роки три его милость положиль, по дванадцати недель. И шна того имениа на тыи роки не выкупила. И его милость господарь казалъ менѣ въ тоѣ имениѣ Меречь Ѹвезати пану Богдану Довкгирдовичу, въ серебре и во всехъ статкахъ домовыхъ, а стадо ѿчизноѣ жоны моѣѣ казалъ его милость ей мнѣ вернути. И шна того ни чога, што ся дотычетъ серебра и статковъ домовыхъ, со мною не поделила, ани стада ѿчизного жоны моѣѣ мнѣ ѿдати

не хотела. А потомъ межи нами повторе полюбовныи судьи, которыхъ пани Бартошовата съ своѣѣ рѣки шбрала, насъ смотрели: панъ Инушь Костевичъ, воѣвода Витебский, а князь Иванъ Андрѣевичъ Полубенский, державца (об. л. 137) Жолудский, а панъ Иванъ Андрѣевичъ, подскарбий дворный господаря короля его милости, державца Веленский, а панъ Добко Скилондевичъ, хоружий земский, а панъ Ианъ Скиндиръ, а панъ Богданъ Довкгирдовичъ. И досмотревши насъ ш серебро и ш статки домовыи, съ права пани Бартошовата присягнула, ижъ ничего серебра и статковъ не нашла въ пана своѣго, какъ за него пришла, кромъ шдноѣ ложки серебряноѣ; и коли шна присягнула въ томъ, была права. Нежли га передъ тыми жъ судьями вышеменеными нашолъ на ней двадцать свирепъ стадныхъ ѿчизныхъ жоны моѣѣ, што после тѣстя моѣго панъ еѣ панъ Бартошь собѣ побраль. И тыи судьи, досмотревши того, менѣ нашли правого, подле сведецтва ботаръ господарскихъ Ейши[ш]ского повѣта, наймя Иамонта а Шлехна а Мартина а Римка, и господарю его милости ѿказали. И его милость господарь съ паны радами своими велель сказати тымъ судьямъ за тую двадцать свирепъ и за приплодокъ ихъ, што бы мяло быти за пять летъ, чотыри ста копъ грошей. И тыи судьи, пановѣ, сказали мнѣ на ней чотыри ста копъ грошей, и листъ свой судовый на то дали, и казали держати тыи двѣ части паней (sic) Мерецкого имениа и Варишокъ до тыхъ часовъ, поки мнѣ ѿдасть чотыри ста копъ грошей.

И тотъ шнѣ листъ судовый тыхъ вышемененныхъ судей передъ нами вказываль. Въ томъ листе стоить, ижъ шни пану Мацку присудили на томъ имении

Мѣречи и на ¹ Варишъкахъ, на половици панес Бартошовоѣ, за стадо свирепѣѣ ѿчизноѣ жоны ѣго чотыри ста копъ грошей.

И мы, выслухавши того листа судового и тому врозѣмевши, нашли ѣсмо пана Мацка правого, и тую чотыри ста копъ грошей на паней Бартошовой ѣму сказали, и казали ѣсмо часть ѣѣ, половицѣ Меречи и Варишковъ (sic) ѣму держати до тыхъ часовъ, поки ѣму тую суму пѣнязей чотыри ста копъ грошей пани Бартошоваѣ ѿложитъ; а ѿложивши тыи пенязи, маѣтъ съ нимъ тыѣ именьа Меречь а Варишки на-полы держати. И на то дали ѣсмо пану Мацку сесъ нашъ листъ судовый подъ нашими печатями. Писанъ ѣ Вильни, июль 8 день, индик[т]ъ 6.

23.—1518, 2 декабря. Рѣшеніе по жалобѣ Анны Якубовой Яцковича на Кирилла Туровича о долгѣ.

|| (л. 138) Приказанъѣмъ господаря короля ѣго милости. **И**, **И**нь Николаѣвичъ, маршалокъ земский, державца Слонимский, а Богушь Боговитиновичъ, маршалокъ и писарь господаря короля ѣго милости, державца Каменецкий. Смотрели ѣсмо того дѣла. Стоѣли передъ нами ѿчивисто, жаловала намъ пани Якубовата Яцковича Анна на Курила Туровича тымъ ѿбычаѣмъ: заставилъ мнѣ члѣвкъ ѣго, наима² Глебоко, млынъ свой въ ѿсеми копахъ грошей; ино тотъ млынъ панъ Курило въ мѣне ѿнялъ на себѣ, а тому члѣвку своѣму приказалъ пѣнязи мнѣ платити; ино члѣвкъ въ него вмеръ, а мнѣ тыи пѣнязи не заплачоны, и статки того члѣвка и теперъ въ нихъ суть.

И мы спытали Курила Туровича: што къ тому ѿпоръ маѣшь?

И ѿнь мовилъ передъ нами: знаюся къ тому, ижъ іа на томъ члѣвку своѣмъ казалъ панѣй³ Якубовой пѣнязей своихъ смотрети; ино тотъ члѣвкъ вмеръ, а статки ѣго и теперъ суть; нежли тотъ члѣвкъ достался после того брату моѣму Сеньку.

И мы, тому порозумевши, водле вызнанъа ѣго, казали Курилу тую ѿсеми копъ грошей паней Якубовой платити съ ст[ат]ку того члѣвка, кромъ земли ѣго; маѣтъ Курило, статокъ того члѣвка побравши въ брата своѣго, тую ѿсеми копъ грошей заплатити въ чотырохъ неделяхъ, то ѣсть по Божѣмъ Нароженьи въ тыйденъ приидучого свята; а ѣесли бы Курило не хотель съ статку того члѣвка паней Якубовой платити, и мы маѣмъ казати на самомъ Куриле тую ѿсеми копъ грошей справити и паней Якубовой ѿдати. Писанъ въ Берестѣи, декабрь 2 день, индик[т]ъ 7.

24.—1518, декабрь. Определеніе по жалобѣ Берестейскихъ землянъ Токаревскихъ на Кирилла и Семена Туровичей о пограничномъ спорѣ.

|| (об. л. 138) **И**, **И**нь Николаѣвичъ, маршалокъ земский, державца Слонимский, а панъ Богушь Боговитиновичъ. Жаловали намъ земляна (sic) Берестейского повѣта Лычъ Ивашковичъ и зъ братьѣю своѣю, Токоревский, на Курила а на Сенька Туровичовъ тымъ ѿбычаѣмъ: дѣржать подъ собою поля и сеножати и дубровы наши ѿчизныи (sic) Шловыничѣ; и ѿни, посполъ съ нами згодившися, подписалися намъ листомъ добровольне, и съ ѿбу сторонъ на то

¹ Въ подл. описка : «но». ² Это слово вписано надъ строкою. ³ Въ подл. описка: «панѣй».

судьи полюбовныи взяли: пана Миклашка¹ Скирвина а пана Матыаса Чижовского, а пана Стецька Кричовского, и рокъ тому есмо межи собою положили; и шни на тьи роки ку праву сами стати не хотели, и судей не вывели, не вѣдаемъ—которымъ обычаемъ; и нами волочать, а въ томъ намъ шкода ся великаа десть.

И мы спытали Туровичовъ: што къ тому шпоръ маете?

И шни мовили къ тому передъ нами: который шни листъ нашъ передъ вашою милостью вказываютъ, мы къ тому листу ся знаемъ, и теперь ся того держимъ—хочемъ съ ними право мети; нежли для того есмо съ ними права не вели, ижъ зашла была служба господарьскаа и земскаа всихъ насъ; а теперь рачте ваша милость, рокъ подобный намъ положити: мы хочомъ² тьи судьи верхумененыи межи собою и теперь вести на тьи земли.

А съ шбу сторонъ на тьи судьи передъ нами зволили.

И мы имъ рокъ положили ку праву стати и судьи свои вывести по Божьемъ Нароженьи приидучого свята въ тый-день, подъ страченьемъ права, котораа сторона станеть и судьи съ собою выведеть, тьи конецъ мають межи ними³ вчинити; естли бы котораа сторона* не стала, для шволоки права, и шни сами ся къ тому зволили: а естли бы котораа сторона* не стала, таа право тратитъ. Писанъ въ Берестьи, дек[абрь]⁴, индик[т]ъ 7.

25.—1518, 18 декабря. Рѣшеніе по взаимнымъ жалобамъ писаря Жмудскаго старосты—Андрея, Зельвенскаго намѣст-

ника Войташка и Берестейскаго старосты Юрья Ильинича о разбояхъ и убійствахъ между ихъ людьми.

|| (л. 139) Приказаньемъ господаря нашего великого короля Жикгимонта. Мы, Ианъ Миколаевичъ, маршалокъ земский, державца Слонимский, а Шльбрахтъ Мартиновичъ Кгаштовтовича, воєвода Полоцкий, державца Мозырский, а Якубъ Кунцовичъ, конюший дворный и Трощкий господаря короля его милости, державца Василишский и Волкиницкий и Лепунский, лесничий Городенский. Смотрели есмо того дѣла.

I.—Стогали передъ нами шчивисто, покладавъ передъ нами жалобу писарь пана старосты его милости Жомоитского Андрѣй, а намѣстникъ егожь милости Зельвенский Войташко. Тымъ обычаемъ жаловалъ намъ Войташко на войта и на вси люди пана Юрьевы Ильинича, старосты Берестейского, на Сидоровичи: шбыежчалъ дей есми пушчъ и сеножати пана его милости, и ехалъ есми зъ села панского съ Черноѣ Лозы на тоѣ село Сидоровичи добровольною дорогою, куды есми передъ тымъ ежчалъ безъ кождоѣ зачекки; а въ тотъ часъ ехалъ со мною богаринъ пана его милости, тестъ мой Шлехно, а Балцаръ пушкаръ и иншии слуги путныи панскии и мои слуги; и к[г]ды есмо приежчали къ селу, ещо есмо въ село не вѣехали, собравшиися люди зъ села и заступивши намъ дорогу, почали насъ бити безвинно; и въ тотъ часъ забили на смерть тѣстя моѣго Шлехна, а дву слугъ путныхъ панскихъ, найма Ирутку а Кулока, тежъ на смѣртъ въ тотъ часъ забито; а Балцаря пушкаря а слугъ моѣго Ианка ранили.

¹ Въ этомъ словѣ слогъ *кла* надписанъ сверху; сперва было: «Мишка». ² Второе о въ этомъ словѣ поправлено изъ е. ³ Послѣ сего излишне повторено: «конецъ». * Въ подл. описка: «старова». ⁴ Числа нѣтъ; оставлено пустое мѣсто.

И мы спы|| (об. л. 139) тали войта пана Юрьѣва, старосты Берестейского, и ¹ людей ѣго милости Сидоровичовъ: што къ тому ѿпоръ маѣте?

И ѿни мовили передь нами: приѣхали ѿни мощно квалтомъ на село нашо, и напервей зажгли гумно зъ житомъ, зъ ѣриною, и почали жонки бити и рѹбати, а потомъ приѣхали—другого гумна жечѣ, и мы ся ѿ нихъ почали боронит[и]; а въ томъ того Шлехна боарина и слугъ побито², за ихъ початкомъ.

И мы спытали намѣстника пана старостина Зельвенского Войташка: маѣшь ли ты на то слушный доводъ, а бы вы добровольне дорогою ѣхали, безъ каждоѣ зачепки, а ѿни васъ напервей³ почали бити?

И ѿни выдали три светки, которыи зъ ними ѣхали, а ктому двухъ светковъ простыхъ людей.

Ино люди пана Юрьѣвы тыхъ светковъ не принели и повѣдили передь нами, ижъ бы посполъ съ ними тыѣ люди на село ихъ наѣжчали.

Икожь ся и намъ не видело за светки мети, ижъ то речъ ѣсть великаѣ, —пытали ѣсмо въ него иного доводу.

И ѿнѣ мовиль передь нами: не маю иного доводѹ, готовъ ѣсми на томъ самъ-третей присягнути, ижъ мы ѣхали добровольне, безъ каждоѣ зачепки, и ѿни насъ напервей почали бити.

И тыѣ люди Сидоровичи къ присязе ихъ пустили.

Ино и намъ ся видело, ижъ бы Войташко самъ-третей присягнулъ на такой⁴ великой сумѣ пѣнязей, и вымѣнили передь нами пана Юрьѣвы люди || (л. 140) Балцаря пушкаря а Михна стрелца, которыи съ ними тамъ были. Ино въ тотъ часъ передь нами на праве не

быль Балцарь пушкарь, ани Михно стрелецъ⁵, для ранъ своихъ.

И мы имъ рокъ положили—две недѣли, то ѣсть передь Божьимъ Нароженьемъ за тыйдень, маѣть Войташко зъ Балцаремъ пушкаромъ а зъ Михномъ стрельцомъ на тотъ рокъ въ Берестьи стати и присягѹ вчинити; а ѣесли бы Балцарь съ тоѣ раны ѹмеръ, тогда на ѣго мѣстцо маѣть присягнути мѣщанинъ Мстибоговъский пана старосты ѣго милости Жомоитского Кузма Гостиловичъ; а ѣеслижь бы Балцарь на тотъ рокъ вышемененый стати въ Берестьи не могъ, для раны своѣѣ, ино намѣстникъ пана старостинъ Зельвенский Войташко маѣть намъ ѿповѣдити, и мы маѣмъ имъ другой рокъ и мѣстцо въ Порозове положити: мають тамъ присягу вчинити.

И тымъ ѿбычаемъ мають присягнути: «Мы, Войтехъ, а Балцарь, пушкарь, а Михно, стрелецъ, присягаемъ Богу и М[а]тцѣ Божии и всимъ святымъ, на томъ, штожь ѣхали ѣсмо черезъ село пана старосты Берестейского Сидоровичи зъ села панского съ Черноѣ Лозы, ино люди ѣго милости тыѣ Сидоровичи, зашодши намъ дорогу добровольную, и забили три головы, боарина панского Шлехна, шляхтича⁶, а дву слугъ путныхъ пана жъ ѣго милости, наима Ирутку а Кулока, а ранили того Балцаря а слугу моѣго, наима Ианка; а тыи три головы забитыѣ; а мы вси съ ними ни которого квалту, ани зачепки и пожоги, || (об. л. 140) и шкоды и наѣздки въ домѣхъ ихъ не чинили, а и жонокъ не рѹбали. Уесли справедливѣ присягаемъ, Боже, намъ помози, а ѣесли несправедливѣ присягаемъ, Боже, вбий насъ на души и на теле».

¹ Этотъ союзъ вписанъ надъ строкою. ² Въ подл. «побиты». ³ Въ подл. описка: «непервѣй». ⁴ «токой». ⁵ Въ подл. ѣ переправлено изъ ѡ. ⁶ Здѣсь т поправлено изъ ч.

Если шни на томъ присягнуть, мають тыи люди пана Юрьѣвы, старосты Берестейского, Сидоровичи, за голову Шлехнову, если будетъ шляхтичь, сто копъ грошей платити; а за Балцарову рану, если будетъ тежь шляхтичь, дванадцать рублевъ грошей; а за тыи двѣ головы путныхъ слугъ вышечисанныхъ—по дванадцати рублевъ грошей; а Войташковымъ слугамъ, которыи ранены а живы суть, навезка, подлугъ вроженыа ихъ; а еслижъ Войташко съ тыми вышечисанными, зъ Балцаремъ а зъ Михномъ, хотя шдинъ зъ нихъ который не присягнетъ, тогды люди пана Юрьѣвы, старосты Берестейского, Сидоровичи, мають присягнути на шкодахъ своихъ, котораа ся будеть имъ въ пожозе¹ ш нихъ стала, маеть Войташко съ тыми, съ которыми будеть на тоѣ село наѣжчалъ, вси тыи шкоды платити имъ, подлугъ присяги ихъ, а квалту пану Юрью, старосте Берестейскому, дванадцать рублевъ грошей.

Ино на тотъ рокъ передъ Божьимъ Нароженьемъ за тыйдень, Войташко самъ съ пушкаремъ съ панскимъ зъ Балцаремъ а слугою своимъ зъ Михномъ присягнули, а тотъ войтъ и люди пана старостины Сидоровичи ихъ къ присязе пустили.

И мы сказали за голову того боарина пана старосты ѣго милости Жомойтского за Шлехнову на тыхъ Сидоровичахъ сто копъ || (л. 141) грошей, а Балцарю пушкарю, навязки дванадцать рублевъ грошей, а слуге Войташкову Инку дванадцать же рублевъ грошей за бой ихъ, бо дей шни суть шляхтичи; и роки ѣсмо тому чотыри положили, по десяти недель: первый рокъ ш Божьѣго Нароженьа запусты Великии,

мають тыи Сидоровичи полчетвертадцать копъ грошей заплатити, а ш того року на другой рокъ въ десяти неделяхъ, то ѣсть по Велицедни въ трехъ неделяхъ, мають заплатити полчетвертадцать копъ грошей, а на третий рокъ по святомъ Петре ш полчетверты недели мають заплатити полчетвертадцать копъ грошей, а на четвертый рокъ по Матце Божьѣй Последней въ чотырехъ неделяхъ шстатокъ тыхъ пенязей полчетвертадцать копъ грошей мають заплатити. Писанъ ш Берестьи, декаб[рь] 18 день, индик[т]ъ 7.

|| (об. л. 141) II.—И при томъ повѣдиль намъ панъ Юрьи, староста Берестейский, и покладалъ² жалобу на того намѣстника на пана старосты ѣго милости Жомойтского Зельвенского Войташка: ижъ дей такъ три годы наѣхавши ми на тоѣжъ село ночнымъ деломъ, пожоги и шкоды великии поделалъ; и та жаловалъ на него пану старосте, и ѣго милость мель ѣго на шбочомъ праве поставити въ Порозовѣ; такъ жо и до сихъ часовъ въ томъ мнѣ справедливость ся не стала. Ваша милость, рачьте ми теперъ съ нимъ справедливость вчинити.

Ино Войташко мовиль передъ нами: та теперъ ѣго милости передъ вашою милостью ш правѣ не хочу стати: какъ ѣго милость почаль жаловати пану ѣго милости, нехай ѣго милость и теперъ жалуеть пану моѣму.

Ино панъ Юрьи, староста Берестейский, хотелъ былъ передъ нами право мети, и въ томъ съ нами споръ былъ вчиниль.

Ино намъ ся то не видело, абыхмо мели моцно судити того вядника пана старосты ѣго милости Жомойтского,—шложили ѣсмо то до ѣго милости:

¹ Въ подл. «пожожсе». ² Въ подл. «поклодалъ».

вчивисто єсмо казали писарю пана старосты єго милости Жомойтского Андрѣю, абы пань староста єго милость тому вриаднику своєму Войташку приказаль, подлугь первого приреченьє (sic) своєго; и рокь єсмо тому положили — по Божьємъ Нароженьи приидучого свята у-въ семи неделяхъ мають стати съ вбу сторонь: тоть вриадникъ пана || (л. 1) старосты єго милости Жомойтского Войташко на тоть рокь въ Порозовѣ стати, а пань староста Берестейский маєть своєго вриадника тамъ прислати съ судьями своими, которыхъ собѣ передь нами намѣнили: пана Андрѣя Лозку а пана Мартина Мелешковича; а пань староста єго милость Жомойтский, кого хотячи, нехай съ своєє руки судьями на тоє дело возметь; іакожь єсмо порѣчили тую речь мовити пану старосте Жомойтскому писарю єго милости Андрѣю: єсли бы которага сторона на тоть рокь въ Порозовѣ не сталъ (sic) и судей своихъ не вывелъ (sic), тоть право тратить; а єсли пань староста єго милость Жомойтский на тоть рокь того вриадника своєго къ праву не поставитъ, пань Юрьи маєть тую головщину задержати до того часу, поки єго милости справедливость станеть.

26.—1518, 10 декабря. Рѣшеніе по жалобѣ Берестейскаго мѣщанина Ивана Кулибачича на Киваченскаго челоуѣка пана Николая Пацевича—Жданца о неправильномъ задержаніи рогатаго скота.

|| (об. л. 1) И, Ианъ Миколаєвичь, маршалокъ земский, державца Слонимский. Жаловалъ намъ мѣщанинъ мѣста Берестейского, наима Иванъ Кулибачичь, на чѣвка пана Миколаєва

Пацевича на Киваченского, наима на Жданьца, в томъ, штожь онъ пограбилъ въ мѣне животины рогатоє, што єсми былъ скупилъ на продажу¹ за десять копъ грошей, кромъ се[ре]бра моєго, безвинне; ижь онъ тую животину мою держитъ въ себе полтора года, а въ томъ ми и до сихъ часовъ права стати не могло.

И мы пытали въ него: што къ тому ѿпоръ маєшь?

И онъ мовилъ передь нами: коли єсми єхалъ зъ мѣста Берестейского, ино мѣне на добровольной дорозе разбилъ чѣвкъ мѣстьский и двѣ копъ грошей въ мѣне ѿнялъ, и іа в томъ много[о]кротъ жаловалъ войту, абы ми съ тымъ чѣвкомъ въ томъ справѣдливость учинили; и онъ ми не хотель въ той речи справѣдливость Ѹделати.

Ино войтъ мѣста Берестейского Данько повѣдилъ передь нами: штожь дей тотъ чѣвкъ пана Пацовъ въ той своєй шкоде на того чѣвка, который єго разбилъ, єму не жаловалъ; нежли дей мы сами доведалися² в той шкоде, и того чѣвка поймавши, и зъ жонкою, ѿ котороє лицо мелъ, посылали єсмо до вриадника пана Пацова, абы онъ казалъ того чѣвка єму въ той своєй шкоде взяти, а грабежи поѿдавати мѣщанину господарьскому; и онъ того чѣвка не бралъ, а грабежовъ || (л. 2) и до сихъ часовъ єму не поворочалъ.

И тотъ чѣвкъ пана Пацовъ мовилъ къ тому: іа того ни знаю, ни ведаю, абы того чѣвка, который мѣне разбилъ въ шкоде, мнѣ давали.

И тотъ Иванъ Кулибачичь рекъ: готовъ єсми въ той речи сослатися на намѣстника пана твоєго на Киваченского на Миколага, ижь єсми тебе того злодѣя и зъ жоною передь ними³ да-

¹ Въ подл. «продажу». ² Здѣсь слогъ *ли* вписанъ надъ строкою. ³ Въ подл. описка: «нами».

валъ, и надто еще свою копу грошей тебе семи давалъ, и ты не хотелъ брати.

И въ томъ дни зъ шбу сторонъ со-слалися на того намѣстника Киваченского.

Тотъ намѣстникъ свѣтчиль передъ нами, ижъ тотъ мѣщанинъ Берестейский Иванъ Кулибачичъ члвку пана его Жданьцу давалъ члвка и зъ жонкою у шкодѣ его, и шнъ не бралъ.

И мы, водлугъ его свѣдѣства, нашли есмо въ томъ Жданьца винного, и сказали есмо на немъ Ивану Кулибачичу 10 копъ грошей, и роки есмо два положили, по две недели: первый рокъ передъ Божымъ Нароженьемъ за тыйдень—половицѣ масть заплатити, а другой рокъ по Божьемъ Нароженьи ¹ въ тыйдень, на тотъ рокъ остатокъ пенязей масть заплатити ²; а еслибы шнъ на тии роки тыхъ пѣнязей не заплатиль, тогда намѣстникъ пана Пацовъ масть его и зъ жоною и зъ дѣтми и со всеми статки въ тыхъ пѣнязехъ ему выдати; а тому члвку пана Пацову казали есмо тыхъ шкодъ его на томъ члвку, которого ему въ томъ выдавали, поискивати, подле первого права войтова. Писанъ въ Берестьи, дек[абрь] 10 день, индик[т]ъ 7.

27.—(безъ даты). Объявленіе Берестейскаго Еврея Израиль Мошеевича, что Виленскій мѣщанинъ Иванъ Тесня задолжалъ ему, избиль его и на судъ предъ королемъ въ Берестьѣ не сталъ.

|| (об. л. 2) Объявляеъ намъ Жидъ Берестейскій Израиль Мошеевичъ, штожъ дей на ярмарку въ Люблине збилъ его

мещанинъ Виленскій Иванъ Тесня, и тежъ дей мѣль семи ш копу грошей съ нимъ мовити, и жаловалъ дей семи подстаростему Люблинскому пану Чеховскому, и шнъ дей мовиль передъ нимъ: стану дей передъ господаремъ королемъ его милостью. Ино тотъ Зраиль передъ господаремъ въ Берестьи сталъ и намъ ся шказывалъ, а тотъ Иванъ Тесня не сталъ.

28³.—1518, 20 декабря. Рѣшеніе по жалобѣ Берестейской землянки Катерины Якубовны Приножчича на сестру свою Дороту Громацкую о раздѣлѣ имѣнья Ямна.

Приказаньемъ господаря короля его милости Жикгимонта. ИА, Янъ Миколаевичъ, маршалокъ земский, державца Слонимский, а Юрьи Ивановичъ Ильинича, маршалокъ господаря короля его милости, староста Берестейскій и Лидскій, а Якубъ Кунцевичъ, конюший дворный [и] Троцкий господаря короля его милости, державца Василишскій, Волкиницкий и⁴ Лепунскій, лесничей Городенскій, смотрели есмо того дѣла. Стояли передъ нами шчевисто, жаловала намъ землянка Берестейскаго повѣта Катерина Якубовна Приножчича на сестру свою Кгромацкую⁵ Дороту тымъ шбычаемъ: держитъ имѣнъе нашо шчизноѣ Ямно, а мнѣ въ томъ делу ровного нѣтъ, [и] дати не хочеть.

Ино шповѣдилъ передъ нами за тую Дороту мужъ еи Кгромацкый тымъ шбычаемъ: предокъ мой, || (л. 3) первый мужъ жоны моѣе Янъ Кгорскый скупиль тоѣ имѣнъе въ брата ихъ въ Юхна Приножчича, далъ за всѣ части того имѣнья Ямна пятьдесятъ копъ гро-

¹ Въ подл. описка: «Нароженьемъ». ² Послѣ сего излишне написано и зачеркнуто: «а другой рокъ». ³ Срвн. выше, въ Первой Книгѣ Судныхъ Дѣлъ, документъ № 222.

⁴ Въ подл. описка: ш ⁵ «Громацкую».

шей; части третее жоны своее тотъ Юхно выречея своей части; какъ же господарь король его милость того межнми досмотрялъ, и въ тыхъ пѣнязехъ велѣлъ тоѣ имѣнье его милость держати; а тая Катерина взяла въ предка моего Кгорского¹ десять копъ грошей, а двадцать золотыхъ въ золоте, а она вже чересъ тоѣ въ часть того имѣнья своего не мѣла ся вступати.

А тая Катерина мовила къ тому передъ нами: знаюся къ томъ², ижъ позычила еси въ предка его въ Кгорского десять копъ грошей на заставу того имѣнья на часть мою, а больше того ни пѣнязя еси въ него не брала.

И мы спытали Кгромацкого: маешъ ли на то слушный доводъ або листъ еси вызнанный, а бы она [взяла] тую десять копъ грошей и двадцать золотыхъ въ золоте, и выречея части своее?

Ино Кгромацкий доводу на то передъ нами не вчинилъ, а бы она въ предка его взяла двадцать золотыхъ, кромъ десяти копъ грошей, и выречея части своее.

И мы, томъ² порозумѣвши, (об. л. 3) казали есмо тымъ обычаемъ: маеть тая Катерина тую десять копъ грошей, што въ [К]горского позычила на заставу части своее, казали сестре еси Дороте Кгромацкого заплатити; а къ тому што небожчикъ Кгорский далъ властныхъ своихъ пѣнязей пятьдесятъ копъ грошей на все имѣнье, ѿчизну ихъ, брату ихъ Юхну Приножичу, тыхъ пѣнязей пятидесятъ копъ грошей маеть она ѿложити свою третию часть семнадцать копъ грошей безъ двадцати² грошей; а какъ она тую тридцать копъ грошей безъ трехъ копъ и безъ двадцати гро-

шей и сестрѣ своей ѿложитъ³, маеть еси сестра еси Дорота третию часть того имѣнья Ямна во всемъ дати; а если бы она хотѣла, ѿдавши пѣнязи подле суда нашего, тую третию свою часть кому иному продати, або заставити въ которой сумѣ великой, не маеть того чинити, а маеть, водле обычая и права земского, ближнему своему, той же сестрѣ своее Дороте, заставити або продати. Писанъ въ Берестыи, дек[абрь] 20 день, индикта 7.

29.—1518, 21 декабря. Рѣшеніе по жалобѣ князя Ѳедора Ивановича Ярославича на князя Ѳедора Михайловича Чорторыйскаго о человѣкѣ Томашѣ Осмолловичѣ.

|| (л. 4) Приказанъ емъ господаря короля его милости. Я, Янъ Миколаевичъ, маршалокъ земский, державца Слонимский, а Ѱльбрахтъ Мартиновичъ Кгаштовтовича, воєвода Полотский, державца Мозырский. Смотрели есмо того дѣла. Стояли передъ нами ѿчевисто, покладалъ передъ нами жалобъ князь Ѳедоръ Ивановичъ Ярославича на князя Ѳедора Михайловича Чорторыйскаго тымъ обычаемъ: взялъ ми чѣвка моего влостного ѿчизного, наймя Тумоша Ѱсмолловича, на⁴ имени моемъ на граници зъ лесасъ Тевковичъ, а потомъ взялъ того чѣвка жонъ и дети, и держитъ за собою того чѣвка вже шостый годъ; и я его милости ѿсылалъ, если бы тотъ чѣвкъ чимъ былъ ему виненъ, або котороѣ лицо мѣлъ, абы его ко мне велъ, иа быхъ права его милости на него далъ; и его милость и до сихъ часовъ въ себе того [чѣвка] держитъ, а мнѣ его ѿдати не хочеть.

¹ Въ подл. описки: «Скорского». ² Послѣ сего излишне написано и зачеркнуто: «копъ». ³ Въ подл. описки: «отложити». ⁴ Въ подл. «най».

ский, а Шльбрахть Мартиновичь Кгаштовтовича, воѣвода Полоцкий, державца Мозырский, а Янушь Свирцовский, гетманъ служебныхъ господарскихъ. Смотрели єсмо того дѣла. Стояли передь нами шчевисто, жаловали намъ войтъ зъ мещаны Виленскими, найма зъ Васькомъ Воропономъ, а съ Тишкомъ Семеновичомъ, а зъ Борисомъ Антиюшковымъ, а зъ Яцкомъ Дорошковичомъ, а съ Шндремъ Мальцовымъ, тымъ обычаемъ: єхали єсмо зъ ярмарку Люблиньского; ино насъ розбито въ двухъ миляхъ ѿ Волковыйска, взято много речей зъ возовъ, напервей: сорокъ соболей, двѣ шубы кунныхъ, шубу лисью, две шапки съ собольми, сто и двадцать и две литры шолку, шксамиту чорного шестьдесятъ локоть, пѣнязей тридцать копъ и пять копъ, а дробныхъ речей за семь копъ грошей, две шубы белинныхъ, рысь а пять коней. И пришли єсмо следомъ до Волковыйска, и нашли єсмо въ дому мещанина Волковыйского, Я Петра Недбаловича, коня своѣго. Ваша милость, рачьте пытати того мещанина, где шнъ того коня нашего взялъ?

Ино тотъ Петръ мовиль передь нами: га, панове, того ничего не вѣдаю. || (л. 7) Правда, нашли шни коня въ дому нашомъ, а въ насъ стоялъ служебникъ пана Янушовъ Свирцовского Семановъ, найма Янъ, я єму стайни поступиль, и шни того коня въ стайни зъ єго конемъ нашли; а я того коня ни въ руки не бралъ, ани-мъ єго видель; лечь єсми єго въ стайни зъ єго конемъ видель; а того не вѣдаю, чий то конь.

И мы спытали того Яна: што къ тому шпоръ маєшь?

И шнъ мовиль передь нами: заставиль мя панъ мѡй панъ гетманъ при-

ставомъ Я мещанъ Волковыйскихъ, для служебныхъ; и я тамъ Я Волковыйску мешкаль, и тотъ конь ходиль на мѣсте, а потомъ вшоль до стайни, до моѣго коня, также съ нимъ стоялъ, и тыи мещане єго зъ моимъ конемъ нашли; а га и того не прель.

И мы, водлугъ єго вызнанья, того мещанина Волковыйского Петра Недбаловича нашли въ томъ правого, ижъ тотъ Янъ самъ передь нами созналъ, ижъ не шнъ того коня взялъ, нижли самъ шнъ не слушнымъ обычаемъ, нетъ вѣдома—где взяли того коня¹, на стайни поставиль єго и [съ] своимъ конемъ², и врьднику, державцу Волковыйскому, не шбестиль, водлугъ обычая и права земского,—нашли єсмо того Яна винного, и такъ єсмо сказали: ижъ тотъ Янъ зводу передь нами не вчиниль, ино, водле слушного доводу, на чомъ мещане Виленские присягнутъ, тотъ Янъ самъ маєть платити, а себе винного маєть просокою искати. Писанъ въ Берестьи, дек[абрь] 25 день, индикта 7.

32³.—(безъ даты). Постановление о взаимной «зарукѣ» между королевскимъ маршалкомъ Александромъ Солтановичемъ и королевскими боярами Голимонтами, впредь до судебного разбора между ними.

|| (об. л. 7) Мы: га, Янъ Миколаєвичъ, маршалокъ земский, державца Слонимский, а Шльбрахть Мартиновичь Кгаштовтовича, воѣвода Полоцкий, державца Мозырский. Смотрели єсмо того дѣла. Стояли передь нами шчевисто, жаловалъ намъ панъ Александро Александровичъ Солтановича, маршалокъ господаря короля єго милости, на боярь господарскихъ на Михна а на Станислава а на

¹ Это слово вписано надъ строкою. ² Въ подл. описки: «коненемъ». ³ Срвн. выше, во Второй Книгѣ Судныхъ Дѣлъ, документы №№ 228 и 231.

Петра Кголимонтовъ, штожь дей шни, черезъ право, ш которую мнѣ землю съ ними право было, перешодчи черезъ границу, найма речку Лютую, бчолы подрали, люди мои побили, сена и хоромы пожгли.

И тыи Кголимонты передъ нами къ тому ся не признали и мовили: панъ дей Александро самъ намъ кривды чїнить, землю нашу въ насъ ѿнимаєть. И жадали насъ, абыхмо съ шбу сторонъ подручили имъ, подъ зарукою господарскою, абы съ шбу сторонъ гдѣ єздаки што кому ѿєхали, абы ся въ то не вѣступали.

И мы имъ съ шбу сторонъ подручили, подъ тысячу копъ грошей на господара єго милости, а єсли которая сторона вєтѹпить, а правомъ на него переведуть, ижъ то земля не єго, тотъ маєть тую подруку господарю єго милости тысячу копъ грошей платити.

33.—1518, 29 декабря. Рѣшеніе по жалобѣ королевскихъ дворянъ Семена Колонтаева, Ярослава Борисовича и Ивана Савича на мытника Еврея, и установленіе правилъ для сбора мыта.

|| (л. 8) И, Янъ Николаєвичъ, маршалокъ земский, державца Слонимский, а Иванъ Андрѣевичъ, подскарбий дворный господара короля єго милости, державъца Веленский, а Икубъ Кунцевичъ, конюший дворный [и] Трѳцкий господара єго милости, державца Василишский, Лепунский и Волкиницкий, лесничий Городенский. Смотрели єсмо того дѣла. Стояли передъ нами шчивисто, жаловали намъ дворяне господарьскии Семень Колонтаєвъ а Єрославъ Борисовичъ а Иванъ Савичъ на слугу пана Михелева Шписова, найма

на Мархеля, который мыто ѿ него въ Мостехъ завѣдаєть, тымъ шбычаємъ: люди наши єхали съ солью на Шзера¹ зъ Мереча, и тамъ въ Шзерехъ мытнику мыто дали и бочки понацеховали; и такъ єсть шбычай: коли въ Шзерехъ мыто дадутъ, тогда въ Мостехъ не дають; и шнѣ, не дбаючи, взялъ въ людей нашихъ шесть коней, соли дванадцать бочокъ, серъмягъ пять, шубу баранью, а пятеры желѣза конскихъ, рогатины чотыри, топоры два, котлы два, пятнадцать грошей.

И мы спытали того Мархеля: што къ тому ѿпоръ маєшь?

И шнѣ мовиль къ тому передъ нами: га того не прю, ижъ єсми за промыту побралъ, а люди ихъ проєхали, не давши мыта и мнѣ ся не шбєстивши, и га въ нихъ то побралъ.

И тыи дворяне господарьскиє мовили и слалися на мытника Шзерского на томъ, ижъ тамъ шбмытили и бочки шцѣховали, и надто дей и листъ тотъ мытникъ Шзерский писалъ, выймаючи нашихъ людей.

И мы, то шбѣмовивши съ паномъ Михелемъ и доведавшися того, ижъ коли мыто напервей 8-въ Шзерехъ возмутъ, тогда въ Мостехъ² не мають мыта брати, и порозумѣвши тому, сказали єсмо: тую соль дванадцать бочокъ имъ вернути, и кони, єсли будутъ живы, поѿ(об. л. 8)давати, и то имъ шправити, подлугъ суда нашего; а єслижъ бы которое клячи не было, маєть тотъ Мархель платити за доморослую полтину грошей; а которая будетъ куплена, водле доводу, што будетъ за неє дано, цену платити; и тыи рѣчи вѣси вышєменяныи поѿдавати; а єсли бы ся Мархель къ чому не знался, ино на чомъ присягнуть тыи

¹ Эти два слова вписаны надъ строкою. ² Въ подл. описка: «Озерехъ».

люди, масть шнѣ имѣ платити. И рокъ есмо тому положили—по Божьемъ Нароженьи въ шести неделяхъ, соль и кони поѡдавати и тыи всѣ рѣчи по платити. Писанъ въ Берестѣи, дек[абрь] 29 день, индикта 7.

34.—1518, 29 декабря. Наложение штрафа на королевскаго дворянина Голубку, по жалобѣ королевскаго землянина Мышки о незаконномъ задержаніи двухъ лошадей.

И, Янъ Миколаевичъ, маршалокъ земскій, державца Слонимскій, а Иванъ Андреичъ, подскарбий дворный господаря короля его милости, державца Веленскій, а Якубъ Кунцовичъ, конюший дворный и Троцкій господарскій, державца Василишскій, Волкиницкій и Лепунскій, лесничій Городенскій. Смотрели есмо того дѣла. Стояли передъ нами шчивисто, жаловалъ намъ землянинъ господарскій Мышко на дворянина господарскаго на Голубка тымъ обычаемъ: пограбилъ въ людей моихъ Любецкихъ двоѣ коней безвинне, и держитъ болши году.

И мы спытали Голубка: што къ тому ѡпоръ маешь?

И шнѣ мовилъ передъ нами: знаюся къ тому, ижъ побралъ былъ есми въ людей его двоѣ коней, для того, ижъ бы городъ робили, водле розказанья господарь(л. 9)скаго, какъ же его милость въ листе своѣмъ наѡку мнѣ даль.

И Мышко мовилъ передъ нами: га жадного заказу и ѡсылки ѡ него не слыхалъ.

И Голубко мовилъ къ тому: мовилъ есми ѡ Вильни ему, абы людемъ своимъ казалъ къ работе городской пойти и по торгомъ есми кликати казалъ.

И Мышко къ тому ся не призналъ, абы ему мовилъ ѡ Вильни. А Голубко на то доводу не вчи[ни]лъ.

И мы спытали: если бы на имени его самого або врядника его ѡсылалъ?

И шнѣ и самъ ся то зналъ, ижъ на [и]мени его самого, ани врядника его не ѡсылалъ.

И мы тому порозумели, ижъ шнѣ не слушнымъ обычаемъ вчинилъ, не ѡсылаючи его листомъ господарскимъ, грабежъ починилъ, какъ же не есть того обычай. Сказали есмо Голубце тыи кони вернути, и навязки по полтинѣ грошей; а если не будетъ тыхъ коней лицомъ, масть по полтине платити, если доморослыи кони будутъ; а если будутъ куплены, масть цѣну платити, водле слушнаго доводу. И рокъ есмо той заплати положили—по Божьемъ Нароженьи въ чотырехъ неделяхъ тыи кони вернути и заплату навязце¹ вчинити. Писанъ въ Берестѣи, дек[абрь] 29 день, индикта 7.

35.—1518, 29 декабря. Рѣшеніе по жалобѣ королевскаго боярина Андрея Чижевича на князя Петра Тимоѡевича Масальскаго, люди котораго, Струнскіе и Стоятицкіе, чинятъ грабежи и насилія въ имѣніи жены Чижевича—въ Комаяхъ.

|| (об. л. 9) Приказаньемъ господаря короля его милости. Мы, Янъ Миколаевичъ, маршалокъ земскій, державца Слонимскій, а Шльбрахтъ Мартиновичъ Кваштовтовича, воєвода Полоцкій, державца Мозырскій, а Миколай Михновичъ, маршалокъ и секретарь господаря короля его милости, державца Шовленскій. Смотрели есмо того дѣла. Стояли передъ нами шчивисто, жаловалъ намъ бояринъ господарскій Андрѣй Чиже-

¹ Это слово вписано надъ строкою.

вичъ на князя Петра Тимоѳеѣвича Мосальского тымъ обычаемъ: стали ми ся квалты, бои, грабежи во имѣннѣи жоны моѳе въ Комаѳхъ ѿ людей князя Матѳеѣвыхъ Микитинича, Струнскихъ и Стоятицкихъ, ѿ тотъ часъ, какъ шнѣ еще самъ Струнѣ держалъ; а потомъ коли спустилъ Струну зятю своему князю Петру, князь Петръ съ права слюбилъ мнѣ тыхъ людей къ присязе поставити, напервей: намѣстника своѳго Стоятицкого Кгирдюша, а людей Стоятицкихъ и Струнскихъ, наймя Петька Лопутевича зъ братьѳю и сыньми, Хрощона Войневича, Богдана Яцовича, Яна дворянина, Бутейка Перевойневича и брата ѳго Милоша, Романа Молдевича, Марка Петровича, Кгедюса Тешиловича, Меира съ сыномъ Ромейкомъ, Родюса ѳйтиловича, Янушка Петровича, Величка Девкгутевича, Ромашка Янелевича, Шлтушка Кгирдюшевича, Матѳья Андрюшовича зъ братомъ Станелемъ, Юшка Селденевича¹, а Кгирятювичи, а Мицовичи, Васька Швсюковича, а Матуса Подлевашка Левонакточа, Мартина Юрьѳевича Радивила служебнѳго чѣвкѳ Абарного, Войтка ѳвневича, Некреша Тейкутевича а на Юраша брата ѳго, а Юшка, што приставомъ былъ, Милоша Помѳиры, на Дашка мельника, Тумоша || (л. 10) Микѳевича, Мишка Яновича, Чернюса Шлѳеровича, Мартина Римкгайловича, Андрея брата ѳго, Юрьѳя Матешевича, Кгирдюша Гейдутевича, Лукаша Михновича, Юрьѳя Ивашковича, Лук[а]ша Улаза, ѿ Медиковомъ дому Юшка Шлѳеровича, Петька Куцковича а на Юса Янелиса Черевика. И рокъ пятый панове ихъ милость, подъ страченъѳмъ права, намъ положили, и мѣли мои

люди ѿ Швинтянехъ присягати на тыхъ людей, которые тутъ суть выписаны, а тыи люди мѣли бои, раны и шкѳды людемъ моимъ платити, которые на чомъ присягнутъ, бо тыхъ досытъ людей моихъ, которые похромлены² на руки и на ноги и на шчи.

И князь Петръ мовилъ къ тому передъ нами: га свои люди ставилъ ѿ Швинтянехъ на рокъ, который³ панове ихъ милость положили, на день святого Ильи; ино Андрей Чижъ хотелъ, ижъ бы люди ѳго на сумѣ пѣвнязей присягнули; ино вижомъ нашимъ, которыхъ панове ихъ милость намъ дали, и плебану Швинтянскому не видилося того, и я тежъ не далъ людемъ своимъ присягнути на сумѣ пѣвнязей.

Ино и намъ ся того не [ви]дило, ижъ бы на которой сумѣ пѣвнязей мѣли люди ѳго присягнути и, порозумѣвши тому, ѿрядили ѳсмо межѳ ними, и рокъ шостый положили тому, подъ страченъѳмъ права, то ѳсть, передъ запусты Лядскими прийдучими за три недѣли, въ субботу: князь Петръ и князь Матѳеѣй Микитиничъ тыхъ людей, которые въ томъ листу нашомъ выписаны, мають поставити на тотъ рокъ ѿ Вильни ѿ святого Яна, безъ кождѳ вымовы; Андрей Чижъ маѳтъ люди свои къ присязе поставити на тотъ рокъ, на списки пописавши кождый чѣвкѳ Андреѳвъ шкѳды свои, и тежъ который чѣвкѳ будетъ битъ и раненъ, або на которыхъ члонки шхромленъ, тыи люди князя Петровы а князя Матѳеѣвы, кому будутъ служити, мають тыи шкѳды и раны и члонки шхроменны людемъ Комайскимъ платити. А вижи зъ шбу сторонъ ѳсмо имъ подавали: князю Петру — наймя Миколая ѳевевича, а Андрѳй

¹ Можетъ быть прочтано также: «Велденевича». ² Въ подл. описки: «порзомлены» ³ «котырый».

Чижь взялъ Тишка Боховца а Матѣя Бурбеклевича; || (об. л. 10) а естли бы тыи вижи Андрѣевы шбадва не могли быти, ино который шдень съ нихъ масть при той присязе быти; а на чомъ люди Андрѣевы на людей князя Петровыхъ и князя Матоевыхъ присягнутъ, тыи вижи и мистръ святого Яна мають къ намъ ѡписати, а мы кажемъ тымъ людемъ тыи шкоды и раны и члонки шхромены Комайскимъ людемъ платити; а естли бы шни не мели чимъ платити, тогда мы маемъ ѡвязанье въ тыи люди Андрею Чижевичу дати; а князь Петръ а князь Матоей не мають ся въ тыи люде вступати до того часу, поки ся людемъ его во всемъ заплата станеть, подлугъ присязи ихъ. И на то ¹ дали есмо князю Петру Мосальскому и Андрею Чижевичу съ шбу сторонъ листы наши ѡ-въ шдно слово, подъ нашими печатми. Писанъ въ Берестьи, дек[абрь] 29 день, индик[т]ь 7.

36.—1518, 30 декабря. Предварительное постановление по жалобѣ боярыни Радунскаго повѣта Анны Григоровой Гинтовтовича на Павла Богдановича о безчестіи.

И, Янъ Николаевичъ, маршалокъ земскій, староста Дорогицкій, державца Слонимскій. Смотрели есмо того дѣла. Стояли передъ нами шчевисто, жаловала намъ боярыня Радунскаго повѣта Григоровая К[г]интовтовича Ганна на Павла Богдановича, рекучи: збилъ мя шнъ и [с]соромотилъ, и за груди держалъ, будучи въ сусѣда на чти, въ Томка Шумятовича.

И Павелъ къ тому ся не зналъ, ижь бы еи билъ; лечь повѣдилъ, жебы ес не въ которой рѣчи розгневалъ былъ словы,

и вжо дей за то ес перепросилъ въ дому ѡ своемъ, да и подаровалъ, и шна мнѣ || (л. 11) гневъ свой ѡпустила.

И Григорьевая рекла: та ся къ тому не знаю; рекучи: не просилъ шнъ мене, ани дару есми ѡ него ни которого не брала.

И Павелъ подалъ на то трехъ свѣтковъ, передъ кимъ ес перепросилъ, наймя Лаврѣна Кукелевича, дядьковича своего, а дву члѣковъ Ейшишчанъ*, на[й]мя Гостила Шимковича а Шлехна Петрашковича.

И шна Лаврѣна Кук[е]левича ѡставила, а на тыхъ двухъ Ейшишчанъ* послалася; лечь повѣдила, ижь бы ихъ не знала, и просила насъ, абыхмо казали тыхъ [Е]йшишчанъ передъ собою поставити для сведоцтва.

И мы приказали Павлу тыхъ двухъ [Е]йшишчанъ передъ нами поставити на сии Громници приидучи въ Слониме: маемъ, ихъ сами шпытавши², и тому всказанье на конецъ вчинити. Писанъ въ Берестьи, дек[абрь] 30 день, индик[т]ь 7.

37.—(безъ даты). Рѣшеніе по жалобѣ людей Берестейскаго повѣта Сычковцевъ на королевскаго дворянина Ивашка Горностаевича о забраніи земель и лѣса и ихъ самихъ.

Приказаньемъ господаря короля его милости Жикгимонта. Мы, Янъ Николаевичъ Радивиловича, маршалокъ земскій, державца Слонимскій, а Юрьи Ивановичъ Ильинича, маршалокъ господаря короля его милости, староста Берестейскій и Лидскій. Смотрели есмо того дѣла. Стояли передъ нами шчивисто, жаловали намъ люди господарьскии Берестейскаго повѣта, наймя

¹ Послѣ сего излишне повторено: «есмо и на то». * Здѣсь е вписано послѣ. ² Въ подл. «опытавши».

Шмельянъ а Киндиръ, съ потужники своими, Сычковци, на дворянина господарьского на пана Ивашка Горностаѣвича тымъ обычаемъ: забралъ подь себе земли наши ѿчизныи за пусто, не повѣдаючи насъ ѿчичовъ своимы, не маѣ[мъ], съ чого службы ||(об. л. 11) господарьскоѣ служити.

И мы спытали пана Горностаѣя: што къ тому ѿпоръ маѣшь?

И панъ Горностаѣй мовиль передь нами: та земль ихъ не забиралъ, нижли господарь король ѣго милость далъ ми Ѹ ихъ селе два жеребьи, наймя Яцковски[й] а Потуловский¹, въ которыи жеребьи панъ Юрьи Ильиничъ ѣго милость, староста Берестейский, мене Ѹвязати казалъ; а ѿчичи тыхъ жеребьѣвъ съубожали, недужи были службы господарьской служити, и тыхъ земль своихъ не похали; а какъ господарь ѣго милость мнѣ тыи жеребьи далъ, тогда и тымъ ѿчичомъ мнѣ казалъ по доброй воли служити; а черезъ тыи два жеребьи, ихъ земли ничого ѣсми не забиралъ.

И на то шапку передь нами ставиль, штожь ихъ земли подь собою не маѣтъ.

И тыи люди господарьскии мовили къ тому передь нами: коли господарь ѣго милость далъ ѣму тыи земли, и мы подь нимъ тыхъ земль не ищемъ.

Нижли жаловали намъ тыижъ Сычковци на пана Горностаѣя ѿ лесъ свой, посполитый съ нимъ: мы дей маѣмъ съ паномъ Горностаѣмъ грани ѿчизныи звечистыиѣ (sic) ѿ имения Щитницкого: ѿнъ съ того имения своѣго людемъ своимъ кажетъ въ лесъ ѣздити, дерево и дрова брати, а въ томъ намъ шкода² ся деѣтъ.

И панъ Горностаѣй мовиль передь нами: та дей тыи два жеребьи въ госпо-

даря ѣго милости выслужиль для тогожь³, абыхъ въ тотъ лесъ вступь мѣль по тыхъ жеребьѣхъ своихъ, а мнѣ дей въ томъ лесе⁴ большая шкода ѿ нихъ, бо дей ихъ колькосъдесять чѣлвковъ ѣсть, а моихъ людеѣ мало; а такъ радней быхъ съ ними тотъ лесъ поделиль, и ведалъ быхъ свою часть, а ѿни нехай свои части дѣржать, а я въ ихъ части вступатися не буду.

Мы тому порозумели: коли ѿни сами на него доводили, а бы ѿнъ земли ихъ забралъ, а потомъ не могли того на него перевести, въ томъ ѣсмо пана Горностаѣя правого нашли, и при тыхъ земляхъ двухъ жеребьѣвъ ѣго ѣсмо зоста[ви]ли, подлугъ данины и листовъ господарьскихъ и Ѹвязанья пана Юрья Ильинича, старосты Берестейского: ||(л. 12) маѣтъ панъ Горностаѣй тыи два жеребьи вышечененыи держати со всимъ съ тымъ, какъ ся здавна въ себе мѣли; а тыи люди Сычковци вжо не мають ся въ тыи земли ѣго Яцковскии [и] Потуловскиѣ вступати ни чимъ. А што ся дотычетъ пана Горностаѣвыхъ дву жеребьѣвъ части лесу, маѣтъ ѿнъ держати, што къ ѣго дву[мъ] жеребьѣмъ прислухало, и добровольно въ тотъ лесъ Ѹѣжчати.

И господарю ѣго милости то ѣсмо ѿказали. И ѣго милость при тыхъ двухъ жеребьѣхъ⁵ вышечененыхъ, Яцковскихъ и Потуловскихъ, пана Горностаѣя, подле данины и листа ѣго милости, ѿставиль. А ѣесли бы тымъ людемъ господарьскимъ въ томъ кривда ся ѿ него видела, ижь бы люди ѣго зъ-за граници въ тотъ лесъ Ѹѣжчати мели, ѿни мають пана Юрья Ильинича, старосту Берестейского, тамъ вывести, або ѿ ѣго милости мають кого дельчимъ взяти,

¹ Въ подл. описка: «Путуловский» ² «шкоды». ³ Послѣ сего излишне повторено: «для то». ⁴ Эти три слова излишне повторены. ⁵ Въ подл. описка: «жеребьѣвъ».

и тотъ лесъ съ паномъ Горностаѣмъ по жеребѣмъ на ровный дѣль поделити: и што ся пану Горностаю ѿ нихъ лесу въ делу зостанеть, воленъ ѿнѣ тыхъ двухъ жеребѣвъ лесу части своѣѣ роспахати, або дерево, куды хотячи, ку своѣй потребе ѿбернути, а ты[и] Сычковци не мають ся въ єго части въ два жеребьи лесу вступати¹ ни чимъ. Писанъ въ Берестѣи.

38.—1518, 22 декабря. Рѣшеніе по жалобѣ князя Юрія Ивановича Дубровицкаго на людей своихъ Огризковичей.

|| (об. л. 12) Приказанъѣмъ господара нашего великого короля Жикгимонта. Мы, Янъ Миколаѣвичъ Радивловича, маршалокъ земский, державца Слонимский, а Шльбрахтъ Мартиновичъ Кгаштоттовича, воєвода Полоцкий, державца Мозырский. Смотрели єсмо того дѣла. Стояли передъ нами ѿчивисто, покладалъ передъ нами жалобу князь Юрьи Ивановичъ Дубровицкий на людей своихъ, найма на Гриньца а на Васильца Шгризковичовъ тымъ ѿбыча[ѣмъ]: то люди мои зъ Дубровици ѿчизныи, не похожиє, данники съ предковъ своихъ, и такъ годъ зашкодивши ми много, втекли ѿ мене до мѣста Берестейского; и я посылалъ неѿднокротъ до господара єго милости, жалуючи на нихъ, и господарь єго милость писалъ до войта и бурмистровъ Берестейскихъ, абы мы тыхъ людей выдалъ; и ѿни, на листы господарьскии, тыхъ людей моихъ выдати мнѣ не хотели, ажъ и до сихъ часовъ; а какъ господарь єго милость тыхъ часовъ приѣхалъ до Берестѣя, и я єго милости на тыи люди жаловалъ, и єго милость зъ вашою милостью паны

радами своими рокъ мнѣ положилъ, и тымъ людемъ къ праву стати казалъ; и тыи люди мои Гринецъ а Васечко, єщо до права, черезъ князя Ѳедора Ивановича Ярославича, били чоломъ и просили мене, абыхъ имъ гнѣвъ свой ѿпустилъ: «а мы дей хочемъ твоѣй милости служити, какъ предки наши и мы твоѣй милости служили за ѿчичовъ, только насъ не карай, твоя милость, за нашъ выступъ, а мы ся сами [знаѣмъ], ижъ єсмо ѿчичи твоѣй милости». И га, на жаданъє князя Ѳедора Ярославича єго милости, тымъ людемъ своимъ Гриньцу а Васильцу гневъ ѿпустилъ, а ѿни мѣли, мнѣ паруку давши, на ѿчизны свои до мене прийти, также переѣдавши мене. Тотъ Гринецъ втекъ, || (л. 13) а тотъ Василецъ не хочеть мнѣ служити.

Ино въ тотъ часъ Гриньца передъ нами въ правѣ не было: криючися права, збегъ.

Нежли Василецъ, братъ єго, въ правѣ сталъ.

И мы спытали того Васильца: што къ тому ѿпоръ маѣшь?

И ѿнѣ мовилъ къ тому передъ нами: мы зъ братомъ моимъ не ѿчичи князя єго милости, какъ єго милость передъ вашою милостью мевить, але прихожиє люди єсмо зъ Городна; и по доброй воли, предки наши єго милости предкомъ и мы єго милости служили; а што єго милость мовилъ передъ вашою милостью, абыхмо мы зъ братомъ єго милости черезъ князя Ѳедора Ярославича єднали за ѿчичовъ, ино къ тому ся не знаю; нижли мовилъ єго милость намъ, абыхмо служили єго милости по доброй воли, а єго милость мялъ на насъ ласкавъ быти и держати насъ, какъ то прихожихъ людей, а не за ѿчичовъ.

¹ Въ подлинникѣ. «вступати лесу».

И князь Юрьи Ивановичъ Дубровицкый ставилъ передъ нами шапку и слался до князя Ѳедора Ярославича и до иныхъ людей добрыхъ, которыи [у] єго милости были на тотъ часъ, и на томъ, ижъ єднали єго милости чересъ князя Ѳедора, абы, Ѹ право не вступаячи и безъ гневу, ихъ зася взять и на Ѡчине ихъ посадилъ, а ѡни дей мели мнѣ служити такъ, какъ предки ихъ и ѡни мнѣ служили, какъ то Ѡчичи.

И тотъ Василецъ шапки до князя Ѳедора не приставилъ, и слатися до єго милости не хотель.

И мы то Ѡказали господарю єго милости. И господарь єго милость, врозумѣвши тому, водле суда и Ѡказанья нашего, нашолъ тыхъ людей Гриньца и Васильца Шгризковичовъ винныхъ, и казалъ єго милость, водле суда, ѡбичая и права земского, на тыхъ людей вышмененныхъ князю Юрью Ивановичу сказати, ижъ ѡни сами жъ єго милость переєднали¹, а на князя Ѳедора Ярославича слатися не хотели, и мы того Васильца князю Юрью присудили со всеми статки и куплями єго, и што будетъ мѣти; и тежъ который ѡни домъ въ мѣсти Берестейскомъ закупили², мають за тотъ домъ, чи[й] будетъ, пѣнязи князю Юрью Ѡложити. А што ся дотычетъ того Гриньца, дали єсмо вижомъ князю Юрью дворянина господарьского Кочоновского: || (об. л. 13) тотъ дворянинъ господарьский, гдѣ нашодчи, масть єго взяти, безъ каждого права, и князю Юрью подати, и ѡнъ масть³ ихъ за Ѡчичовъ мѣти, а ѡни мають єму служити. И на то дали єсмо князю Юрью Ивановичу Дубровицкому сесъ

нашъ листъ⁴ судовой подъ печатми нашими. Писанъ въ Берестьи, дек[абрь] 22 день, индик[т]ь 7.

39.—(безъ даты). Объявленіе Николая Якубовича Щитовича суду, что онъ заплатилъ долгъ свой Василю Бокею.

Припоминалъ передъ нами панъ Миколай Якубовичъ Щитовича, ижъ нѣкоторыи пѣнязи заплатилъ Василю Бокею, нижли єму листа єго вызнаного Бокей не вернулъ.

И Бокей передъ нами созналъ, ижъ вжо єго дошли тыи пѣнязи, и злюбилъ передъ нами тотъ листъ пану Миколаю вернути по Новомъ Лѣте, Ѹ трехъ недѣляхъ, єму самому, або служѣ єго, которого пришлетъ. Писанъ въ Берестьи.

40.—(безъ даты). Отказъ поручителей, королевскихъ дворянъ Ѳедора Колонтаева и Василя Заройскаго, отъ поручительства за Матуса Буяновскаго, лично сданнаго поручителями суду.

И, Ииъ Миколаєвичъ, маршалокъ земский, староста Дорогицкий, державца Слонимский. А при насъ былъ въ тотъ часъ панъ Инушь Костевичъ, маршалокъ господаря короля єго милости, державца Радунский, Переломский и Шжский. Здали передъ нами дворянѣ⁵ господарьскии Ѳедоръ Колонтаєвъ а Васько Заройский⁶ Ляха Матуса Буєновского, которого ручили въ служебника пана Инова Иновича Забереzynского, воєводы Новгородского, въ Якуба Коровича за раны брата || (л. 14) єго Щастного; ино тотъ часъ панъ воєвода Новгородский самъ былъ, а

¹ Въ подл.: «перееднали» ² «закупили» ³ «а они мають» ⁴ «листъ». ⁵ Здѣсь ѣ поправлено изъ *инъ*, т. е. прежде было написано: «дворянинъ». ⁶ Послѣ сего излишне написано и зачеркнуто: «здали передъ нами».

больши того на своѣй паруце держати того Ляха не хотели, и передъ нами єго пану воєводе Новгородскому здали и шповѣдили¹, а тотъ Якубъ не масть на нихъ того Ляха искати: чога будетъ потреб[а], масть на томъ Ляху искати.

41.—(безъ даты). Рѣшеніе по жалобѣ содержательницы корчмы, Берестейской мѣщанки Зени Савиной Тарасовича, на королевскаго дворянина Ѳедора Кульнева о произведенномъ имъ въ корчмѣ буйствѣ и нанесеніи ей увѣчья.

И, Инъ Миколаєвичъ, маршалокъ земскій, староста Дорогицкій, державца Слонимскій. А при насъ были: панъ Миколай Андриюшовичъ, а панъ Инъ Скиндиръ. Смотрѣли єсмо того дѣла. Стоали передъ нами шчивисто, жаловала намъ мещанка Берестейскага Савинага Тарасовича Зеня на дворянина господарьскаго на Ѳедора Кульнева тымъ шбычаємъ: тотъ Ѳедоръ пилъ въ дому моємъ, какъ то въ корчомномъ дому, и не заплативши пѣнязи, хотѣлъ поити прочъ; и га почала въ него пѣнязей просити, и шнъ мя зранилъ, втялъ ми рѣкѣ, и не владнѣ єю; и не могла єсми собѣ довести права, ажъ и до сихъ часовъ.

И мы спытали того Ѳедора Кульнева: што къ тому шпоръ маєшь?

И шнъ мовилъ къ тому передъ нами: было тому право, судилъ мене съ нею небожшикъ панъ Левъ Богувитиновичъ и нашолъ мене правого.

И мы спытали въ него листа судового, або которого сведомыа на то. Листа судового и сведомыа не вчинилъ передъ

нами, а потомъ самъ вырекъ: передналь дей єсми єє въ томъ.

И мы, томѣ вразумѣвши, ижъ шнъ первой повѣдилъ, а бы єго правого найдено, а доводѣ на то не вчинилъ, а потомъ вырекъ, ижъ єѣ передналь въ томъ, водле вызнаныа єго, нашли єсмо въ томъ тую мещанкѣ правую; и коли шна рукою не владнетъ, присѣдили єсмо той мещанце на Ѳедоре || (об. л. 14) Кульневе за пол-невѣсты, водлугъ того, ижъ шна вѣчне на рѣку хрома, шпытавши войта Берестейскаго Данька, какъ єсть въ нихъ шбычай (ижъ мещанину судять—десять гривень головѣ, а мещанце двадцать гривень), и мы єй за рукѣ сказали десять гривень и роки єсмо тому положили².

42.—(безъ даты). Предварительное постановление по жалобѣ королевскаго дворянина Ѳедора (Григорьевича) Плюскова на королевскаго дворянина Олифера Яковлевича о спорной землѣ.

|| (л. 15) И, Инъ Миколаєвичъ, маршалокъ земскій, староста Дорогицкій, державца Слонимскій. А при томъ былъ панъ Аврамъ Єзооовичъ, подскарбий земскій, державца Ковенскій. Смотрели єсмо того дѣла. Стоали передъ нами шчивисто, жаловалъ намъ дворянинъ господарьскій Ѳедоръ Плюсковъ на дворянина господарьскаго на Шлиѣбра Яковлевича ш томъ, штожъ шнъ посадилъ члѣвка своєго на земли моєй подъ Белою, котората жъ мнѣ по жонѣ моєй досталася.

И Шлиѣбрь рекъ: га тую землю и сеножати и поля и дубровы выслужилъ

¹ Въ этомъ словѣ первое о написано сверху. ² Послѣ сего въ документѣ помѣщено начало черноваго наброска, все перечеркнутое, документа, напечатаннаго ниже, подъ № 43.

на господари єго милости, а тыи дубровы людей моихъ Селеховичовъ звечныє.

И мы на томъ положили, ижь мають тамъ єздаки выєхати.

Ино Шлиеръ меноваль съ своєє рѹки пана Богуша Боговитиновича, маршалка и писаря господаря короля єго милости, державцѹ Каменицкого, а шнѹ такжо маєть съ своєє рѹки єздака взяти, кого хочачи; а што будѹть шни сего лета дѹбровъ розробили, и шни мають то къ своєй рѹцѹ съ шбу сторонѹ мети шбадва, поки єздаки тамъ выєдѹть на тыє дѹбровы.

43.—1518, 23 декабря. Рѣшеніе по жалобѣ Волковскихъ королевскихъ людей Незводичанъ на державцу Волковского Юрія Глѣбовича о притѣсненіяхъ.

|| (об. л. 15) Приказанъ ємъ господаря короля єго милости. **И**, **И**нѹ Миколаєвича, маршалокъ земский, староста Дорогицкий и Слонимский. Смотрели єсмо того дела. Стояли передъ нами шчивисто, жаловали намъ люди господарьскии Волковыєне, намя **И**гнатъ Гомзичъ а **М**уха а **Р**адко Ходоровичъ, со всеми своими потужники Незводичане, на пана **Ю**рѹя Глѣбовича, державцѹ Волковскийского, тымъ шбычаємъ: править на насъ двадцати золотыхъ, не вѣдаємъ—за-што про-што.

И панѹ **Ю**рѹи мовилъ къ томѹ передъ нами: тыи Незводичане въ каждый годъ дають державцѹ Волковскийскомѹ по двадцати золотыхъ поплату¹ врочистого; а теперь, какъ мнѣ Волковыєскъ достался ѿ господаря єго милости, тыхъ золотыхъ мнѣ давати не хотятъ; а предкомъ моимъ, державцамъ Волковскийскимъ, въ каждый годъ тыє золотыє даивали.

И тыє Незводичане мовили передъ нами: ни знаємъ, ани ведаємъ, не даивали єсмо тыхъ золотыхъ державцамъ Волковскийскимъ.

И панѹ **Ю**рѹи єго милость ставилъ передъ нами шапку зѹ десяти рублевъ грошей до першихъ державецѹ Волковскихихъ, на томъ, ижь шни въ каждый годъ даивали по двадцати золотыхъ врочистого платѹ каждому державцѹ Волковскийскомѹ.

И тыє Незводичане шапки своєє передъ нами не приставили, и слатися до державецѹ Волковскихихъ на томъ не хотели.

И мы ихъ въ томъ нашли винныхъ, и тую двадцать золотыхъ на нихъ пану **Ю**рѹю Глѣбовичѹ єсмо сказали: мають шни єго милости въ каждый годъ по двадцати золотыхъ давати, и напотомъ и иншимъ державцамъ Волковскийскимъ, также по двадцати золотыхъ въ каждый годъ. Писанъ 8 Берестѹи, дек[абрь] 23 день, индик[т]ъ 7.

44.—1519, 3 января. Постановление маршалка земскаго, подтверждающее приговоръ Магдебургскаго суда, по жалобѣ **Я**на Дубровича на Берестейскаго мѣщанина **Д**анька Семеновича о спорной землѣ.

|| (л. 16) **И**, **И**нѹ Миколаєвичъ, маршалокъ земский, староста Дорогицкий и Слонимский, а **Ш**льбрахтъ Мартиновичъ Кваштовтовича, воєвода Полоцкий, державца Мозырский. Смотрели єсмо того дела. Стояли передъ нами шчивисто, жаловаль намъ **И**нѹ Дубровичъ на мѣщанина Берестейского на **Д**анька Семеновича тымъ шбычаємъ: держитъ подъ собою два поли Ребеєвскии близкостъ жоны моєє, не вѣдаю—которымъ шбычаємъ.

¹ Въ вышеупоминаемомъ черновомъ наброскѣ этого документа: «плату».

И мы спытали Данька: што къ тому ѿпоръ маѣшь?

И онъ мовиль передъ нами: га тыи поля а ктому гатку закупилъ въ близкихъ жоны его въ девятинадцати копахъ грошей; естли онъ хочеть мети къ своѣй руде по жоне тыи поля и гатку, нехай ми пѣнязи ѿложитъ, какъ же и право нашо Маѣтборскоѣ сказало мнѣ тыи поля и гатку держати въ тыхъ моихъ пѣнязахъ.

И мы сказали тому Ину тыхъ поль и гатки искати на тыхъ ближнихъ жоны его, хто Даньку заставиль: они мають ему то очищати; а естли всхочеть Ианъ емъ пѣнязи его ѿложити по близкости жоны своѣе, маѣтъ Данько въ него пѣнязи взяти, а тыхъ поль и гатки поступити. Писанъ 8 Берестыи, ген[варь] 3 день, индик[т]ъ 7

45.—1519, 4 января. Памятная запись по жалобѣ Красника, Воробья, Водорацкаго и Ворона на королескваго дворянина Мартина Мишковича о неронвомъ раздѣлѣ имѣнія.

|| (об. л. 16) Приказаньеъмъ господаря короля его милости Жикгимонта. И, Ианъ Николаевичъ, маршалокъ земский, староста Дорогицкий и Слонимский, а Юръи Ильиничъ, маршалокъ господаря короля его милости, староста Берестейский, а Аврамъ Езововичъ, подскарбий земский, староста Ковенский. Жаловали намъ Красникъ а Воробей а Водорацкий а Воронъ на дворянина господарьского Мартина Мишковича тымъ обычаемъ: маемъ съ нимъ право ѿ имение, што намъ въ томъ имении неровность ѿ него, которое маемъ по жонахъ нашихъ.

Ино Мартинъ передъ нами къ праву ся становиль и вказываль передъ нами

въ той речи листы¹ судовыи пана Юрьевы Ильинича, ижь его милость ѿ томъ mezi ними вжо смотрель.

Ино Красникъ а Воробей а Водорацкий а Воронъ передъ нами сами жъ признали. Писанъ 8 Берестыи, ген[варь] 4 день, индик[т]ъ 7.

46.—(безъ даты). Показанія свидѣтелей о заборѣ сукна покойнымъ Николаемъ Юрьевичемъ Глѣбовичемъ у Варшавскаго мѣщанина Яна Шелики.

И, Ианъ Николаевичъ, маршалокъ земский, староста Дорогицкий и Слонимский. Жаловаль намъ мѣщанинъ Варшавский кѣгни еѣ милости Мазовецкоѣ Ианъ Шелика, ижь панъ Миколай Юрьевичъ Глѣбовича бралъ въ него сукна, а потомъ самъ вмеръ, а мнѣ тыхъ суконъ не заплатиль, какъ же ѿ томъ добре сведомо служебникъ его Коптю, который служиль въ небожчика пана Миколаа, который на тотъ часъ служить въ пана Виленского, гетмана навы[ш]шего.

И король его милость казалъ намъ спытати того Коптя.

И мы посылали маршалка своѣго Илью его пытати.

И тотъ Копоть передъ нами вызналь, ижь панъ Миколай взяль въ него Пурпиганъ петънадцать локотъ, || (л. 17) а семь локотъ Лунского попѣжкового, а семь локотъ белого шамету, а десять локотъ Лунского черленого.

А К[г]рик[г]ореюсъ варганиста созналь, ижь шесть локотъ Лунского серого.

А ещо Копоть созналь: семь локотъ тежь серого² Брудского, а двухъ суконъ не помяталъ: бурнатного Лунского, што Вшенскомъ взяти казалъ, шесть

¹ Это слово вписано надъ строкою. ² Въ подл. «серого».

локоть, а другоє сукно зеленоє Лунскоє, шесть локоть, казалъ взяти Бернатскомъ.

47.—1519, 1 января. Рѣшеніе по жалобѣ Анны Венславовой Скиндиревича и деверя ея Яна Скиндиревича на Юрья Якубовича Сирутевича объ убійствѣ имъ мужа ея Венслава.

Приказанъ емъ господаря короля его милости. Мы, **И**анъ Миколаевичъ, маршалокъ земскій, староста Дорогицкий и Слонимскій, а **Ш**льбрахтъ Мартиновичъ Кгаштвовича, воєвода Полоцкий, державца Мозырскій. Смотрели есмо того дѣла. Стояли передъ нами шчивисто, жаловала намъ Венславовая Скиндиревича Ганна зъ деверомъ своимъ **И**аномъ Скиндиревичомъ на Юрья **И**кубовича Сир^утевича тымъ шбычаемъ: мужъ мой приехалъ до дому его нѣкоторыми справами¹ своими; и шнѣ, его въ домъ свой приемши, и казалъ забити также въ дому своємъ ажъ на смерть.

И мы спытали Юрья: што къ тому шпоръ маешъ?

И шнѣ мовилъ передъ нами: знаюся къ томъ, ижъ панъ Венславъ приехалъ въ домъ мой, а га его чтилъ зъ доброю волею; а въ тотъ часъ былъ тежъ въ дому моємъ служебный господарскій, нѣаки[й] Андрей Мошенскій; и подпивши розмовили межи себѣ, а потомъ ся звадили; и га ихъ розважалъ. Ино тотъ служебный пошолъ съ светлицы на дворъ, а Венславъ, добывши корда, за нимъ выбегъ на дворъ, и тамъ шворотъ моихъ почали ся межи себе рѣбати. А потомъ повѣдятъ ми слуги мои, ижъ за гумномъ шпанъ Венславъ шбитъ лежить. **И** я прибегъ тамъ, а

того вжо служебного нетъ, **ш**(об. л. 17) и **ш** того часу есми его не видалъ ажъ до сихъ часовъ. А моѣе направи и воли не было, абы зъ моѣе направи его шбито. **И** га тогдыжъ, выстерегаючися тоѣ головщины, ехалъ есми до пана воєводы его милости Виленского и ш томъ его милости повѣдилъ и побралъ листы, абы мя въ томъ ни въ чомъ не рушено было до росправы.

И тата Венславова Ганна и зъ деверомъ своимъ **И**аномъ Скиндиремъ мовили къ томъ: мы того ничего не вѣдаемъ, хто съ нимъ звадилъ; лечъ мы знаемъ тебе, ты его приправилъ ш горло.

И мы спытали ш Венлавоѣ и въ **И**ана Скиндиря светковъ, если бы на то слушный доводъ мели, абы Юрья его приправилъ ш горло.

И шни мовили передъ нами: мы иншого доводъ на него ни которого не маемъ, нижли шнѣ зъ вазни казалъ его забити, и самъ при томъ былъ и тому есть причинца, и хочомъ на то присягнути, ижъ ш него смерть мелъ.

И мы, тому порозумевши, ижъ тотъ шбычай есть и права въ панстве господаря нашего: «коли въ чиемъ дому будетъ гость раненъ або шбитъ, маешъ шбийцы господаръ домовый искати, а головщину маешъ самъ платити», и надто² и Венславова а **И**анъ Скиндиръ, братъ Венславовъ, присягнути хотять—и мы положили рокъ присяге, водле шбычага и права земского, третій день.

И Венславова Ганна и **И**анъ на тотъ рокъ присягнули.

И мы шказали господарю его милости. **И** его милость, водле присяги ихъ и шказу суда нашего, нашолъ того Юрья [виннымъ] и казалъ его милость

¹ Въ подл. слова: «справами». ² Здѣсь слогъ *то* вписанъ надъ строкою

Ленька и Петра Фодоровичей на Станислава Якубовича Щитовича, который, повѣсивъ, вопреки суду, ихъ брата Степана, выгналъ жену изъ имѣнія и завладѣлъ этимъ имѣньемъ—Бациками.

|| (об. л. 19) Приказанъ емъ господаря короля его милости Жикгимонта. Мы, Ианъ Николаевичъ, маршалокъ земский, староста Дорогицкий и Слонимский, а Шльбрахтъ Мартиновичъ Кгаштовтовича, воєвода Полоцкий, державца Мазырекий.

I.—Смотрели есмо того дѣла. Стотали передъ нами вчивисто, жаловали намъ земляне господарский Сасинъ а Ленько а Петръ Фодоровичи на пана Станислава Якубовича Щитовича тымъ обычаемъ: которое имѣнейцо штецъ его панъ Якубъ Немировичъ далъ ѿцу нашему въ Бацикохъ, зъ войтовствомъ и привилеємъ его милость ѿцу нашему съ привѣсистою печатью на вѣчность далъ, и казалъ его милость вольно, кому хочачи, служити съ тымъ имѣньемъ. И штецъ нашъ тоѣ имѣнье и войтовство держалъ ажъ до живота своего. И после ѿца нашего мы тоѣ имѣнье спустили брату нашомъ Степану: шнь тоѣ имѣнье держалъ по тому, какъ и штецъ нашъ держалъ. Ино панъ Станиславъ, звазнившись на брата нашего, и казалъ его безправне обѣсити, и привилей взялъ, и тоѣ имѣнье ѿнялъ, и што было въ дому статковъ—коней, быдла, жита и таринъ, бчоль и пѣнязей двадцать копъ и двѣ копѣ—то все собѣ побралъ, а жону з-ымѣнья выгналъ, и теперь тоѣ имѣнье на себе держитъ.

И мы спытали пана Станислава Щита: што къ тому ѿпоръ маешъ?

И шнь мовилъ къ тому передъ нами: тоѣ имѣнье штецъ мой далъ ѿцъ ихъ не на вѣчность; коли держалъ тоѣ

имѣнье штецъ ихъ, тогда нашему ѿцу служилъ; после ѿца нашего братъ ихъ мнѣ служилъ, и зашкодилъ не мало, и та его съ права нашего земского казалъ обѣсити въ шкодахъ своихъ, и тотъ привилей и шноѣ имѣнье на себе взялъ.

И тотъ Сасинъ зъ братьею мовили къ тому передъ нами: твоя милость поведашъ, а бы шнь зашкодилъ твоей милости, и право тобѣ сказало на обѣшенье; ино право не сказало твоей милости на обѣшенье, бо шнь небожшикъ, шпустивши тоѣ право, зъ нетства втекъ до господаря его милости, || (л. 20) и его милость господарь приказалъ того досмотрѣти и справедливость тому вчинити пану Шльбрахту Мартиновичу Кгаштовтовича, воєводе Полоцкому, а пану Юрью Ильиничъ, старосте Берестейскому, а пану Якубъ Кунцовичу, конюшному дворному и Троцкому, державцу Васишишскому. Такъ годъ, какъ его милость въ Мельникъ былъ. И ихъ милость, досмотрѣвши того, и того брата нашего ему выдали въ шестнадцати копахъ грошей, и приказали ихъ милость тьи шкоды брату нашему поплатити; а какъ ему тьи шкоды поплатити, мѣлъ его пуетити.

И панъ Кгаштовтъ и панъ Юри Ильиничъ и панъ Якубъ Кунцовичъ ихъ милость сознавали и повѣдили то передъ господаремъ его милостью тою мѣрою: ижъ ихъ милость не сказывали на смерть того брата ихъ, нишли въ шкодахъ въ шестнадцати копахъ грошей подали; а какъ шнь шкоды его поплатити, мелъ его добровольне пуетити.

И господарь его милость съ паны радами его милости, выслухавши подле того ѿказу пановъ ихъ милости, казалъ его милость головщины на пану¹ Станиславе за того ихъ брата Степана сто копъ

¹ Слогъ на вписанъ надъ строкою.

грошей, а противъ того вины господарю его милости другую сто копъ грошей.

А што они повѣдили—которыи статки ихъ панъ Станиславъ зъ дому побралъ, што будетъ лицомъ, то масть имъ поѡдавати, а чого не будетъ лицомъ и на чомъ они присягнуть, масть панъ Станиславъ то имъ платити. И рокъ есмо той присязе положили тамъ на имѣньи, гдѣ шкоды сталися, мають присягнути въ чотырехъ недѣляхъ по Новомъ Лете передъ дворяниномъ господарскимъ Гришаномъ; а на чомъ они присягнуть, масть имъ то панъ Станиславъ платити; а если не всхоchetъ имъ тыхъ шкоды платити, тотъ дворянинъ господарский Гришанъ масть на немъ тыи шкоды справити и имъ подавати.

А што ся дотычетъ головщины брата ихъ, мы чотыри роки по дванадцати недель положили: первый рокъ—вступивши в постъ, масть имъ панъ Станиславъ заплатити двадцать и пять копъ грошей, а на другой рокъ—на семую суботу масть имъ заплатити двадцать и пять копъ грошей, а на третий рокъ—по Матцѣ Божьей Внебовзятъе въ двухъ неделяхъ **|| (об. л. 20)** масть заплатити двадцать и пять копъ грошей, а на четвертый рокъ — по святомъ Мартине въ тыйденъ масть имъ встатокъ головщины двадцать и пять копъ грошей заплатити. А если панъ Станиславъ на тыи роки тое головщины не заплатитъ, тотъ дворянинъ господарский Гришанъ в-ыйменье его въ Бадики масть ихъ ввязати: мають они тое имѣнье держати, поки имъ тыи пѣнязи сто копъ грошей заплатитъ.

II.—А што ся дотычетъ того имѣнья Бадиковичъ, в которое онъ право съ ними мель, казали есмо тотъ привилей ѡца своего пана Якубовъ положити.

И онъ тотъ привилей передъ нами положилъ. Тотъ привилей по-Латине писанъ на паркгамине съ привѣсистою печатью; ино печать врвана всобно ѡ листа на шнуре.

И тотъ Сасинъ зъ братьею мовили къ тому привилью: то не¹ естъ справный привилей, который онъ в брата нашего взялъ.

И панъ Станиславъ мовилъ передъ нами: та ма-мъ на то дворянина господарского, которого господаръ его милость мнѣ вижомъ далъ, Ивашка Солчата Перхурьева.

Тотъ дворянинъ господарский передъ нами свѣтчиль, ижъ онъ звѣдомъ в то; виделъ, коли тое привилье отдавалъ ему Ивашко Кошчичъ, и тогда беручи зъ рукава, врывалъ шнуръ. И позналъ тое привилье.

И мы тое привилье за справедливое привилье поставили. И пишетъ въ томъ привильи, ижъ панъ Якубъ далъ тому Федору на вѣчность тое имѣнье, нижли онъ масть ему и наслѣдкомъ его служити и земскою службою, также и ихъ наслѣдки; а если не всхоchetъ имъ служити, мають тое имѣнье и войтовство продати, кому хотячи, который бы мель пану Якубу и наслѣдкомъ его служити, какъ и втець ихъ служилъ.

Мы, подле того привилья, сказали и вредили межи ними тымъ вобычаемъ: если всхотятъ Сасинъ зъ братьею своему пану Станиславу служити съ тымъ именемъ, панъ Станиславъ масть ихъ мети по тому, какъ втець его ихъ ѡца держалъ на томъ имени, подле привилья его; а не всхотятъ ли ему служити, они мають тое имѣнье продати и всадити, хто бы мья пану Станиславу съ того имениа служити; а кому продадутъ тое имѣнье, масть панъ

¹ Это отрицаніе вписано надъ строкою.

Станиславъ ихъ заховати, какъ и Ѡца ихъ панъ Якубъ мель. Какъ же есмо того привилыа выписъ по-Руски списати казали на паркгамине, и томъ Сасину и зъ братьсю || (л. 21) его подъ печатьми нашими дали. И на то есмо имъ дали сесъ листъ нашъ судовый подъ нашими печатьми. Писанъ Ѡ Берестыи, декаб[ръ] 28 день, индик[т]ъ 7.

51¹.—1469, 23 июля. Дарственная запись Якуба Яновича Немировича Щита дьяку своему Федору на войтовство въ селѣ Бациковичахъ.

Во имя Божье станься. До крѣлевски вѣчныхъ памяти.

И, Якубъ а звлаща Иновъ сынъ Немировича и дѣдичъ въ Бациковичохъ чиню знакомито всимъ и посполитымъ знакомистъ будучю(sic). Ико Ѡбачачи новоѣ звѣтество, который мнѣ вѣрне служилъ речоный Федоръ дѣлакъ черезъ нѣкоторыи долгиѣ часы, для того га, Якубъ, матки своеѣ Малк[г]арѣты зъ доущеньемъ, даю и даю, и написую и записю реченому Федорови войтовство вѣчноѣ и надъ вѣчность дѣдизства села моего Бациковичовъ, и записую ему двѣ волоце въ Грѣде, кореня нового, почонъ Ѡ реки Каменки ажъ до границъ Чертеѣвскихъ такъ далеко, гако естъ межи сѣсѣдми; тежъ ѡстровъ почонши Ѡ границы речонноѣ Каменки ажъ до границы Борятинскоѣ и Туренскоѣ сторонами двѣма, а съ третее стороны ажъ до дороги, которага дорога идетъ изъ Бациковичъ ажъ до Мельника, а [съ] стороны четвертоѣ ажъ до дороги, которага дорога идетъ Ѡ старого тивуна Конаха долиною по дорожку, што идетъ до Борятинца. Ещо даю и записю ему вчинити рыбники въ рецѣ Каменки,

гдѣкольвекъ можетъ Ѡчинити, Ѡ выспу своего до нашего берегъ, для воды и вжиткѣ рыбного; на которомъ выспе только борти на себе заховаючи. Который войтъ маеть посадити люди, давши имъ волю до шестнадцати лѣтъ, а коли выседятъ шестнадцать лѣтъ воли, ино мають тыи люди платити циншъ по двадцати грошей, и по дву корци ѡвса, и по двою куръ, и по полукопью гаецъ, на святой Мартинъ, въ рокъ, и мають робити, подлугъ ѡбычага, земли. Войтъ маеть ||(об. л. 21) людей судити Немецкимъ правомъ Маитборскимъ, и маеть на себе брати вину, которага сказана будетъ тымъ² жо правомъ Маитборскимъ—третий пѣнязь, вынявши нѣкоторыи члонки и суды, которыйи суть захованы на право земскоѣ. И который войтъ естли намъ або нашимъ намѣстникомъ и инымъ парсунамъ былъ бы Ѡ нѣкоторыхъ члонкахъ або въ рѣчахъ винень, тогды не инако только правомъ преречо[ны]мъ Маитбарскимъ маеть быти сужонъ. И дозволяемъ ему вольноѣ паствы, водъ, дерева на будованье и на его потреби вси, заещи ловити и птахи ловити. Котороѣ войтовство и вси рѣчи назнаменованы будетъ держалъ и мѣлъ и трымалъ на вѣки вѣчне, и тоѣ войтовство и все наречо можетъ продати, заменити, даровати, заставити, какъ налепѣи ся къ его пожиткѣ будетъ видело, ѡбротити, и маеть моѣ дозволенье подарованыа нареченого войтовства. Преречоный³ Федоръ и его наслѣдкове мають намъ и наслѣдомъ нашимъ служити тымъ ѡбычаемъ: ижъ съ нами або зъ нашими [наслѣдки] на войнѣ съ кушею Ѡ панцѣрю зъ обсеичомъ(sic) и съ прилбицою на нашей страве служити, и на иныхъ

¹ Этотъ документъ—плохой переводъ съ Латинскаго оригинала, о которомъ упоминается выше, въ документѣ № 50. ² Въ подл.: «тамъ». ³ Въ подл.: «пререзонный».

службы на своѣмъ кони добромъ не маѣтъ быти готовъ, только будетъ потреб[ъ] на войну. Тежъ коли ся пригодить вказати тотъ привилей передъ нами, або передъ нашими наслѣдки, тогда, видячи¹ єго и прочетши², маѣтъ быти єму вочонь, безъ єго каждого накладу. А тоє писано въ Купятине, въ понедѣлокъ, назавтреє по святой Марьи Макгдалене, лѣта Божьєго тысяча чотыриста шестьдесятъ и девятого. А при томъ были вроженыи и шлехетный: Миколай Соколовский, Станиславъ и Мартинъ Карский, братья рожоньи, Павелъ Суходольский, Войтехъ Ск[г]ибневский, тежъ братья рожоната, Шпетко Яблонский и иныхъ много добрыхъ людей. Къ тому листу³ єсми тую печать свою привѣсилъ.

52.—1519, 4 января. Рѣшеніе по тремъ жалобамъ королевскаго маршалка и секретаря Николая Михновича Рачковича: а) на князя Ивана Васильевича Козеку о мельницѣ, б) на князя Януша Михайловича Козечича объ имѣніи Ольбазь, и в) на людей этихъ двухъ князей о разныхъ насиліяхъ.

|| (л. 22) Приказаньємъ господаря короля єго милости Жикгимонта. Мы, Янъ Миколаєвичъ, маршалокъ земский, староста Дорогицкий и Слонимский, а Якубъ Кунцовичъ, конюший дворный и Троцкий, державца Василишский, Лѣпунский и Волкиницкий. Смотрѣли єсмо того дѣла.

I.—Стояли передъ нами шчивисто, жаловалъ намъ панъ Миколай Михнович Рачковича, маршалокъ и секретарь господарьский, державца Шовленский, на князя Ивана Васильєвича Казѣку

тымъ шбычаємъ: млынъ мой звѣчный моцно квалтомъ взялъ, и млынаря моєго выбилъ, и своєго ѡставилъ; и тотъ млынъ предки мои ѡ ста лѣтъ держали, и га тежъ во впокои єсми єго мѣлъ, ни хто ся въ него николи ни чимъ не встѡпалъ.

И мы спытали князя Ивана Казѣку: што къ тому ѡпоръ маѣшь?

И онъ мовилъ передъ нами: тотъ млынъ твой єсть, ни жили къ моєму берегу сыпанъ; и га шбсылалъ єсми намѣстника твоєго, абы ми въ томъ справедливость ѡчинилъ; ино намѣстникъ твой ѡказалъ мнѣ: «не маю га тоє моци, ижъ быхъ мѣлъ тобѣ панскую ѡчизну протягивати, або єѣ поступати, шбошлю га пана своєго». И га потомъ ѡчинилъ зъ намѣстникомъ твоимъ змову, и тамъ своєго мельника къ єго млыну ѡставилъ, абы тамъ мои мѣрки не гинули до права.

И панъ Миколай мовилъ къ томъ: не мель ты къ томъ млыну николи ничего, ани твои предки; а намѣстникъ мой не мѣлъ тоє моци, абы ся мѣлъ тобѣ моєго млына поступати и съ тобою змову чинити.

И надто єщо панъ Миколай и шапку ставилъ на томъ, ижъ квалтомъ млынъ єго⁴ взялъ, и єго мельника выгналъ, а своєго ѡставилъ, и мѣрки мои на себе бралъ.

И князь Иванъ [мовилъ]: «га дей мѣрки съ того млына не бралъ», и шапки не приставилъ.

И мы спытали князь Ивана Казѣку: єстли бы мѣлъ котороє право съ паномъ Миколаємъ ш тотъ млынъ, або въ держаньи єго былъ, або чи шбсылалъ пана Миколата, права жадаючи?

¹ Въ подл.: «вядячи». ² Послѣ сего излишне повторено: «тогда». ³ Въ подл., вмѣсто этого слова, было написано другое (кажется: «коли»), потомъ полувытертое. ⁴ Это слово вписано надъ строкою.

И князь Иванъ повѣдилъ передъ нами: ижъ съ паномъ Николаемъ ш тотъ млынъ права не мѣлъ, ани въ держаньи ¹ его былъ.

И мы, томъ поразумѣвши, подле сознанья князя Иванова и тежъ доводъ пана Николаева, ижъ шнъ ш тотъ млынъ съ паномъ Николаемъ николи права не мѣлъ, ани пана Николая шбсылаючи, ((об. л. 22) ш тотъ млынъ квалтомъ шступилъ, присудили есмо пану Николаю тотъ млынъ зася мѣти, по старому, и квалту сказали есмо пану Николаю на князи Иване дванадцать рублевъ грошей, а господарю королю его милости дрѣгѣю дванадцать рублевъ грошей, и три роки по чотыри недѣли положили есмо—вступивши въ постъ ш Великий, въ двухъ недѣляхъ, маеть тотъ квалтъ заплатити. А бѣдетъ ли князю Ивану дѣло до пана Николая ш тотъ млынъ, шнъ нехай собѣ правомъ съ нимъ шбыходитъ.

II.—И тежъ жаловалъ намъ панъ Николай на князя Инуша Михайловича Казѣчича ш томъ: штожь дей которе имѣнѣе моѣ Шльбазъ было въ заставе ш шца его ш матки моѣ, тогды шнъ чѣвка моѣго шчинного съ тоѣ земли моѣ Бедуновщины выгналь, и своѣго посадилъ, ш чомъ же томъ ш вжо и право было передъ княземъ Костянтиномъ Ивановичомъ его милостью Шстрозскимъ въ тотъ часъ, коли еси его² милость швязывалъ ш Луческъ; и его милость присудилъ мнѣ зася того чѣвка моѣго и зъ землю вернути; и после того многими листы господарьскими и тежъ своими шбсылал-омъ матку его, абы ми, водлугъ сѣда князя его милости, того чѣвка вернѣла; ино matka его и до сихъ часовъ мене шбѣтницюю

шбывала, а того чѣвка и земли не вернула ми.

И князь Инушь мовилъ къ тому: ачкольвекъ дей на тоѣ право позванъ еси, а ведже matka мога, будучи на тотъ часъ хора, не поручила ми того, абыхъ въ томъ праве шказывалъ, только быхъ ся передъ правомъ шказалъ.

И панъ Николай противъ рекъ: matka твога не есть шчичка тому имѣнью, але ты шчичъ; а тобѣ вжо тыи лѣта минули, въ которыхъ ты можешъ въ праве шповедати, для чегожь ми шпра[во] шволочи не можешъ.

И князь Инушь рекъ: га ш томъ ничего не вѣдаю.

И панъ Николай на то ещо и шапку приставилъ до суда князя Костянтинова его милости.

И князь Инушь шапки не приставилъ, ани которого шпоры противъ того не чинилъ.

И мы, тому порозумѣвши, ижъ князю Инушѣ вжо тыи лѣта минули, въ которыхъ же можетъ ш праве шповедати и маткою не вымовлятися, а ктому ижъ³ былъ позванъ на тоѣ право листы господарьскими, приказали есмо, подле того доводу пана Николая ((л. 23) ва, тую землю и съ тымъ чѣвкомъ⁴ вернути на тотъ рокъ ш свята Трехъ Крелевъ за семь недель; а если бы шнъ на тотъ рокъ того чѣвка и зъ землю не шдалъ, мы приказали дворянинѣ господарьскому Алехну Кривцѣ въ того чѣвка пана Николая швязати.

III.—И тежъ жаловалъ намъ панъ Николай: штожь дей люди князя Ивановы и князя Инушовы Казѣчичовъ ему и людемъ его квалты и шбийства и грабежи и иншии многии кривды починили; къ чомужъ дей ихъ листы госпо-

¹ Въ подл. описка: «держанье». ² Эти два слова излишне повторены. ³ Послѣ сего по ошибкѣ написано и зачеркнуто: «тую землю». ⁴ Въ подл. описка: «чѣвковъ».

дарскими ку праву позывалъ, абы шни тыи люди передъ господаремъ єго милостью поставили; ино шни на листы господарскии тыхъ людей свои[хъ] ку праву не поставили.

И мы казали имъ тыхъ людей, до которыхъ будетъ пану Николаю дѣло, ку праву поставити тамъ на имѣнни передъ судыами.

Панъ Миколай взялъ въ насъ на тоє дѣло съ своєѣ рѣки судьєю Шлехна Кривца, а шни тежъ и съ своєѣ руки судыами на тоє дѣло, кого всхотятъ, того возмутъ. На штожъ єсмо и рокъ имъ положили ѿ свята Трехъ Кролевъ за семь недѣль, подъ страченьемъ права. И на то єсмо пану Николаю дали сесь листъ нашъ судовый подъ нашими печатями. Писанъ ѿ Берестѣи, ген[варь] 4 день, индик[т]ъ 7.

53¹.—1519, 2 января. Постановленіе по жалобѣ Любецкихъ боярь Першка Игнатовича, Ивашка Амбросовича и вдовы Яхны Мацковой на Мартина Мелешковича и Мышку, которые отнимаютъ у нихъ земли, заставляють служить себѣ и не пускаютъ въ лѣсь.

Приказаньемъ господаря короля єго милости Жикгимонта. И, Ианъ Миколаєвичъ², маршалокъ земский, староста Дорогицкий и Слонимский, а Ианъ Иновичъ Заберезынский, воєвода Новгородский, державца Довкговский и Марковский, а Инушь Костевичъ, маршалокъ господарский, державца Шжский, Переломский и Радунский.

I. — Смотрѣли єсмо того дѣла³. Жаловали намъ ботаре Любецкиє, на имя Першко Игнатовичъ, а Ивашко

Шмбросовичъ, а вдова Мацковага Яхна, и съ тыми со всеми, которыи въ листе господарскомъ выписаны стоитъ, на пана Мартина Мелешковича а на Мышку тымъ шбычаємъ: штожъ дей шни земли ѿчинныє въ насъ ѿнимають, а собѣ намъ велятъ служити. А повѣдили передъ нами: штожъ король єго милость ѿ шурина єго ѿнялъ насъ, и листъ намъ (об. л. 23) на то далъ.

Который шни листъ передъ нами вказывали. Въ листе господарскомъ стоить, штожъ король єго милость велѣлъ пану Михайлу Ѳедьковичу передъ собою стати, и привильє положити; и Михайло дей передъ господаремъ єго милость[ю] самъ не сталъ, и привилья не положилъ; и король єго милость тыхъ ботаръ зъ моци Михайловы вынялъ, для того, ижъ Михайло самъ не сталъ, и привилья не положилъ; и велѣлъ єго милость имъ къ Новугородку служити; а єсли бы Михайлѣ потреба была до тыхъ ботаръ, велѣлъ єго милость правомъ искати.

Ино мы и теперечи сказали: коли панъ Мартинъ а Мышка ѿсхотятъ нѣкоторыхъ съ нихъ, кромъ шляхты, або земель ихъ правомъ искати, мають имъ права достогати.

II.—Тежъ жаловали намъ тыи ботаре Любецкии: штожъ дей шни насъ не пускають въ лѣсь въ ловы свои за Немонъ дерева⁴ брати на хоромы и дровь.

И Мартинъ зъ Мышкою мовили передъ нами: господарь дей король єго милость Александро цтю нашому тоє имѣньє Любче зъ ловы далъ, и привильє написати казалъ.

И тыи ботаре повѣдили: ѿ вашомъ дей привильи лововъ не написано.

¹ Срвн. выше, во Второй Книгѣ Судныхъ Дѣлъ, документы №№ 324, 349 и 394, и ниже—№ 112. ² Это слово, по опискѣ, повторено. ³ Послѣ сего было написано и зачеркнуто: «стояли передъ нами очи...» ⁴ Въ подл.: «дрова».

И мы велѣли пану Мартину а Мышце тотъ привилей передъ паномъ воєводою Новгородскимъ передъ паномъ Иномъ Заберезынскимъ положити: ино естли будутъ ловы въ томъ привилей выписаны, тые ботаре не мають въ пуцу Любецкѣю възждати, ани дровъ брати, ни жили мають своихъ старыхъ проробковъ смотрети, а новыхъ не приробливати. А поки панъ Мартинъ привилей положитъ, маеть панъ воєвода тымъ ботаромъ листъ дати до пана Мартина а до Мышки, абы колько дровъ 8рокомъ дали на ихъ дворы. Писанъ 8 Берестѣи, ген[варь] 2 день, индик[т]ъ 7.

54.—1518, 30 декабря. Присужденіе Ожунцакаго намѣстника князя Мстиславскаго—Богдана Селянки къ уплатѣ въ пользу трехъ солдатъ роты Пилецкаго головщинъ и убытковъ съ десяти крестьянъ кн. Мстиславскаго, которыхъ Селянка не выдалъ, вопреки суду.

|| (л. 24) Приказанъ емъ господаря короля его милости Жикгимонта. Мы, Ианъ Николаевичъ, маршалокъ земский, староста Дорогицкий и Слонимский, а Шльбрахтъ Мартиновичъ Кгаштовтовича, воєвода Полоцкий, державца Мозырский. Смотрѣли есмо того дѣла. Стояли передъ нами шчивисто, жаловали намъ служобный господарский зъ роты пана Пилецкаго, на имя Зибольтъ, а Ихимъ, а Петръ, на намѣстника Шжунцакаго князя Иванова Михайловича Мстиславскаго, на имя на Богдана Селянку тымъ шбычаемъ: што панове ихъ милость рады господарский сказали за голову брата нашего и за шесть головъ слугъ нашихъ шляхетскихъ и шкоды, всего сумою девять сотъ копъ грошей и пять копъ безъ пяти грошей, на людехъ князя Мсти-

славскаго и тежъ на людехъ князя бискупа Лѣцкаго Лебедевскихъ; и которыхы люди тыхъ головъ побили, и ихъ милость приказали вядникомъ тыхъ людей зъ жонами и со всеми статки намъ выдати; и дворянина господарского Андрыа Боховца послали и приказали ему, абы, побравши тыхъ всехъ людей мощно, намъ подалъ¹. И мы тамъ съ тымъ дворяниномъ господарскимъ приезджали. Ино тотъ намѣстникъ князя Мстиславскаго Богданъ, подле суда ихъ милости, только шесть члѣвковъ намъ выдалъ, а девяти члѣвковъ намъ выдати не хотѣлъ, не вѣмъ—для котороѣ причины. А тыхъ людей князя Мстиславскаго было пятнадцать члѣвковъ. И мы тыхъ людей не брали и тежъ князя бискуповыхъ для тыхъ же людей князя Мстиславскаго не брали, ижъ не вси намъ поданы.

И мы спытали того намѣстника Богдана: што къ тому шпоръ маешъ?

И шнъ мовилъ передъ нами: правда есть, выдалъ га тыхъ людей шесть члѣвковъ, и шни ихъ не брали, и тыхъ людей не было в[тъ мене], ани приповѣданы были мнѣ.

Ино панъ Кгаштовтъ его милость, воєвода Полоцкий, въ тотъ часъ вызналъ самъ: ижъ дей коли къ праву тыи люди тотъ намѣстникъ Богданъ передъ насъ ставилъ посланъ емъ князя своѣго, въ тотъ часъ приказали есмо ему вси тыи люди, которыхы въ листе нашомъ судовомъ стоатъ выписаны, абы шнъ, тыхъ людей поймавши, || (об. л. 24) подалъ тому дворянину господарскому Боховцѣ, а шнъ мялъ имъ въ рѣки подати.

Какъ же князь Мстиславский писалъ къ намъ, ижъ ему приказалъ тыи люди подати.

¹ Здѣсь лъ поправлено изъ *тн*.

А кгдажь шнѣ тыхъ девяти члѣковъ имѣ не подалъ, подле суда и приказанья нашего, и тыхъ часовъ сказуемъ на томъ намѣстнику Шжунцкомъ за тую девять головъ, которыи повтекали за єго сплошенство[мъ], полчетверта ста копъ грошей безъ полтретѣи копы за головщины и за шкоды, а тыхъ людей маѣть собѣ искати.

И господарю єго милости то єсмо ѿказали. И єго милость господарь приказалъ намъ сказати, и роки напервѣй шкоде положити, истинну тыхъ шкодъ платити безъ навязки, часть того намѣстника князя Михайлова, што бы мѣла приити за шнѣю девять головъ, сорокъ копъ и пятьдесятъ грошей, кромъ тыхъ шести члѣковъ князя Миха[й]ловыхъ и князя бискупныхъ семи члѣковъ; а тыи люди свои части платити мають, усумовавши межи себе по части—шестьдесятъ копъ и рубль грошей и полтретя гроша.

И мы, водлугъ приказанья господарьского, положили тому намѣстникѣ князя Михайлову три роки, по чотыри недѣли: на первый рокъ—по Божьємъ Нарожєнѣи въ чотырехъ недѣляхъ маѣть заплатити тотъ намѣстникъ полчетвертынадцатыи копы грошей и три гроши, а на другой рокъ—то єсть на Старыи запусты Лядцкии толькожь, а на третий рокъ—Ѹступивши Ѹ постъ Ѹ двухъ недѣляхъ маѣть заплатити чотырнадцать копъ и чотыри гроши. А тыи люди князя Михайла Мстиславского и князя бискупни, тринадцать члѣковъ, по тымъ жо рокомъ, Ѹ двунадцати недѣляхъ, какъ єсмо намѣстнику Шжунцкому въ семь листе нашомъ положили, мають тую шестьдесятъ рублевъ и полтретя гроша заплатити. А какъ тотъ намѣстникъ князя Мстиславского

Богданъ¹ по тымъ рокомъ тыи пѣнязи заплатитъ, ѿ того часу Ѹ годъ, индикта ѿсмого, маѣть заплатити головщины сто копъ и тридцать копъ и три копы грошей, а на другой рокъ индикта ||(л. 25) 9 маѣть заплатити тежь головщины сто копъ и тридцать копъ и три копы грошей. А предся маѣть² навязки заплатити шкодъ ихъ, што ся дотычетъ зброи, коней, шатъ и иншихъ рѣчей, въ тотъ часъ, коли маѣть головщинѣ платити,—сорокъ копъ и пятьдесятъ грошей. А тыи люди князя Мстиславского и князя бискупни, тага тринадцать члѣковъ, и ихъ помочники села Кривого, которыи поволаны на первомъ праве, мають за семь головщинъ платити семь сотъ копъ грошей, розделивши по частемъ, колько на кого сѸмою приидеть, по тымъ жо рокомъ, на которыи єсмо намѣстнику казали заплату вчинити, за девять головъ и за шкоды навязки шестьдесятъ копъ и рубль грошей и полтретя гроша мають на тыижъ роки вышемѣнены платити. А єсли тыѣ люди князя Мстиславского и князя бискупни не будутъ мѣти чимъ платити, мають тыи намѣстники тому дворянинѣ господарьскомѣ Боховцу ихъ въ руки подати, а шнѣ тымъ служебнымъ ихъ подасть со всеми ихъ статки, подлугъ суда пановъ ихъ милости. А пакли бы тыи люди князя бискупни, семь члѣковъ, после того какъ тымъ служобнымъ подаваны, померли, або Москвичи побрала, а любо хотя который бы съ нихъ, шѣшодши прочъ, игдѣ въ панстве господаря нашего мешкалъ, тыхъ не повиненъ намѣстникъ князя бискупий имѣ искати и платити, для тоѣ причины, ижь тотъ Зибольтъ самъ и тотъ дворянинъ господарьский Боховець повѣдилъ передъ

¹ Здѣсь а вписано надъ строкою. ² Въ подл.: «мають».

нами, ижъ намѣстникъ князя биск[уп]ий выдавалъ имъ тѣю семь члѣвковъ со всеми ихъ статки, и шни не брали въ нихъ, для князя Мстиславского людей, то шни сами собѣ въ томъ шкодуютъ. А если бы ся гдѣ ихъ довѣдано мешкаючи[хъ] въ панстве господаря нашего, тогда тотъ же дворянинъ господарьскій Баховецъ масть, тамъ схавши, мощно ихъ побрати и тымъ служебнымъ подавати со всеми ихъ статки. (об. л. 25) И тежь на томъ есмо положили: если тыхъ служебныхъ речей въ кого кольвекъ што познѣють, таковой масть шно е сумы девяти сотъ копъ грошей ъ помочь такую жь часть платити, какъ и тыи люди платять. И на то есмо тымъ служебнымъ Зиболту а Ихиму а Петру дали сесь листь нашъ судовый зъ нашими печатями. Писанъ ъ Берестѣи, декаб[рь] 30 день, индик[т]ъ 7.

55.—(безъ даты). Свидѣтельство суда о томъ, что королевскій маршалокъ Венславъ Костевичъ уклонился отъ явки въ судъ и присяги по обвиненію имъ Кобринскаго землянина Петра Савицкаго въ разбитіи Берестейскихъ Евреевъ.

Приказанъ есмъ господаря короля его милости. Я, Янъ Николаевичъ, маршалокъ земскій, староста Дорогицкій и Слонимскій, а Шльбрахтъ Мартиновичъ Кгаштовтовича, воєвода Полоцкій, державца Мозырскій. Смотрели есмо того дѣла. Стогали передъ нами шчевисте, жаловалъ намъ землянинъ Кобринскій Петръ Савицкій на пана Венслава Костевича, маршалка господаря короля его милости, тымъ шбычаемъ: взялъ на мнѣ панъ Ве[н]славъ шестьдесятъ копъ грошей безвинне и безъ жадного права.

И панъ Ве[н]славъ мовиль передъ нами: тотъ Савицкій розбилъ Жидовъ Берестейскихъ, и рыбѣ въ нихъ пошнималъ на добровольной дорозе. И га посылалъ въ домъ къ немѣ намѣстника моєго Кобринскаго Михна Петровича; и тотъ намѣстникъ мой въ его домѣ лицомъ рыбѣ тыхъ Жидовъ нашолъ; и тую рыбу привезли ко мне на дворъ. И га судилъ его съ тыми Жиды, и нашолъ его въ томъ розбой винного, и казал-омъ ему заплатити тыи рыбы и за иншии товарыши тымъ Жидомъ тридцать копъ и двѣ копе грошей, а мне противъ того на немъ вина.

И Савицкій мовиль передъ нами: га въ томъ не виненъ, ани къ тому ся знаю, абыхъ кого розбивалъ; ани судилъ мя еси въ томъ, бо господарь его милость, на жалобу мою, посылалъ до него пана Андрѣта Лозку судьєю зъ моєе руки; панъ Лозка въ томъ мене нѣ¹ нашолъ винного.

Панъ Лозка суда своєго регистра передъ нами покладалъ.

Ино мовиль передъ нами Савицкій: хочу присягнути на томъ, ижъ есми въ томъ не виненъ, ани шнѣ мене судилъ.

И панъ Венславъ мовиль передъ нами: га хочу самъ право поднести на томъ, ижъ шнѣ тыхъ Жидовъ розбилъ, и въ томъ есми его нашолъ винного, и хочу его шбесити.

И мы положили емѣ рокъ присязе третій день, подле шбычана.

И шнѣ намъ на тотъ роѣ не шповедался и не присягалъ.

56.—1519, 5 января. Уничтоженіе королевъ привилегіи на магдебургское право, испрошенной Порозовскимъ войтомъ Яномъ Подоляниномъ, вопреки желанію Порозов-

¹ Здѣсь ѣ переправлено изъ л.

скихъ мѣщанъ, о чемъ они принесли жалобу суду, вмѣстѣ со своимъ бурмистромъ Дробышомъ.

«(л. 26) Приказанъ емъ господаря короля его милости Жикгимонта. Мы, Ианъ Миколаевичъ Радивиловича, маршалокъ земский, староста Дорогицкий и Слонимский, а Шльбрахтъ Мартиновичъ Кгаштовтовича, воєвода Полоцкий, державца Мозырский, а Юрѣи Ильиничъ, маршалокъ господаря короля его милости, староста Берестейский. Смотрели есмо того дѣла. Стояли передъ нами шчивисто, жаловалъ намъ войтъ Порозовский Ианъ Подолянинъ на бурмистра Порозовского Дробыша, рядецъ и на всехъ мѣщанъ тымъ шбычаемъ: послали мѣне ѿ всего мѣста до господаря его милости, чоломъ бѣючи его милости и просячи права новѣго Маитбарского; и та до господаря его милости ехавши, тоѣ право, ш котороѣ шни мѣне просили, выправиль: далъ его милость на то мнѣ, войту, и всимъ мѣщаномъ привилій свой господарьский; и што та ѿ того выдалъ пѣнязей того моѣго накладу, тыи мѣщане платити не хотять; а злюбилѣ мене тотъ накладъ платити.

И мы спытали бурмист[р]а и рядецъ и мѣщанъ: што къ томъ ѿпоръ маѣте?

И шни мовиликъ тому передъ нами: мы войта ш тоѣ право, котороѣ шнѣ ѿ господаря его милости принесъ, не посылали, ани его есмо просили, абы шнѣ такоѣ право намъ выправиль: бо шнѣ все ку пожитку собѣ вправиль, а намъ на великую шкodu: для которого жъ права, вси прочъ ся розойдемъ. Мы послали его, чоломъ бѣючи господарю его милости, абы его милость рачиль змилованъе свое господарьскоѣ вчинити въ кривдахъ и въ тяжкостехъ нашихъ,

которыи мы кривды ѿ шбапольныхъ пановъ и богаръ маѣмъ, абы ся намъ въ томъ справедливость стала. И шнѣ, того ничего намъ не вправивши, привилій взялъ, въ которомъ собѣ татку суконную и корчму вольную въ месте и сеножати, у господаря его милости которыхъ къ мѣсту мель просити, то шдному себе «(об. л. 26) впросиль; а на насъ въ тотъ привилій вписалъ по полукопью зъ воротъ до скарбу господарьского въ каждый годъ давати; а передъ тымъ мы того не плативали. Мы того привиліа его не хочомъ примати, а держимся старого привиліа славноѣ памети Александра короля его милости. А какъ жо и нынешній господаръ его милость Жикгимонтъ¹ далъ намъ листъ свой до державцы Волковыйского князя Инуша Александровича, абы насъ заховалъ, подле привиліа брата его милости Александра, короля его милости.

Который шни листъ передъ нами поклодали. Въ томъ листе господарьскомъ стоять, ижъ поклодали передъ его милостью привилій брата его милости, въ которомъ его милость вси доброволенства права Маитбарского имъ выпишуетъ, а державцамъ Волковыйскимъ не казалъ его милость кривдъ ни которыхъ имъ чинити, нежли шни мають правомъ Маитбарскимъ правоватися.

Мы казали войту тотъ привилій Александра короля его милости передъ нами положити, какъ господаръ его милость въ листе своѣмъ знаменуѣтъ.

И шнѣ рекъ положити передъ нами тотъ привилій.

И мы ему рокъ дали.

И шнѣ и на тотъ рокъ того привиліа не положиль.

И мы то повѣдили господарю его милости, ижъ тотъ войтъ того привиліа

¹ Послѣ сего не у мѣста написано: «его».

старыхъ правъ положити передъ нами не хотель. И єго милость господарь, ѡбмовивши съ паны радами своими, ижъ коли мѣщане єго не посылали того права вправляти, єго милость моцѣ подданымъ своимъ не чинить: ѡставиль єго милость мѣщанъ Порозовскихъ при старомъ праве, а тоє привиліє новое єго милости казалъ содрати, и велель имъ, подлугъ старого права Маитбарского, справоватися, и тыми службами служити, какъ передъ тымъ служивали.

А што ся дотычетъ шкоды єго, на то ѡнъ доводу не вчиниль черезъ светки.

Нежли ||(л. 27) такъ ся видело господарю єго милости, ижъ мають три або чотыри мѣщанина, которыхъ ѡнъ ѡбереть, право поднести, кромъ тыхъ мѣщанъ помочниковъ єго, которыи съ нимъ єздили: Якути Мартиновичъ а Матей Петровичъ а Иванъ Семеновичъ, на томъ, ижъ єму не злюбили накладовъ єго платити; и рокъ єсмо той присяге положили Ѡ Нового Лета въ двѣхъ неделяхъ, въ пятницу: мають въ Порозове присягнути передъ дворяниномъ господарскимъ, передъ Шимкомъ Скиндиревичомъ, которого имъ господарь єго милость вижомъ для присяги далъ. Писанъ въ Берестѣи, ген[варь] 5 день, индик[т]ъ 7.

57.—1519, 5 января. Назначеніе присяги, съ приведеніемъ текста оной, братьямъ Заранковичамъ: Мартину (войскому Дорогицкому), Богушу, Мацку и Ивану, по дѣлу о томъ, что дядя ихъ Янъ Горбовскій нераздѣльно владѣль съ отцемъ ихъ имѣніями: Горбово и Легуты.

Приказанъємъ господаря нашего короля єго милости Жикгимонта. Мы, Ианъ Миколаевичъ, маршалокъ земскій, староста Дорогицкій и Слонимскій, а

Юрзи Ивановичъ Ильинича, маршалокъ господаря короля єго милости, староста Берестейскій и Лидскій, а Ѡврамъ Єзоѡвичъ, подскарбий земскій, староста Ковенскій. Смотрели єсмо того дѣла. Стогали передъ нами ѡчивисто, жаловали намъ Мартинъ, войскій Дорогицкій, зъ братьєю своєю, зъ Богушомъ а зъ Мацкомъ а зъ Иваномъ¹ Заранковичи, на дядю своєго на Иана Горбовского тымъ ѡбычаємъ: держить подъ собою имѣныя, Ѡчизнѣ нашу, Горбово а Легуты, а намъ въ томъ кривда ся великаа дѣеть, ижъ ѡнъ вѣчного дѣлу зъ Ѡцомъ нашимъ, братомъ своимъ, не мель, и маєть больши людей и земля, и пуци и дерева бортного, и ѡзеръ и сеножатея, а намъ ровного дѣла Ѡ-в-ыйменѣяхъ Ѡчизныхъ дати не хочеть. Ино та, єщо за Казимира короля єго милости, после Ѡца своєго, єму ѡ томъ не молчалъ: єго милости жаловалъ, абы намъ ровный дель далъ; а потомъ, по Александрѣ королі єго милости, тежъ жаловалъ и, листы господарскими впоминаючи ѡ томъ ємъ, приносиль; и ѡнъ и до сихъ часовъ ровности намъ въ тыхъ имѣнѣяхъ не вчиниль.

И мы ||(об. л. 27) спытали Иана Горбовского: што къ тому Ѡпоръ маєшь?

И ѡнъ мовиль передъ нами: ѡни поведають передъ вашою милостью, абыхъ та ровности имъ в-ымѣнѣяхъ Ѡчизныхъ не далъ; ино та мѣль дѣль ровный и вѣчный съ Ѡцомъ ихъ, братомъ своимъ, какъ же выєждяли насъ делити панъ Иванъ Ходъкевичъ а панъ Семень Ѡлизаровичъ, и листы намъ дѣлѣчи были зъ ѡбу сторонъ подавали; ино тотъ листъ Ѡ мене згинуль, какъ же тотъ листъ ѡни сами Ѡ мене видали и єго читали, ижъ тамъ вѣчный дѣль взяли єсмо зъ братомъ своимъ, Ѡцомъ ихъ.

¹ Въ подл.: «з-ываномъ».

И Мартинъ, войский, зъ братьсю своєю къ тому мовили: мы то знаємъ, ижъ листъ Ѹ тебе былъ, и видели єсмо єго, але то листъ несправедливый былъ, ани тежъ вѣчности ни котороє въ немъ не было написано, а штець нашъ, противъ того листа, иншого листа въ себе не мялъ, какъ же дѣлъ вечистого межи вами не было, такъ братскою рѣчью єсте ты имѣнья держали; а потомъ штець нашъ Ѹмеръ.

И Инъ Горбовский мовилъ передъ нами: хочу на томъ право поднести, ижъ єсмо мели вѣчный а ровный дѣлъ зъ братомъ моимъ.

И Заранки мовили передъ нами: мы не дадимъ єму присягати, бо маємъ свѣтки, и теперъ живы, передъ которыми єсмо¹ жаловал[и] Казимиръ королю єго милости ш тѣю неровность нашу.

И надто мовили: хочомъ вси чотыри присягнути на томъ, ижъ штець нашъ ровного а вѣчного дѣлу съ нимъ не мялъ, ани панъ Иванъ Ходкевичъ и панъ Семень Шлизаровичъ межи ними вѣчного делу не вчинили, ани въ листе єго, который шнъ поведаєть передъ вашою милостью, вѣчного дѣлу не было написано.

И мы, тому поразумѣвши и шмовивши тѣю речъ межи собою, ижъ Заранки впоминали завжды штую неровность, поченши ѿ Казимира короля єго милости ажъ до сихъ часовъ, сказали єсмо Мартинъ, войскому, и єго брати Богушъ и Мацку а Ивану Заранковичомъ присягнути, бо шни своєго ищуть: ближай имъ присягнути, какожъ Инъ Горбовский къ присязе ихъ пустилъ, и на томъ мають присягу вчинити:

«Мы, Заранки, (менуючи именемъ своимъ кождый себе) присегаємъ Богу и

Пречитосй Єго Матери || (л. 28) и всимъ святымъ на томъ, штожъ штець нашъ зъ братомъ своимъ рожонымъ Иномъ Горбовскимъ делу вѣчного не мѣли, а панъ Иванъ Ходкевичъ и панъ Семень Шлизаровичъ межи ними єздили, а листовъ дѣлчихъ имъ на вѣчность не давали, ани въ тыхъ листехъ, которыи єсмо въ него видали, вѣчный дѣлъ не былъ написанъ, а штець нашъ ровного дѣлъ съ нимъ на вѣчность не мялъ. Єсли справедливе присегаємъ, Боже, намъ помогай! А єсли несправедливе присегаємъ², Боже милый, вбий насъ на души и на тѣле въ сесь вѣкъ и въ бѣдущий!»!

И рокъ єсмо той присязе положили по Трехъ Кролехъ въ чотырехъ недѣляхъ, въ четвергъ, мають Заранки присягнути на имени своємъ, Ѹ Горбова, въ С[в]ѣтатого Спаса, передъ дворяниномъ господарскимъ СѸморокомъ Радогощаниномъ, которого єсмо имъ вижомъ дали.

И какъ шни присягнуть, мають тоє имѣньє Горбово и Легуты на-полы делити, какъ людми, такъ землями пашными и бортными, и сеножатыми и пущами, и шзеры, во всемъ ровный дѣлъ мѣти, на вѣчность, передъ тыми дѣлчими, кого шни съ своєѣ рѣки собѣ съ шбу сторонъ возмутъ.

А што ся дотычетъ домовъ ихъ, мають шни дома своими седѣти, не рѣшаючи ничего, только людми а сеножатми и пущами и шзеры и деревомъ бортнымъ мають делитися.

Также церкви, которыи шни Ѹ-в-ымѣняхъ своихъ мають, Заранки Рускѣю мають держати, а Инъ Горбовский свою Лядцкѣю маєть мети съ тыми наклады, што въ церквахъ будетъ; лечъ што будетъ людей и земль, наданыа

¹ Въ подл. описка: «єми». ² Въ подл.: «присезаемъ».

къ церквамъ, тоѣ все мають на-полы делити, або толькожь надати съ своихъ частей людей и землю, абы на шбе церкви ровно было во всемъ.

И тежь што ся дотычеть млына Ѡчизного, тотъ мають на-полы делити. А который млынъ **И**нь Горбовский маѣтъ къ берегу своѣмъ, выслузъ, а другой берегъ ихъ Ѡчизный, въ томъ берегу Ѡчизномъ Заранкомъ половица, кромъ ѣго берегъ.

И также вспоминали Заранки ш домъ Ѡчизный въ месте Берестейскомъ.

И **И**нь Горбовский мовилъ: тотъ домъ га продалъ, и далъ брату своѣмъ, Ѡцу ихъ, пять копъ грошей.

И тежь вспоминали передь нами Заранки: штожь дей мы Болото маѣмъ въ пятнадцати || (об. л. 28) копахъ грошей, што штець нашъ наложилъ за него, правуючися ш имѣньѣ тоѣ Болото, и теперъ маѣмъ въ тыхъ пенязяхъ ѣго части. Писанъ Ѡ Берестьи, ген[варь] 5 день, индик[т]ъ 7.

58.—1518, 30 декабря. Рѣшеніе по жалобѣ королевскаго земянина Якуба Техановскаго на дочь свою, вдову Станиславовую Скиндеревича, объ имѣніи Полхъ.

Мы, **И**нь Николаѣвичъ, маршалокъ земский, староста Дорогицкий и Слонимский, а **Ш**льбрахтъ Мартиновичъ Кгаштовтовича, воѣвода Полоцкий, державца Мазырський, а Юрьи Ильиничъ, маршалокъ господаря короля ѣго милости, староста Берестейский и Лидский, а **И**кубъ Кунцовичъ, конюший дворный и Тродкий, державца¹ Василишский, Лѣпунский и Волкиницкий. Смотрѣли ѣсмо того дѣла. Стогали передь нами шчивисто, жаловалъ намъ земянинъ господарьский **И**кубъ Техановский на

дочку свою пани Станиславовѣю Скиндеревича тымъ шбычаѣмъ: держитъ имѣньѣ моѣ подь собою, наймя Полхъ, а мнѣ ѣго постѣпити не хочеть.

И мы спытали пани Станиславовоѣ.

И шна повѣдила передь нами тымъ шбычаѣмъ: тоѣ имѣньѣ панъ мой, по близкости моѣй, зыскалъ Ѡ брати въ тотъ часъ, коли шнъ збѣгъ былъ до Мазовши, нѣкоторыи головъщинны починивши; штожь господарь ѣго милость тоѣ имѣньѣ съ права сказалъ мнѣ мети, и листъ свой Ѡвяжчий на то далъ, а ѣму вжо не казалъ Ѡ тоѣ имѣньѣ ся Ѡступати. И былъ панъ мой того имѣнья и въ впокои двадцать лѣтъ; и га тоѣ имѣньѣ и до сихъ часовъ держала. То пакъ шнъ тыми часы, наѣхавши на тоѣ имѣньѣ квалтомъ, цинши зъ людей моихъ побралъ, и шкоды починилъ, и грабежи.

И мы спытали **И**куба: што къ тому Ѡпоръ маѣшь?

И шнъ мовилъ передь нами: то ѣсть имѣньѣ моѣ, а не ѣѣ.

И пани Станиславовата слалася до листу господарьского и до пана Стецковича, какъ шнъ былъ старостою Ѡ Дорогичине, и самъ ѣѣ Ѡ тоѣ имѣньѣ Ѡвязалъ. И ставила шапкѣ со ста копъ до листѣ господарьского и до пана **И**на Стецковича.

И шнъ до листу господарьского и до пана **И**на не слался.

|| (л. 29) И мы, тому поразумѣвши, нашли ѣсмо **И**куба въ томъ винного, и сказали ѣсмо на немъ пани Станиславовой квалту дванадцать рублевъ грошей, ижъ шнъ, не маючи ничего до того имѣнья, Ѡзѣхавши квалтомъ, ѣѣ цинши зъ людей бралъ, и людемъ ѣѣ шкоды починилъ; и на чомъ тыи люди ѣѣ присягнутъ, то шнъ маѣтъ имъ пла-

¹ Сперва было написано: «державца», но потомъ поправлено.

тити. А тоѣ имѣньѣ казали єсмо пани Станиславовой предся держати, подле сказаннаго господарьского и Ѹвязаннаго пана Янова. И на то дали єсмо пани Станиславовой сесь листъ нашъ судовый подь печатъми нашими. Писанъ Ѹ Берестыи, декаб[рь] 30 день, индик[т]ъ 7.

59¹.—(безъ даты). Постановление по жалобѣ конюшаго дворнаго Якуба Кунцовича на Свислочскаго поповича Васечку о воровствѣ.

Приказаньємъ господаря короля єго милости. Мы, Янъ Миколаєвичъ, маршалокъ земский, староста Дорогицкий и Слонимский, а Янъ Яновичъ Заберезынский, воєвода Новгородский, державца Марковский и Довкговский, а Юрьи² Ильиничъ, маршалокъ господарьский, староста Берестейский и Лидский. Смотрели єсмо того дѣла. Стоали передь нами ѡчивисто, жаловалъ намъ панъ Якубъ Кунцовичъ, конюший дворный и Троцкий, державца Василишский, Лѣпунский и Волкиницкий, на Васечка, поповича Свислочского, который Ѹ него первой того мешкаль, а на тотъ часъ служилъ пану Станиславу Григорьєвичу, крайчомъ господаря короля єго милости, державца Мерецкому, тымъ ѡбычаємъ: какъ ѡнъ мнѣ служилъ, и та єго безпечне допустилъ до коморы своєѣ, гдѣ речи мои и скрини съ пѣнязми бывали; и ѡнъ, тамъ ходячи, крадывалъ съ скрини моєѣ пѣнязи. Какъ же єсми лицомъ Ѹ него пѣнязи выбралъ, и пыталъ єсми єго: «чимъ ты тѸю скриню ѡмыкивалъ»? И ѡнъ ся передо мною зналъ, ижъ тѸю скриню ѡмыкивалъ коморнымъ клю-

чомъ, и не ѡднокротъ пѣнязи съ тоѣ (об. л. 29) скрини биралъ. И та, не хотячи того коротко чинити, просилъ єсми до себе пана Шимка Мацковича, подконюшого Виленского, и пана Лукаша Гриньковича Воловича. И какъ ѡни, ко мне приєхали, и та того Васечка передь тыми добрыми людьми пыталъ повторе, и ѡнъ передь ними ся призналъ подь тоужъ мѣрою, ижъ злодѣйскимъ ѡбычаємъ съ скрини моєѣ пѣнязи биралъ; и взявши ключъ коморный ѡлчивый, передь ними скриню ѡтомкнулъ. И та тогда паномъ Шимкомъ³ и паномъ Лукашомъ то ѡсвѣтчилъ, и пыталъ єсми єго передь нимижъ: колько пѣнязей съ тоѣ скрини взялъ? И ѡнъ мовилъ: «того не паметаю⁴, бо часомъ єсми тымъ ключомъ коморнымъ⁵ ѡмыкивалъ, а часомъ, беручи ключъ съ подголовья пана своєго, ѡтомкнувши тую скриню, пѣнязи биралъ».

И мы спытали того Васечка: чи знаєшься къ томъ, какъ панъ Якубъ на тебе злодѣйства доводитъ?

И ѡнъ къ томъ передь нами ни къ чому не зналъ.

И панъ Якубъ послался на пана Шимка и на Лукаша, передь которыми ѡнъ самъ ку ѡмыканью скрини и ку злодѣйству зналъ.

И тотъ Васечко шапку свою приставилъ и до тыхъ свѣтковъ послался на томъ, штожъ тоѣ скрини передь ними не ѡмыкаль и къ пѣняземъ ся не признавалъ.

И мы пану Якубъ казали свѣтки свои ку сведєцствѸ передь нами поставити, а пану Станиславу, крайчому, мовили єсмо: єсли бы того слугъ своєго мелъ за себе взяти и зася єго къ

¹ Такое же дѣло, но съ другимъ лицомъ, было у Якуба Кунцова (см. выше, въ Первой Книгѣ Судныхъ Дѣлъ, документъ № 190). ² Поправлено изъ сперва написаннаго: «Юрей». ³ Въ подл.: «Шимкамъ». ⁴ «паметаю». ⁵ Здѣсь слогъ *мо* вписанъ надъ строкою.

шпытанью свѣтковъ передь нами поставити.

И пань Станиславъ прирекъ єго передь нами поставити.

И кгдажь пань Якубъ свѣтки свои передь нами поставилъ, ино пань Станиславъ, крайчий, того злодѣя єго, Васечка, передь нами не поставилъ, а ѿповѣдилъ намъ, ижь тотъ Васечко ѿ єго милости втекъ.

И мы, водлугъ обычаю права, тыхъ свѣтковъ пана Якубовыхъ, пана Шимка и Лукаша, шпытывали.

И шни свѣтчили передь нами: ижь дей тотъ Васечко передь нами ся зналъ, (л. 30) штожь дей коморнымъ ключомъ ѿалшивымъ тую скриню пана своєго ѿмыкалъ, а часомъ, ключъ ѿ пана своєго и колитъ ѿкрадши, и пѣнязи биралъ, штомкнувши тѣю скриню, лечь тогда передь нами не повѣдилъ, колько сумою пѣнязѣй взялъ.

И мы, томъ поразумѣвши, водлугъ свидетельства пана Шимкова и Лукашова, ижь передь ними ся созналъ, штожь [сѣ] скрини пѣнязи биралъ, и пославшия на свѣтки самъ въ пана Станислава втекъ,—и намъ ся видело, ижь шнѣ въ томъ виненъ, нашли єсмо єго въ томъ винного, и казали єсмо пану Якубу, гдѣ єго нашодши, въ той шкоде своѣй поимати.

60.—1519, 5 января. Дѣло Берестейскихъ Евреевъ съ Берестейскими мѣщанами по поводу отрубленія рукъ у Еврея, ослѣпившаго христіанина, Лосицкаго королевскаго человѣка Ивана Проневича.

Приказаньємъ господаря короля єго милости Жигимонта. Мы, Іанъ Миколаєвичъ, маршалокъ земский, староста Дорогицкій и Слонимский, а Юрьи

Ильиничъ, маршалокъ господаря короля єго милости, староста Берестейский и Лидский, а Шврамъ Єзоовичъ, подскарбий земский, староста Ковенский. Смотрели єсмо того дѣла. Стояли передь нами шчивисто, жаловали намъ Михель а Изакъ Єзоовичи со всеми Жиды Берестейскими на пана Андрѣя Борисовича Лозку а на намѣстника Берестейскаго пана Юрьєва Ильинича, старосты Берестейскаго, на Мишка Романовича¹, а на лентвойта Берестейскаго, на Данька, и на бурмистровъ и радцовъ и всихъ мещанъ тымъ обычаємъ: мы маємъ право своє ѿ господаря нашого, водлугъ Жидовства нашого; ино панъ Лозка зѣ намѣстникомъ Берестейскимъ судили Жида нашого на замку, на имя Шгрона слепого, съ члвкомъ господарьскимъ зѣ Лосицкимъ, на имя зѣ Иваномъ² Проневичомъ; и судивши єго, послали зѣ замкъ до лентвойта и до бурмистровъ и радцѣ ку праву Маитбарскому. Шни, не вѣдаємъ³—которымъ обычаємъ казали ємъ рѣки обрѣбати.

И мы спытали Андрѣя Лозки и намѣстника (об. л. 30) Берестейскаго Мишка: што къ томъ мовите?

И шни ѿказывали передь нами судъ свой тымъ обычаємъ: мы сами-шдны того не сѣдили, а шсадили сѣ собою Жиды Берестейскии, на имя Данька Єнѣковича, а Іакова а Илью Мошѣєвичовъ⁴, а Єска Іантича, Шгрона а Єска а Шлomu Голошеєвичовъ и иншихъ Жидовъ, и смотрѣли єсмо того дела: жаловалъ намъ члвкъ господарьский зѣ Лосичъ, на имя Иванъ Проневичъ, на того Жида Шгрона: «нанялъ дей мя шнѣ, абыхъ сѣ нимъ єздилъ по дорогамъ и єго водилъ, какъ то слепого; и га сѣ нимъ поєхалъ до

¹ Въ подл.: «Рамановича» ² «з-ываномъ» ³ «вѣдаю» ⁴ «Машѣевичовъ».

Люблина; ино подъ возомъ нашимъ шь ся поломила; и га мовиль тому Жидъ: «ты поседи тутъ, а га пойдъ на село шси добывати подъ тотъ возъ»; и шнь мя зымаль и, связавши мене, выдавилъ ми шчи, и солью насолилъ». И того члвкѣ привели передъ насъ слепого, безъ шчю. Мы спытали того Жида Урона: «которымъ еси шбычаемъ то вчинилъ тому члвкѣ господарьскому»? И шнь передъ нами къ тому ся призналъ и рекъ тымъ шбычаемъ: «тотъ члвкѣ хотѣлъ ма забити на дорозе, и га емъ то вчинилъ, ижъ бы шнь мене не забилъ: шчи еси ему вылунилъ, и солью насолилъ». И мы, водлугъ вызнаныа его, ижъ шнь не слшнымъ шбычаемъ то вчинилъ хрестянинъ, будъчи моцонъ, шчи вылунилъ, мовили есмо тымъ Жидомъ, которыи съ нами на томъ праве седѣли, абы того Жида взяли на рѣкоѣство, естли бы тому хрестянинъ шчи выжили въ десяти недѣляхъ. И тыи Жидове мовили намъ: «мы того Жида на рѣкоѣство не беремъ, бо шнь не шѣлый ъ Берестѣи, волочаци[й] а збродень; для котороѣ жъ збродни, ижъ шнь виноградъ краль, ему самому шчи вылунили». Ино мы, бачачи то, ижъ шнь Жидъ не шселей, а рѣкаѣства по немъ ни которого нѣтъ, дали есмо его до войта и до бурмистровъ: нехай емъ каранѣ ѣчинять, водлугъ права своѣго Маитбарского.

И войтъ и бурмистры и радци повѣдили передъ нами, ижъ казали ||(л. 31) ему руки втяти, водлугъ права ихъ Маитбарского, за таковой его вчинокъ.

И мы, тѣю речъ шбмо[ви]вши и поразумѣвши тому, водле ѡказу пана Ложчина и намѣстника Берестейского, ижъ тотъ Жидъ моцонъ былъ шномъ

хрестянинъ, ижъ его поймавши и связалъ, а до права его ку замкѣ господарьского до врьдъ не вель, и таковой ѣчинокъ самовольствомъ своимъ ѣчинивши, передъ правомъ самъ ся призналъ, и тежъ водлугъ сѣда ихъ на рѣкоѣство его взяти ништо не хотѣлъ, и шни дали его до права Маитбарского, леньтъвойтъ зъ бурмистры и радци дали ему рѣки шбрубати, водле права своѣго Маитбарского, а въ томъ Жидове споръ ни которого не вчинили,—нашли есмо пана Андрѣя Лозку и намѣстника Берестейского Мишка и лентвойта и бурмистра и радець въ томъ правыхъ: не мають Жидове Берестейский ничего къ нимъ ш томъ мовити. И на то дали есмо имъ сесь листъ нашъ сѣдовый подъ нашими печатьми. Писанъ ѣ Берестѣи, ген[варь] 5 день, индик[т]ъ 7.

61.—1518, 17 сентября. Запись сдѣлки между Дорогицкимъ земяниномъ Васильемъ Клюковскимъ, Яцкомъ Стативичемъ и Василюемъ Прокоповичемъ.

Панъ его милость казалъ про память записати Што земянинъ Дорогицкий Васько Клюковский закунилъ былъ въ людей господарьскихъ Дорогицкихъ ѣвъ Игната¹ а въ Леца Стейковичовъ волокѣ ихъ, ино тотъ Игнатъ измеръ. Ино за его часть далъ передъ нами Яцко Стативичъ, далъ Ваську Прокоповичу, зятю Клюковского, полшмадесять грошей. И тую волоку казали есмо тому Яцку, часть Игнатовъ, держати, а Лецкова часть пуста. И мы, зъ ласки нашоѣ, Ваську казали на себѣ то пожати жито, што шнь будетъ || (об. л. 31) посеваль, а поженши не масть вжо въ тую землю, жеребей Лецовъ, вступатися. Писанъ въ Дорогичине, сен[тябрь] 17 день, индик[т]ъ 7.

¹ Въ подл.: «у-в-ыгната».

62¹. 1518, 7 сентября. Заявленіе земскаго маршалка о представленіи королевскими дворянами Сасиными суду доказательствъ своего шляхетскаго происхожденія и о неявкѣ въ судъ Станислава Якубовича Щитовича.

И, Ианъ Миколаевичъ, маршалокъ земский, староста Дорогицкий, и Слонимский.

Штожь, зъ розказанья господарьскаго, будучи въ Берестѣи на соймѣ прошломъ, смотрели есмо пана Станислава Якубовича Щитовича зъ дворяны господарьскими (sic) Сасины в головщину брата ихъ и господарю его милости то указывали, и господарь его милость присудилъ на немъ за головъ брата ихъ сто копъ грошей, какъ которому шляхтичъ. Нижли панъ Станиславъ тому Сасину передъ нами пригавилъ², ижь бы они были не шляхтичи, и для тоѣ причины головщины платити не хочеть.

Ино Сасины мовили, и[жь] хотять родъ свой передъ нами поставити и того справитися, ижь они шляхтичи.

И мы имъ рокъ положили передъ нами стати и родъ свой вывести—въ чотырехъ неделяхъ по Вѣлицедни, подъ страченъемъ права³, гдѣ мы на тотъ часъ будемъ. А панъ Станиславъ маеть того ся передъ нами довѣдат[и] по нихъ: а если шляхтичи, и маеть имъ тую головщину, подле роду ихъ, платити. А што ся дотычетъ шкодъ ихъ, на чомъ они мели присягнути—въ чотырехъ неделяхъ по Новомъ Лѣте,—ино панъ Станиславъ на тотъ рокъ къ присязе ихъ не повель. И мы ему дрругий рокъ, подъ страченъемъ⁴, положили—въ другихъ чотырехъ неделяхъ, то есть, вступивши въ постъ Великий, на первой недели въ середъ мають Са-

сины сами-три а четвертаа невѣстка ихъ, того брата ихъ жона, которого они вбесиль, присягнути. А если бы черезъ тоѣ панъ Станиславъ ихъ къ присязе не вель передъ дворяниномъ господарьскимъ Гришаномъ а передъ вижомъ городовымъ, которого имъ намѣстникъ нашъ Дорогицкий дастъ, || (л. 32) подле розказанья нашего, однакожь они передъ тыми вижи тамъ на имѣнѣи, гдѣ ся имъ шкода стала, въ Бадикохъ⁵ мають присягнути, и на чомъ они присягнуть, мы кажемъ на немъ то ѿправити. При томъ были: панъ Юрѣи Рачковичъ, судья Бельский, а панъ Сорочинъ Сачковичъ, а панъ Иронимъ, судья Дорогицкий городской, а панъ Миклашь Скирвинъ, а панъ Ианъ Кучинский. Писанъ 8 Дорогичине, сен[тябрь] 7 день, индик[т]ъ 7.

Ино тыи дворяне господарьский Сасины на тотъ рокъ, въ чотырехъ неделяхъ по Вѣлицедни, плѣмя-братью свою передъ нами ставили, хотячи шляхотство своѣ ими вчистити: напервей дворянина господарьскаго Ивана Резанца, а ботаръ господарьскихъ Слонимскихъ Ивана Свѣтича и Богдана Свѣтича а Войнъ Свѣтича, а ботарина господарьскаго Городенскаго повѣта Мацка Адамовича. Нежли на тотъ рокъ панъ Станиславъ передъ нами самъ не сталь.

63.—1519, 25 мая. Назначеніе срока и судей для разбора пограничнаго спора между крестьянами князя Андрея Михайловича Сангушковича и князя Тимоея Пузинича.

|| (об. л. 32) И, Ианъ⁶ Миколаевичъ, маршалокъ земский, староста Дорогицкий и Слонимский. Жаловаль намъ

¹ Срвн. выше документъ № 50, и ниже №№ 86 и 87. ² Въ подл.: «присягнулъ» (sic).

³ Эти три слова вписаны послѣ, на поляхъ. ⁴ Въ подл.: «страченъемъ». ⁵ Въ подл. описка: «Бацакохъ». ⁶ Описка: «Ианъ».

князь Андрей Михайлович Сенкгуш-ковича на князя Тимоѳея Пузынича ѡ томъ: многи ми ста дей кривды и грабежи ѿ слугъ его и ѿ людей деють, а въ томъ ми права дати не хочеть.

И князь Тимоѳей мовиль къ томъ: мнѣ больши кривды ѿ слугъ и ѿ людей его ста деють, внѣ ми пра[ва] съ нимъ вчинити не хочеть.

Ино они зъ шбеюхъ сторонъ просили насъ, абыхмо имъ рокъ заложили ѡ тыи ихъ вси кривды.

И мы имъ рокъ положили, подъ страченъемъ права, ѿ сего ѡвторка въ тыйдень, то естъ на шстой недели по Велицедни, маеть во второкъ князь Тимоѳей князю Андрею съ тыми людьми своими, до которыхъ бѣдетъ дело, справедливость учинити; а въ середѣ князь Андрей маеть князю Тимоѳею [съ] своими людьми справедливость вчинити. А естълижъ бы князю Андрею во второкъ ся право во всемъ на конецъ стати не могло, тогда маеть князь Тимоѳей въ четвергъ князю Андрею на конецъ зъ людьми своими право вчинити, а въ пятницѣ засѣ князю Тимоѳею маеть князь Андрей право на конецъ учинити.

Ино князь Андрей взялъ съ своеѣ руки судьями дворянина господарьско-го Мостыкѣ, а служебника нашего Левка, а князь Тимоѳей взялъ съ своеѣ руки судью Михайла Уксакова: мають тыи ихъ судьи на тотъ рокъ на томъ правѣ быти; а естъли бы хто зъ нихъ на тотъ рокъ сѣдей своихъ не поставиль, тогда тыи судьи мають во всемъ справедливость межи ними на шбе сторонѣ досмотрети, которыи кольве бѣдутъ, а иныхъ судей не мають они себе прибирати, кромъ тыхъ судей. Мага писанъ 25 день, индик[т]ь 7.

64.—1519, 25 мая. Постановленіе по жалобѣ Ивашка Есмановича на Слонимскую мѣщанку Жуковую объ огородѣ, принадлежащемъ къ проданному ею Есмановичу фольварку.

И, Янъ Миколаѣвичъ, маршалокъ земский, староста Дорогицкый и Слонимский. Смотрели есмо того дела. Жаловаль намъ Ивашко Есмановичъ на мѣщанкѣ Слонимскую Жуковѣ, што она съ первымъ мужемъ своимъ Борсѣкомъ продала ему на вечно[сть] фольварокъ¹ на Панасовце и подписалася его шчипати, которого жъ фольварка шгородъ потомъ въ неѣ правомъ зыскано.

И она противъ того шпорѣ слушно-го не дала; нежли просила рокѣ, на который жо бы мѣла листъ положить, што за тотъ фольварокъ зъ мужемъ своимъ дала.

А потомъ тотъ листъ на то положила безъ печати.

И Ивашко тому листѣ приганиль.

И она того листа ни чимъ подперети не могла.

За тымъ Ивашко мовиль: га тотъ шгородъ вaju себе, какъ тотъ весь фольварокъ; дал-омъ тридцать копъ грош[ей], а теперъ дай ми за весь фольварокъ десять копъ грош[ей], а то для того, што ми безъ того шгорода и по томъ фольваркѣ ничего нетъ.

И она тыхъ десяти копъ грош[ей] за тотъ фольварокъ ѿложити не поднелася.

И мы, въ томъ порозѣмевши, такъ знашли: ижъ маеть тага Жукова, тотъ шгородъ выкупивши за што-кольве можетъ, и ему ѿдати; а естъли бы она того шгородѣ нѣ выкупила, тогда маеть ему за тотъ шгородъ заплатити десять копъ грош[ей] на три роки, по

¹ Въ подл. описки: «фольварокъ».

шести недель; ||(л. 33) естлижъ бы она на тыи роки тыхъ пѣнезей ему не заплатила, ани шгороду того не шчистила¹. але бѣдетъ ли мет[и] чимъ платит[и], тогда маемъ есе шицю выдати. Писанъ 8 Слониме, мата 25 день, индик[т]ъ 7.

65.—(безъ даты). Рѣшеніе по жалобѣ королевскаго дворянина Ивашка Есмановича на королевскаго боярина Мацка Тальковича, слуги котораго побили слугъ Есмановича на охотѣ и отняли зайцевъ.

И, Янъ Миколаевичъ, маршалокъ земский, староста Дорогицкій и Слонимский. Жаловалъ намъ дворянинъ господарьский Ивашко Есмановичъ на боярина господарьскаго на Мацка Тальковича тымъ шбычаемъ: которыхъ есеи служокъ своихъ послалъ на полѣ со псы на заѣцъ, и шнѣ ми тыхъ служокъ моихъ, перенемши² на поли, збилъ безвинне, и заѣци въ нихъ пошнималъ.

И Мацко рекъ: правда естъ, билъ есеи тыхъ его слугъ, але не на поли, заставши въ ловехъ своихъ.

И слуги Ивашковы Есмановича подали двѣхъ члѣнковъ королевскихъ, Екша а Луцка Карповича, а третего князя Семенова Шдинцевича, Шбдлу Савича, на томъ, ижъ бы Мацко ихъ билъ, и заѣци пошнималъ на поли, подле колодезя, въ Коргини.

И Мацко на тыхъ свѣтковъ послался.

Которыи жъ светковѣ передъ нами светчили тымъ шбычаемъ: штожъ, идучи дорогою [съ] Слонима, видели на поли, противъ³ колодезя [въ] Коргини, людей бѣючи[хся]; а за тымъ, прибег-

ши къ намъ слуга Ивановъ Есмановича Бѣзунъ, и почалъ намъ ѡзъявяти, штожъ Мацко⁴ ихъ збилъ, и заѣци въ нихъ поотнималъ⁵; и шказывалъ намъ чотыри раны кривавыхъ; а на дрѣгомъ раны синевыи есмо видели; и памятноѣ намъ дали; при которомъ же бои и Мацка и зъ сыномъ есмо видели, нежли не вѣдаемъ, чий початокъ былъ.

И мы, тому порозѣмевши, ведлугъ свѣдотства⁶, и знашли есмо Мацка въ томъ винного, и судили есмо имъ навязки два рѣбли грошей, естли бы они были путныи слуги, и заѣци казали есмо есмѣ полатити.

66.—1519, 5 января. Рѣшеніе по жалобѣ королевскихъ дворянъ Дмитрія, Ѳедора и Семена Гринькевичей Маскевичей на Анну Ивановую Александровича и зятя ея Кмиту Стретовича о зашрудѣ на рѣкѣ Сервечи.

Приказанъ емъ господаря короля его милости Жикгимонта. И, Янъ Миколаевичъ, маршалокъ земский, староста Дорогицкий и Слонимский, а Иванъ Андреевичъ, подскарбий дворный господаря короля его милости, державца Веленский, а Якубъ Кунцовичъ, конюший дворный и Троцкий господаря его милости⁷, державца Василишский, Лѣпунский и Волкиницкий. Смотрели есмо того дѣла. Стогали передъ нами шчивисто, жаловали намъ дворяне господарьскии Митько а Ѳедоръ а Сенько Гринькевичи Маскевичи⁸ на пани Ивановѣю Александровича на Анну а на зятя еѣ пана Кмитѣ Стрѣтовича

¹ Послѣ сего излишне повторена и зачеркнута предыдущая фраза: «и естлижъ бы... тогда». ² Въ подл. описка: «перенемши». ³ Этотъ предлогъ въ подл. зачеркнутъ, а другимъ не замѣненъ. ⁴ Послѣ сего написано: «Есмановичъ» и зачеркнуто. ⁵ Эти три слова въ подл. зачеркнуты, а другими не замѣнены. ⁶ Въ подл. описка: «свѣдотства». ⁷ Эти три слова вписаны надъ строкою. ⁸ Въ подл.: «Масевичи».

тымъ обычаємъ: (об. л. 33) zostавили
они собѣ ставъ на рецѣ на Сервечи¹,
и затопили намъ хмелища наши зве-
чистыи и сеножати.

Ино панеѣ Ивановоѣ передъ нами
не было. Нижли панъ Кмита мовиль
передъ нами: тотъ ставъ zostавиль не-
божчикъ тесть мой панъ Иванъ, под-
скарбий, на своємъ, а тоѣ хмелищю
купиль ѡ ѿца ихъ въ пана Гринька
Маскевича и въ дядька ихъ, въ Рачка,
и на то не взялъ въ нихъ листа куп-
чого; а затымъ пана Ивана смерть
зашла.

И они мовили передъ нами: пози-
чилъ былъ штецъ нашъ и зъ дядькомъ
на нѣкоторую потребѣ свою въ пана
Ивана шесть копъ грошей, черезъ руки
небожчика пана Митьковы Хребтовича,
и тыхъ пѣнязей и теперъ не примъ; а
хмелища и сеножатеи ѣму не продо-
вали.

И панъ Кмита рекъ: коли небожчикъ
тесть мой ѡмеръ, тогда штецъ вашъ и
зъ дядькомъ вашимъ почали вспомина-
ти, хотячи тотъ ставъ роскапати, для
тыхъ хмелищъ своихъ. И пани теща
мога то въслышала, и тотъ ставъ была
спустила; и штецъ вашъ и зъ дядькомъ
вашимъ, видячи то, ижъ съ того хме-
лища пожиткѣ ничего не мають, и они
тыи хмелища, змовившиися съ тещею
моєю, ѣй продали за шестнадцатъ копъ
грошей широкихъ; и на то листъ свой
ѣй вызнаный подъ печатми своими
дали; въ которого жъ листа и иныхъ
добрыхъ людей печати суть.

Который же листъ панъ Кмита пе-
редъ нами вказываль. И въ томъ листе
стоитъ, ижъ панъ Гринько и братъ ѣго
панъ Рачко тоѣ хмелищю продали тещи
ѣго на вѣчность; нижли въ томъ листе
выписуесть, ижъ мають они кригою въ

реци Сервечи, ѡверху ставу, рыбы
ловити, поки закота старата была за
пана подскарбего; и то тежъ мають
они держати, што въ пана Ивана при-
няли, сеножати на два стожки въ Стам-
ковской луцѣ а Текуновскую сеножати,
а сеножати свои, што вода не поняла
школо того, то имъ держати, подле ли-
сту вызнаного ѿца ихъ и дядька ихъ.

И того ѣсмо межи ними досмотревши,
нашли ѣсмо пана Кмиту правого, и
казали ѣсмо ѣму тотъ ставъ держати
вѣчне, подлугъ старого засыпаннаго пана
Ивана подскарбего, цстя ѣго, и тежъ
хмелища, котороѣ продали тещи ѣго
панъ Гринько а панъ Рачко; а Митьку
и Ѳедору и Сеньку ненадобе вжо чересъ
тоѣ въ тыи хмелища вступатися. Пи-
санъ ѡ Берестыи, ген[варь] 5 день,
индик[т]ь 7.

67².—(безъ даты). Отложеніе дѣла Саб-
ней и Головенекъ съ Ядвигою Литаворовою
Хребтовича до личного королевскаго раз-
смотрѣнія: по вопросу о службѣ этихъ
земанъ къ Дорогичину, или къ Городку.

|| (л. 34) ИА, ИАНъ Миколаѣвичъ, марша-
локъ земский, [староста Дорогицкый и
Слонимский. Смотрели ѣсмо того дѣла.
Стоали передъ нами шчивисто, жало-
вали намъ Сабни а Головеньки, наима
Левонъ и Игнатъ, Иванъ а Ѣско, зъ
братъѣю своєю на пани Литаворовѣю
Хребтовича, маршалковѣю — господаря ко-
роля ѣго милости, паню Идвигѣ тымъ
обычаємъ: господарь король ѣго ми-
лостъ заставиль небожьщикѣ пану ѣѣ
дворъ ѡ Дорогицкомъ повѣте Городокъ,
который перво мѣлъ панъ Икубъ До-
войновичъ, тежъ въ заставе ѿ госпо-
даря ѣго милости, а мы, земляне, къ
Дорогичинѣ службу земскѣю служивали,

¹ Здѣсь второе *e* поправлено изъ *и*. ² См. выше, документъ № 48.

а къ ГородкѸ не служивали ни чимъ здавна, за пана Якуба Довойновича и за пана Литавора. И теперь пани Литаворовага, после пана своѣго, почала намъ кривды чинити, къ Городку насъ вернути служити, и цинши на насъ выбираеть, и иншии поплаты велить платити, и волоки наши на себе забрала, и въ подводѸ насъ выгоняеть; а мы передъ тымъ николи тоѣ службы не служивали, бо ѣсмо шляхтичи.

И покладали передъ нами листъ Александра короля ѣго милости. Въ которомъ ѣго милость пишеть до пани Якубовоѣ¹ Довойновича и до ѣѣ детей, ижъ ѡни къ Дорогичину службѸ земскую служатъ, а къ ГородкѸ абы ихъ не приворочивала, ани которою тяглою службою не велѣлъ служити. А потомъ нынешней господарь нашъ Жикгимонтъ король ѣго милость писалъ до пана Яна Стецковича въ тотъ часъ, какъ ѡнъ Дорогичинъ держалъ, абы тежъ не далъ имъ пани Якубовой кривды чинити и къ Городку ихъ вернути, до слушноѣ росправы передъ ѡбличностью ѣго милостью господарьскою.

Ино тыи листы писаны на жалобу ихъ заѡчнѸю; а того въ листихъ ((об. л. 34) господарьскихъ не выпи-суеть, ижъ бы ѡни ѡчивисте передъ ѣго милостью стоѡли.

А потомъ положила передъ нами пани Литаворовага привилей господарьский, который Александръ король ѣго милость далъ пану ЯкубѸ ДовойновичѸ на Городокъ. Въ которомъ привилѣи выпи-суеть, ижъ ѣго милость заставилъ дворъ Городокъ и Городищю; въ томъ привилѣи выпи-суеть, ижъ и зъ ихъ при-селки, и тыи Сабни и Головеньки, и зъ ихъ землями и поплаты, и зъ доходы.

А потомъ положила ѣѣ милость при-вилей нынешнего господаря Жикгимонта короля ѣго милости. Ёго милость въ томъ привилѣи выпи-суеть, ижъ ѣго ми-лость заставилъ пану ЛитаворѸ, и тежъ паней ѣѣ милости подтвердилъ до жи-вота ѣѣ, въ тысячи золотыхъ черленыхъ Угорьскихъ; выпи-суеть ѣго милость, ижъ тотъ Городокъ и Городищю, и Саб-ни и Головеньки, и иншии села со всимъ по тому, какъ передъ тымъ панъ Якубъ Довойновичъ держалъ.

И мы спытали тыхъ Сабневъ и Го-ловенекъ: чи пани Литаворовага ѣѣ милость васъ почала вернути Ѹ службѸ тяглѸю къ ГородкѸ, чиль передъ тымъ хто васъ выгонивалъ Ѹ службу тяглою?

И ѡни повѣдили передъ нами: ижъ панъ Литаворъ, при животѣ своѣмъ, казалъ волоки ихъ розмѣрити и цинши и поплаты собѣ брати.

Ино мы, тому поразумѣвши, штожъ ѡни сами то вызнали, ижъ ѣщо панъ Литаворъ, за живота своѣго, волоки ихъ розмерити казалъ и цинши побра-ти казалъ, а паню свою на томъ зо-ставилъ, и мы конца тому не вчинили, видячи таковыи листы господарьскии съ ѡбу сторонъ: ѡложили ѣсмо то до го-сподаря ѣго милости, ((л. 35) какъ, дасть ли Богъ, ѣго милость щастливе Ѹ пан-ство своѣ, великоѣ князьство своѣ², приѣдетъ, ѡни мають ѡчивисте съ па-ни Станиславовою мовити передъ ѣго милостью—то пакъ бѸдетъ Ѹ воли ѣго милости господарьской. А мы до того часу, поки ся передъ господаремъ ѣго милостью росправятъ, сказали ѣсмо па-ни Станиславовай тыи Сабни и Голо-веньки держати, водлугъ привилеѣвъ³ господарьскихъ. Писанъ Ѹ Дороги-чине.

¹ Эти два слова переправлены изъ «пана Якуба». ² Послѣ сего излишне повторено: «велико князьство». ³ Въ подл.: «привилей».